



J. N. FUNCK, C.

R. M. 1751.

§ 6 c. 12.

SYMBOLÆ
LITERARIÆ
AD
INCREMENTUM
SCIENTIARUM OMNE GENUS
A
VARIIS AMICE COLLATÆ.
TOMI TERTII
PARS IV.



B R E M Æ
Sumptibus GERH. WILH. RUMPII.
Anno MDCCXLIX.

SYMBOLAE
LIBRARIAE
MAGISTRINUM
SCHOOLAENS
VAN AME GOTT
GOMITRA
VIA



*)

SVMMA RERVVM
PARTIS QVARTÆ
TOMI TERTII.


- I. JO. GEORGII MICHAELIS EXERCITATIO PHILOLOGICA , DE JVDÆORVM SYNAGOGIS PROPE SEPVLCRA. p. 599.
-638.



- II. JOH. NICOLAI FVNCCII, *Marburgensis*, DE VETERVM ROMANORVM, PER FILIVM DEI JVRANDI CONSVETVDINE , DISSERTATIO. p. 639-675.



- III. JOANNIS CHRISTOPHORI HARENBERGII EXPOSIT. CAP. XVI. LVCÆ, seu parabolarum duarum , unius de villi-



villico injusto, alterius de epulone
divite cuticulam curante; SECTIO III.
QVA PARABOLA DE DIVITE EPVLONE
EDISSE RITVR. p. 675 - 713.



IV. JOHANNIS RODOLPHI GRVNERI,
V. D. M. Helveto - Bernatis, DISQVISI-
TIO DE CORNVBV S ARÆ, IN TABER-
NACVLO AC TEMPLO DLO O. M. SACRÆ,
eorumque ratione ac mysterio. p.
714. - 802.



V. INDICES IN INTEGRVM TOMVM TER-
TIVM.



III. JOHANNIS CHRISTOPHORI HA-
RENBERGII TESORI CATHARINÆ
LAURENTII PARAPOLITANÆ, SPLENDORE
AHLI.

.....
.....
.....
.....
.....
.....
.....
.....

I.

JO. GEORGII MICHAELIS
EXERCITATIO PHILOLOGICA
DE
JVDÆORVM SYNA-
GOGIS PROPE SE-
PVLCRÆ. *

CONSPECTVS.

S. I. **S**yntagœ iudaicæ, a tempore capti-
uitatis babylonicæ excitatae, insigni
fuerunt utilitati. II. Testimonia
de synagogis prope sepulcra proferuntur. III.
Judicium de itinerario Beniaminis & auctore
T. III. P. IV. Qq cip-

Conscriptit Vir Celeberr. eruditam dissertationem,
de Judæorum Synagogis propè sepulchra, primùm
A. MDCCXLVII. eum ad Orationem solemnem,
quā Vir Doctiss. GEORGIVS JACOBVS PAVLI,
Rectoratus manus, in Gymnasio Halensi, capes-
savit,

cipporum ebraicorum expromitur. IV. Confirmatur relatio horum testimoniorum R. Petachiae, Huetii, Tauernierii, Dapperi, inscriptione Thyatirensi apud Sponium. V. Difficultas iniciatur, sepulcra ex Num. XIX. 16. impura esse habita, qua de causa vel ædificis ornabantur, vel calce notabantur, ne quis, in illa incidens, pollueretur. Illustrantur loci Matth. XXIII. 27. Luc. XI. 44. VI. Sed ab hac religione cum tempore discesserunt, ad sepulcra commenantes, in ea se prosterentes, eaque peragentes, quæ in synagogis facere solebant. VII. Hoc ipsum specialius explicatur, exemplisque illustratur. VIII. Indicatur, quibus viis ad illam superstitionem sint prolapsi. IX. Conuentus Judæorum ad sepulcra occasionem construendis synagogis dederunt. X. In his imitatio quedam consuetudinum atque institutorum gentilium est animaduersa.

§. I.

Synagogæ Judæorum, in quibus lex & prophetæ prælegebantur & explicabantur, preces fundebantur, sermones etiam subinde habebantur,

avit, Auditores invitaret. Cum autem daartæ angustia prolixiorum argumenti pertractionem non permisiteret, eandem, altero tanto auctam, quæ est humanitate, his Symbolis inserendam, bene

tur, quibus necessariis religionis doctrinis instruerentur, adque virtutis pietatisque studium incenderentur, ab illo temporis articulo repetendæ videntur, quo Chaldaeorum saceritiae vrbs vastata, templum subversum, toti terræ tristis vastatio inducta, & Judæi, quod ad maximam partem, in miseram abducti fuere captiuitatem. Cum enim in aliena terra templi cultu destituti essent, ne inter gentes, fictitiorum deorum superstitionibus mancipatas, obbrutescerent, verique numinis sensus animis ipsorum eiiceretur, ac tandem falsis religionibus se addicerent: qui rei iudaicæ præterant, consultum duxerunt, passim loca excitare in quibus tribules ad sacra concelebranda statis temporibus conuenirent, piis precibus ac supplicationibus deum sibi propitium redderent, in legis ac auctoritatibus religionis doctrina confirmarentur, ipsorumque animi, longis calamitatibus fracti ac deiecti, erigerentur. Quod institutum in peregrinis oris cœptum, in Patrias sedes reduces laudabili contentione vrserunt, vt non facile oppidum iustæ magnitudinis esset, in quo non synagoga

Qq 2 ali-

benevolè mecum communicavit. Quod, utigratissimo animo agnosco, ira te, B. L. ignorare non
lui, ne forte existimes, eam jam totam impressam
existisse. C. I.

aliqua constitueretur, vrbes ampliores plures vna superbirent. Atque illud sane cum insigni vtilitate coniunctum erat, in eodemque singularis dei sapientia se conspicuam præbuit. Hac re illis, qui Hierosolymis longius aberant, occasio subministrabatur, in legis patriæ notitia proficiendi, deoque debitum cultum præstandi. Tempus illud, quo humani generis sp̄itator, dudum promissus & anxiis votis expetitus, comparitus esset, magis atque magis adpropinquabat; diuina igitur sapientia, quæ omnes molitiones suas aptissime connectit, ea ordinavit atque dispositit multo ante, quæ doctrinæ ipsius, inter Judæos breviori tempore spar-gendæ, subseruire poterant: Ut hinc, quæ ab redditu Judæorum, quod ad religionis emendationem sunt suscepta, tanquam præludia quædam atque præparations, quæ viam regno Messia inter suos eri-gendo, & inde ad gentes dilatando mu-nirent, spectari debeant. Templum eruderibus suis exsurgere, quo ad illud secundum vatum oracula vindex ille veniret, cultus externus restitui, quo eiusdem umbris fides illorum aleretur, illarumque intuitu & vsu bona per ipsum adducenda spe atque cogitationibus suis præci-perent, synagogæ passim excitari debebant, quo ad illas Jesu ipsi eiusque postea

ea fidis internuntiis liber accessus patet, ipsosque Judæos de veritate doctrinæ magni huius prophetæ conuincere posse. De synagogis, illarum origine, vsu ac aliis. hic pertinentibus viri docti passim agunt, speciatim argumentum hoc dedita opera occuparunt, FRANCISCVS BVRMANNVS exercit. acad. P. II. p. 194. &, qui in illo explanando singulariter cum doctrina ac *αγγειοις* versatus est, CAMP. VITRINGA, in erudito opere de *Synagoga vetere*. Ipsi illi etiam de locis, in quibus olim synagogæ sunt constructæ, commentantur, ipsa *sepulcra* nominantes, quibus vel illas superstruxerint, vel prope quæ synagogas hinc inde exsistere voluerint. De *synagogis prope sepulcra* breuiter differunt JO. BRAVNIVS select. *sacr.* p. 776. 779, JO. JAC. SCHVDT memorab. Judaic. L. VI. c. 38. §. 4. seqq. p. 364. seqq. Prolixius ante laudatus VITRINGA de *synag.* vet. L. I. P. L. c. 11. p. 213 - 224. cuius vestigia legit JO. NICOLAI de *sepulcr.* ebræor. L. IV. c. 6. p. 250-255. Qui quoniam spicilegium aliquod reliquerunt, argumentum hoc de nouo pertractabo, prolaturus (1) testimonia illorum, qui synagogarum prope sepulcra in scriptis suis mentionem faciunt, eaque expediturus, quæ eisdem obuerti queant, (2) inquisiturus, quid in illis cum maxime sit factum.

Q. q. 3.

§. 2.

§. 2.

Quidquid de synagogis his circumferatur, est *res facti*, testes igitur fide dignos circumspicere oportet, ne temere aliquid pronuntiare videamur. Verum equidem est, non adeo multos a nobis citari posse, sunt tamen aliqui, qui num characteribus verorum testium sint insigniti §. 3. disciemus. Res vel maxime redit ad auctorem *cipporum etraeorum*, a cel. JO. HENR. HOTTINGERO vulgatorum, in idiomate latinum conuersorum, doctisque notis illustratorum, & R. BENJAMINEM Tudelensem, cuius itinerarium, eruditis annotationibus illustratum, dedit vir ebraicorum ac reliquarum orientalium litterarum callentissimus, CONSTANTINVS L'EMPEREVR. In vitroque hoc libello tot huius generis synagogarum exempla nobis occurunt, ut si illa omnia in medium proferrem, verendum mihi esset, ne lectori tardium & nausea crearetur. Quare modum tenebo, & pauca tantum in scenam producam, illarum sc. (1) quæ fuerunt in terra iudaica, (2) quæ extra illam, (3) quæ sepulcris fuerunt superstruxæ, (4) iuxta quas mortui terra illati. In terra iudaica præ aliis memoratur spe luna duplicata Abrahami, prope quam synagogam כנסת olim fuisse, post euersam pror-

E.P.9

prorsus, refert BENIAMIN p. 48. Sepulcrum *Samuelis* insigni ædificio ornatum fuisse, legitur in cippis, additur: וְהַמִּקְדָּשׁ נֹוֹתֵר מַרְשָׁן וְשָׁבֵן עִילָּה quidem locus est venerabilis valde, ibique est schola p. 51. Observandum tamen, ibi non tam fuisse monumentum, quod ossa atque cineres prophetæ inclusa habuerit, quam quidem cenotaphium. Aliter sentit. R. BENJAMIN, qui sepulcrum *Samuelis* repertum fuisse perhibet, & iuxta illud synagogam extitisse adfirmat. מִצְאָה קִבְרוֹ שֶׁל שְׁמַעוֹל הַרְמֹת אֶל כָּנָסָת רִיחָנָן, inuenierunt sepulcrum *Samuelis* Ramatensis iuxta synagogam Iudeorum, itin. p. 50. Schola מַרְשָׁן Phi-neasi non longe ab ipsis sepulcro fuisse, memoratur in cipp. p. 51. Extra terram in Babylonia præ aliis eminuisse dicitur synagoga Ezechielis prophetæ, prope quam fuerit sepulcrum eiusdem, אחר היכנסת יוחנן קִבְרוֹ שֶׁל יְהוָנָן, BENJAM. p. 78. ad quam non Judæi solum, verum etiam Mohammedani precandi ergo commeent, rati se ob prophetæ sanctitatem votorum suorum compotes euasuros esse. Cum hoc loco Beniaminis conferri vult WAGENSEILVS in not. ad cod. Sota p. 718. 719. ea, quæ habentur in Baal Schalsch. hak-kabb. p. 20. Neque hic honos tantum datum est prophetis, verum etiam aliis doctribus insignioribus. Scholam מַרְשָׁן stru-

struendam curasse , in eademque sepulcrum suum inuenisse , R. Simeonem , filium Jochai , cipp. p. 69. relatum legimus . Ante monumentum Esræ כנסת נורורה , synagogam magnam , fuisse , quorsum etiam ad precandum , confluant Mohammedani , narrat Beniamin p. 86. Mardocheus item atque Estheræ ante synagogam aliquam terra obruti fuisse memorantur p. 96. In atrio synagogæ sepultus fuisse fertur R. Jose שׁבֵּת קָבְרַת ר' יוֹסֵי זְלִי בְּחֶצֶר הַמּוֹרֶשׁ ibi (Sagnæ) sepultus est R. Jose p. m. in atrio synagogæ P. 75. Ante sepulcrum R. Judæ & R. Samuelis erant synagogæ , quas ipsi viui excitari iussierant : וְלֹפֶנְךָ כָּל אֶחָד וְאֶחָד : בֵּית כְּנָסָתוֹ אֲשֶׁר בָּנוּ הַמְּנֻהָּם p. 63. Videtur etiam aliquando ager adiectus fuisse synagogis , in quo commune sepulcretum esset . De synagoga Calebi hoc relatum reliquit Tudelensis , וְשַׁבֵּת כְּנָסָתָךְ בְּקָרְבָּת מִקְוָה non longe inde abest synagoga Calebi , filii Jephunnæ , ubi est communis locus sepulrorum Israëlitarum p. 53. Sed exemplorum satis ! In locis excitatis adhibitas vidimus voces כְּנָסָת & מְרוֹשׁ , desiciente vocula , quæ subaudienda est , alibi expressa , quarum illa latius patet , domum siue locum conuentus designans , ad id publice constitutum , quo ibidem certis temporibus plebs sacra religionis offici-

Officiis defungatur, hæc, sensu strictiore, denotat locum accuratioribus de sensu legis ac religionis doctrina disquisitionibus ac disputationibus, destinatum.

§. 3.

Sed enim quenquam mihi regerentem audio, quæ prolata sunt testimonia, rem nondum dant euictam, obstare hic mihi videntur rationes sat graues, quarum alia petita a *testibus*, ab *religione* alia. Duo tantum testes, & illi quidem non optimæ fidei, in scenam producuntur. A multis iamdum retro temporibus Judæi fidem decoxerunt, quibus in more est positum, pro lubitu historias fingere, aliisque sumum vendere, modo ad gentis suæ gloriam suis commentis aliquid conferre queant. De *Beniamine Tudelensi* non admodum aqua virorum eruditorum colligit iudicia vener. JO. CHRIST. WOLFIVS bibl. ebr. T. I. p. 248. 249. quibus alia addit erud. iuuenis, JO. PHIL. BARATERIVS, præcipitato fato rei litterariæ eruptus, dissertat. in Beniam. I. §. 4. 5. p. 7-13. qui etiam longius reliquis procedit, iudicans, hominem istum iter nunquam reuera confecisse, sed incertos rumuseulos conuasasse, quo sic opinionem de gloria, splendore atque dominatu gentis suæ in remotissi-

Qq 5

mis

mis terris stabilitam iret, siveque vaticinum Jacobi de sceptro a Iuda ablato irritum redderet. De auctore cipporum HERMANVS CONRINGIVS, vir grauis & iudiciosus, ep. ad Hottingerum Guelferbyto d. 15 Sept. a. 1661. data, inserta paradoxis ipsius de numis ebraeorum collect. Crenianæ fasc. II. p. 100. ita sentit: mihi videtur sane: aut ficta esse pleraque, aut cippos illos extractos esse a Judeis, postquam nuauit in Palestina imperium christianorum Europaeorum. Quæ ipsa repetit c. XI. &, quantum fidei libelli auctor mereatur, uberioris adstruit, de ipso pariter Beniamine ita censens: in uniuersum istius quidem libelli auctor videtur eiusdem fuisse indolis cum BENJAMINE vel potius eius, quæ vulgo Judeis pene est communis, quæ nempe in parte pietatis collocat, MENTIRI, si videatur id suo supersticiose zelo commodum p. 231. Evidem non inuiti largimur, Judeos in rebus historicis fluxa uti fide, nec ii sumus, qui, quæ uterque scriptor habet, pro veris omnibus recipiamus: plura illis fabulosa & commentitia inesse haut diffitemur, quod, si prolixioribus esse licet, non uno exemplo demonstrare possemus. Enimvero uti non semper mentiuntur Cretes, ita sapienti numero veritatis vis est tanta, ut etiam contra propria commoda vietas illi dare cogantur manus. Vbi hi homines re-

piz-

præsentant synagogas, mortuis superstruc-
tas, vel prope illas hominum fato fun-
ctorum exuuias terræ mandatas esse te-
stantur, ad illorum monumenta popula-
res suos accessisse, in illa pronoſ fuisse
lapsos, oscula eisdem fixisse, preces, ac
vota concepisse, aliisque religionis offi-
ciis obsecundasse commemorant, defectio-
nem suam a prisca patrum fide ac sacratis-
simis legibus satis produnt, a deo vero &
viuo ad mortuorum osia atque cineres ma-
le fana superstitione fese conuertentes.
Fieri etiam potest, vt non tot, quot ad-
pellantur, synagogæ huius generis fuerint.
Illud etiam dici potest, voces כְּנָסָת & מִדְרָשׁ,
de quibus §. 2. non vbique adeo stricto ac
determinato accepisse sensu, ac id tantum
dicere voluisse, ad sepulcra sanctorum ho-
minum aliquando se recepisse, ibidemque
actus aliquos religiosos, quibus alias in
synagogis vacare fuerint soliti, exeruisse.
Ponamus denique, omnia illa, quæ de syn-
agogis chartæ illeuerunt, somnia esse
hominum nuguendulorum ex istis tamen
hoc colligere licet, ab opinionibus recen-
tiorum Judæorum alienum non esse, pro-
pe sepulcra synagogas condere, vel iisdem
imponere, vel in illis cadauera, homi-
num vita functorum, sepelire.

§. 4.

§. 4.

Sed vero res nostræ nondum ita sunt
conclamatæ, vt receptui canere sit necesse:
non defunt aliorum testimonia, quibus
demonstrationi nostræ tantus probabilita-
tis gradus adcrescit, quantum in istius mo-
di rebus desiderare licet. R. PETACHIA,
cuius *itinerarium* vna cum latina interpre-
tatione nobis dedit illustre quondam Alt-
dorfianæ academiæ decus, JO. CHRIS-
TOPH. WAGENSEILIVS, in *exercitatio-*
nibus suis sex, iunctim editis, exercit. IV.
p. 160-203. Ratisbona egressus, terras,
cum primis solem orientem spectantes,
eodem sæculo, quo Beniamin, XII. sc. 3
C. N. adiit ac lustrauit, conf. WOLFIUS
bibl. ebr. T. I. p. 996-997. Is eodem fe-
re modo, quo Tudensis sepulcrum E-
zechieli describit, fuisse nimirum fabri-
cam magnificam, superbis substructioni-
bus se ostentantem, a qua monimentum
prophetæ non longe abs fuerit. Verba eius
הָזֶבֶב לְקַפֵּר מִזְכָּרָת חִזְמָה
רֹשֵׁר נְרוֹלה וְחַצְרָה גְּדוּלָה
ambit Ezechieli sepulcrum murus cum ædificio insigni, habetque
aream ingentem, p. 179. quam molem in
seqq. tam amplis extollit verbis, vt, qui
illam non viderit, egregium ædificium
per vitam suam vidisse non sit dicendus.
Porro narrat, tempore συγνοιακίας Judæos
ex

ex omnibus locis ingenti multitudine eo
confluxisse , festiuam sollemnitatem in il-
lius atrio agitauisse , eoque munera detu-
lisse ac sepulcro intulisse . Quæ de mira-
culis ibidem factis , ex parte etiam ridi-
culis , subdit , ingenio iudaico adprime
conueniunt . Cum illo , quod ad rem ,
paria habet BENJAMIN , qui perhibet ,
inde ab initio anni ad expiationis festum
eo contendisse Judæos p. 78. 79. quoniam
vero festum tabernaculorum non multo
post sollemnitatem piacularum cele-
brabatur , fieri potest , vt ad illud vsque
fuerint demorati , vel alii de nouo , prio-
ribus discedentibus , accesserint . Evidem
ingenue fateor , R. PETACHJAM non
nominare hunc locum *synagogam* , quo-
niam tamen in seqq. p. 82. inducitur שׁנָה
archisynagogus , inferre possumus ,
ibidem loci confessum aliquem scholasti-
cum siue academicum , cui homo iste præ-
fectus fuerit , obtinuisse . Sed iterum di-
centem non neminem audire videor , de
nouo Judæus prodit , illo non superior
imo forte inferior , homines ad fraudem
omnem atque mendacia turpiter proiecti ,
quorum aliis alii mentiendo fert suppe-
tias , quo fucum aliquem atque colorem
causa sua inducant . Quare operam demus
oportet , vt aliorum testimonia , quibus
plus fidei est habendum , conquiramus .

Hlu-

Illustris HVETIVS , quod , de sepulcro Ezechielis tradunt Judæi , extra omnem fere dubitationis aleam positum esse arbitratur : certum est , inquit , quindecim circiter Francicis leucis a Bagdado locum nunc quoque magnis Judeorum conuentibus celebrari , in quo sepultum Ezechielem arbitrantur , dem. euangel. prop. IV . p. 270. edit. Paris. Adstipulatur nobil. TAVERNERIVS , qui disertis verbis testatur , Judeos Bagdadenses quotannis ingente turba ad sepulcrum Ezechielis , quod diei & dimidii itinere distet ab vrbe , conuolare , itin. in Persiam L. II . c. 7 . p. 92. edit. Geneu. Cum his accurate consentiunt illa , quæ habet ODOARDVS DAPPERVS , Judeos quotannis magno numero Bagdadum commigrare , & multa cum deuotione sepulcrum Ezechielis inuisere , quod iuxta fluum Chabor vnius & dimidii diei itinere absit vrbe. Verba repetimus ex MAENN-LINGII Dappero exotico curioso , descriptione Asiae p. 103. Prouocat præterea WAGENSEILIVS in Sota p. 717. ad sagacem illum ac curiosum peregrinatorem , PETRVM de la VALLE tom. I. itin. ep. 17. sed liber ad manus non est. Sepulcrum Estheræ & Mardochæi hodierno adhuc die Hamadane in Media supereesse , testis est SANSONIVS in adp. ad itin. Olearii p. 45. ubi loci Judæi ingentem lampadum , quæ die ac nocte ardeant , numerum alant , & quo

quo ad preces , festis quibusdam diebus
fundendas, cateruatim commineant. No-
num pro synagogis iuxta sepulcra argu-
mentum nobis exsurgit ex inscriptione
graca , Thyatiris reperta, quam seruauit
nobis doctiss. SPONIVS, voyage d' Italie,
de Dalmacie , de Grece & du Leuant T. I.
P. 398. quæ ita se habet :

ΦΑΒΙΟΣ ΖΟΣΙΜΟΣ ΚΑΤΑΣΚΕΤΑΣΑΣ
ΣΩΡΟΝ ΕΘΕΤΟ ΕΠΙ ΤΟΠΟΥ ΚΑΘΑΡΟΤ
ΟΝΤΟΣ ΠΡΟ ΤΗΣ ΠΟΛΕΩΣ ΠΡΟΣ
ΣΑΜΒΑΘΕΙΩΙ ΕΝ ΤΩ ΧΑΛΔΑΙΟΤ ΠΕΡΙΒΟΑΩΣ

Per σαμβαθεῖον, quæ vox ex ebraico שׁבַת
ortum dicit, synagogam esse intelligentem
dam, accurate demonstrauit cel. BRAV-
NIVS in ep. ad Cuperium, quæ legitur in
select. sacr. p. 769-779. adpellationis ra-
tio hæc est, quoniam sabbato in illa Ju-
dæi ad communia sacra concelebranda
conueniebant. Juxta illam tumulum, &
quidem in septo, torte *horto* Chaldaï, ho-
minis Judæi, Chaldaea oriundi, corpori
demortuo sepeliendo destinatum, para-
uisse *Fabium Sofimum*. Habemus igitur ar-
gumentum hominis Græci, vnde disci-
mus, a Judæorum moribus alienum non
fuisse, corpora hominum demortuorum
iuxta synagogas terræ inferendi, vt hinc,
quæ auctor cipporum & Beniamin de his
syna-

synagogis habet, non ilico mendacii sint postulanda. Adpellationem autem istam, qua σαριβαθεον, siue σαββατεον pro synagoga ponitur, non ita infrequentem fuisse, adparet ex decreto Augusti imperatoris, quo Judæis Asiaticis iura sua contra insultus Græcorum confirmauit. Illud ab interitu vindicauit JOSEPHVS A. J. L. XVI. c. X. p. 561. edit. Colon. in quo hæc habentur: Εαν δε τις Φωραθη κλεπτων τας ιερας βιβλιας, ή τα ιερα χειματα, ἐκτε ΣΑΒΒΑΤΕΙΟΥ, ἐκτε ἀνδρωνος, ειναι αυτον ιεροσύλον καη του Βιον ουτε ενεχθηναι εις το δημοσιον των ρωματων. Per σαββατεον synagogam esse intelligendam, ex iis, quæ locum circumstant, adparet. Nominantur libri sacri, quibus in conuentibus religiosis vtebantur, nominantur porro pecuniaæ sacræ, Hierosolymam deportandæ, sed & hæ & illi in synagogis adseruabantur. Differentia inter σαριβαθεον & σαββατεον est leuis, μ priori inditum facere ad compensationem dagesch fortis, demonstratum dedit BRAVNVS. Porro in edicto respicitur procul dubio ad querelas legatorum, quos Judæi ad Augustum miserant: videtur igitur nomen σαββατεον hoc sensu Judæis, græca lingua in Asia vtentibus, familiare admodum fuisse. Conf. VITRINGA c. I. p. 130. 132. VRIEMOT miscell. Duisburg. Vol. II. fasc. 6. p. 705. 706.

§. 5.

§. 5.

Sed alia difficultas a religione, quæ
vix magnam in hominum animos habet,
emergit, sc. Judæos, si quidem ad loca,
in quibus mortuus aliquis fuerit humatus,
accesserint, grauem sibi attraxisse impur-
itatem. Hæc quippe lex ipsis erat scri-
pta: *quisquis attigerit in patenti agro confos-
sum gladio (aut alio quovis instrumento),
aut mortuum, aut os hominis, aut SEPVL-
CRVM, impurus habebitur septiduum Num.
XIX. 16.* Pollutio, quæ ex contactu hominis
mortui aut sepulcri proueniebat, habeba-
tur omnium maxima. Quidquid is vel ex
rebus animatis attingebat, id omne impur-
um habebatur, nec immundities ista per
momenta aliqua, vel per diem tantum,
sed per integrum septiduum durabat, ne-
que ante purus censebatur, quam cineri-
bus vaccæ rufæ combustæ, aqua fluviali
maceratis, per virum purum, siue sacer-
dos, siue Leuita, siue Israëlia esset, modo
non notabili aliquo vitio laboraret, bene-
ficio hyssopi adspergeretur v. 17-19. De
impuritate ex contactu mortui, eiusque
purificatione prolixius differunt SAL.
DEYLINGIVS obs. sacr. P. III. obs. IX. p.
89. seqq. DIETER. JACOBS in elabora-
tissima diss. de *adspers. ebræor. sub præsid. Cl.*
IKENII c. VI. §. 20. p. 205-209. Neque ita fa-
T. III. P. IV. Rr cile

cile corpus vita destitutum vim polluendi amittebat, hinc MAIMONIDES cod. Tumath met. c. II. §. 15. 16. quem AINSWORTHVS ad l. c. adducit, adfirmat: *Sepulcrum, quamdiu aliquid impuritatis eidem insit, contactu polluere, siue illud aliquis superius, siue a latere tangat. Cinerem corporis demortui, in agro delitescentem, ubi aratro terra fuerit erutus, dum attingatur, vel portetur, taminare. Impuritas etiam illa a corpore dudum terra obruto, si attingeretur, se illico diffundebat.* Instrumentum, rabbinis מִרְצָח dictum, quo mortuorum ossa contundebant, ut illa in canistrum coniecta de loco in locum deportari possent, impurum habebatur, Shekal. c. VIII. §. 2. & ad illum WVLFERVS p. 161. Hæc ratio fuit, quare, ubi corpus hominis, vel vi obtruncati, vel fati violencia superati, siue os aliquod illius in agro fuerit repertum, signum aliquod adposuerint, tum ut transeuntes agrum sibi cauerent, ne contaminarentur, tum ut vespillones incitarentur, ipsum illud terra contegere. In morem hunc digitus intenditur Ezech. XXXIX. 15. ubi habemus vocem צַדְקָה adhibitam, quam KIMCHIVS in seph. hassch. p. 409. interpretatur per על הקבר או מצבָה שמשימין אוֹרוֹת לאות על הורכִּים statuam quam ponunt prope sepulcrum, vel in signum iuxta vias, quæ verba

verba ad h. l. repetit R. SAL. BEN-MELECH. Prior significatus equidem conuenit loco II. Reg. XXIII. 17. vbi pariter haec vox occurrit, sed non praesenti. Tale igitur signum, vel lapis, vel paxillus concipi debet, qui a transeuntibus intra breue tempus constitui potuit, quare LXX. interpretes generatim vertunt σημεῖον. A qua significatione ad h. l. alienus non est ante nominatus KIMCHIVS, quam sequitur etiam R. SAL. ISACIDES, qui vocem exponit per סימן signum, שיש שִׁשׁ קָנְעַן עַזְבֵּן שֶׁל מֹת כְּרִי שְׂפָרְשׁוֹ כְּמַנְדְּרוֹלִי quod indicio fuerit, esse ibi os hominis mortui, vt inde secederent peregrinantes ac puritatis studiosi. Et quoniam ex facili euenire poterat, vt istiusmodi signa, temporis diuturnitate, imbrum ac tempestatum vi abolerentur vel graminibus atque herbis contegerentur, ipsa illa quotannis instaurare sunt soliti. Inter alia enim, quæ in commodum publicum suscepisse in cod. Shekal. c. I. §. 1. memorant etiam hoc est, מצוין את הקברות signant, vel signo quodam notant sepulcra, quod ipsum repetitur in cod. Megilla c. 1. §. 2. Maas. Scheni. c. V. §. 1. addatur R. ALPHES in סוד מושך p. 195. Hoc autem signum quale fuerit, & ex qua materia paratum, declarat R. OBADIA de BARTENORA, fuisse signum aliquod calce

Rr 2

pro-

הצין דיא שמכוחות סוד ושפוכיות אותו סבר הAKER ובימות הנשכנות היה חסוד נמהה signum hoc in eo consistebat, macerarunt calcem, illaque quanversus circa sepulcrum adlinunt; calce enim tempore imbrium soluta, necesse est, illam de nouo inducere ac sepulcra signare. Eadem repetit ad locum cit. Megillæ, itemque ALPHESIVS. Volunt, calcem, aqua copiosius adfusa, probe fuisse solutam & maceratam, quo maiorem candorem attraheret, & sepulcris adfusa osium albedinem repræsentaret. Finis huius instituti erat, signum aliquod exstantius ponere, ne homines transiuntes loca, in quibus sepulcra delitescebant, insciī se polluerent. Signa hæc quovis anno, mense Adar, & quidem non priuato studio, sed publica auctoritate (a senatu quippe supremo negotium hoc certis hominibus committebatur) instaurabantur. Hoc autem tantum intelligentum de sepulcris hominum pauperiorum, & qui inferioris conditionis erant, qui enim in re lauta erant positi, vel dignitate eminebant, illi cippis atque inscriptionibus, ædificiis item illa ornabant, qua & ad memoriam, cum futura posteritate æquandam facerent, & viatores, ne proprius accederent, admonerent. Pluribus de hoc more dissertant LIGHT-

LIGHTFOOTVS opp. T. II. p. 360.
 POCOCKIVS not. miscell. p. 73. 85. JO.
 CHRIST. ROSTEVSCHERVS pecul. diff.
 de sepulcris calce notatis, inserta thes. theol.
 philol. Menth. Vol. II. p. 170. 177. ex
 quibus multum profecit JO. NICOLAI de
 sepulcris ebr. L. IV. c. 3. p. 233-237. Quod
 diximus, contestata est veritatis, ad hunc
 enim morem signandi sepulcra in sermoni-
 bus suis adludit Christus Luc. XI. 44. no-
 minando μυηταις ἀδηλα & Matth. XXIII. 27.
 ταφες κενονιαιμενες. το αδηλον notat aliquid,
 quod ita est abditum, ut in hominum o-
 culos non incurrat, sicque lateat, quare
 HESYCHIVS vocem ἀδηλος reddit αγνοια,
 οφενεια, quem sensum etiam expressit
 SYRVS μυηταις αδηλα. interpretando

μυηταις. II. sepulcra ignota. ταφοι κενο-
 νιαιμενοι sunt, interprete THEOPHYLA-
 CTO in Matth. XXIII: τω γυψω-ναι τη ασ-
 θετω λελευκασμενοι sepulcra gypsum & asbestos
 dealbata, Syrus vertit

sepulcra dealbata. Priori προτει respicitur ad
 sepulcra non signo aliquo externo notata,
 posteriori ad monumenta calce candida si-
 gnata. Vtramque locutionem erud. PO-
 COCKIVS idem significare existimat,
 caussatus, ταφες dici ωραιες, non quod
 sepulcra sunt calce obducta, sed quod gra-

mine sint vestita & obducta, quod oculos
oblectet & voluptatem exciter, & hac
ipsa etiam de causa adpellari *μυηεια αδηλα*.
Interpretationi huic pollicem premit HAM-
MONDVS, a qua vero non sine ratione
discesionem fecerunt ALEX. MORVS
not. ad N. F. edit. Fabric. p. 68. 70. item-
que CLERICVS in adnot. ad Hammond.
Concedimus, Christum in uno eodemque
sermone Phariseos comparauisse, cum se-
pulcris & calce obductis, & minus adpar-
tentibus ac obscuris cuius priorem partem
Matthaeus, posteriorem Lucas refert. Sed
quoniam το ὁγανον speciosum esse, adeo-
que cum voluptate oculos ferire, & αδη-
λανον obscurum esse, oculorum adspectui
subduci, sunt opposita, quæ vno eodem
que tempore ac respectu vni rei conuenire
nequeunt, ad utriusque generis sepulcra,
& quæ signis notata nondum erant, vel
quorum signa causis quibusdam externis
deleta erant, & quæ calce notata erant,
adeoque elegantem speciem præ se fere-
bant, respici, non sine ratione arbitra-
mur. Cum utrisque Christus componit
Phariseos. Illi externam pietatis virtutis
que speciem simulabant, videbantur igit-
ter illis, qui externa forma capieban-
tur, ὥραιοι: sed iidem illi instar *μυηειων*
αδηλων sub pectore omnem spurcitiem ac
tetram immunditiem clausam, habebant,
vt,

vt, qui inculti illorum doctrinæ & factæ
pietati obhaerescebant, in impuritatis com-
munionem deuenirent. A me impetrare
non possum, quo minus adducam verba
SENECÆ, docentis, speciem externam
ab interna rei indole sâpe multum discre-
pare (*isti, inquit, quos pro felicibus adspici-
tis, si non qua occurrunt, sed qua latent,
videtis, miseri sunt, SORDIDI, turpes, ad
similitudinem PARIETVM suorum extrinse-
cus culti, de prouid.* c. VI. p. m. 208-209.

§. 6.

Quidquid tamen sit de sepulcrorum
impuritate, illorum tamen religio cum
tempore crevit. Ne quid de eo dicam,
quod habemus Jo. XI. 31. Mariam Lazari
sororem ad huius sepulcrum exiuisse,
quandoquidem id non tam fecit supersti-
tione quadam, quam amore in defunctum
ducta, abiit enim, vt fleret Jo. XI. 31. &
quis muliebribus planetibus modum pone-
re potest? Pix feminæ, quæ Christo ad-
dicata erant, vbi is ex sepulcro suo viuus
exsurrexit, ad sepulcrum illius accesserunt,
& locum, ubi repositus erat, propius sunt
speculatae Matth. XXVIII. 1. Marc. XVI.
1.2. Luc. XXIV. 1-3. Jo. XXI. 1-3. Sed
huius ratio reddi potest inde, illas pollu-
tionem veritas non esse, cum scirent,

Rr 4

do-

dominum suum sepulcris immunditiam sustulisse, eademque ipsa sua resurrectione sanctificasse, adeoque in eo præludium aliquod conspectum fuisse, fore, ut dehinc omnes illæ umbræ legales cestarent. Sed enim in eo non substiterunt, vt sepulcra inuiserent, longius progressi, ut etiam illa adirent, quo mortuis ea præstarent, quæ ipsis viuis deberi non ignorabant. JOSEPHVS VOYSINIVS inter canones poenitentiales, quos ad Raymundi Martini pugionem fidei excerptis n. 20. si quis litem cum proximo exercuerit, qui ante reconciliationem discesserit. מורה עשרה בנו אמר קברו ויאמר חטאתי לך אלהי ישראל ולפלוני זה שהקנסתו adducat decem homines ad sepulcrum eius, & dicat, peccavi aduersus dominum deum Isräelis, & aduersus hunc, quem irritavi p. 835. Eadem hæc repetit. erud. Blasius Vgolini not. ad R. Chiiæ additamenta ad cod. de die expiat. c. IV. p. 178. Verba ex Voysinio excitata, desumpta sunt ex arba turim in iom hakkipp, quæ adducit SHERINGHAMVS ad d. 1. qui addit, decem illos secum constituisse super sepulcrum mortui, quem offendit. Ratio instituti hæc erat, quoniam qui offenderat alium, certam peccatorum remissionem habere non poterat, nisi ei, quem læserat, reconciliatus esset. Joma c. VIII. §. 9. Quem mortuum nisi presentem sibi quasi repræsentarunt, saltem

tim id intenderunt, vt, conspecto sepulcro ad resipiscientiam pernioueretur, cum breui fieri posset, vt & ipse vita exiens ad iudicem viuorum & mortuorum vaderet. Porro in sepulcra se prostrauerunt, precesque fuderunt. Superstitionem hanc iamidum adscribunt doctores gematici Calebo, quo de legitur, ונשתחוו על קבורי אבותך העולמים בקשו עליו אמר רחמים אמרת שאנצל מעצת מרגלים expandit se (pronus sc. lapsus in terram) super sepulcra auorum, dicens illis, cui flagitate proxime misericordiam, vt liberer a consilio exploratorum, WAGENSEILIVS in Sota excerpt. Gemar. c. VII. §. 6. p. 715. De Mose habet excerpt. gemar. c. I. §. 52. ipsius sepulcrum propterea occultatum fuisse a deo, יבאו לקבורתו של משה באותה שעה ועמו בבכיה ותחננו למשה ויאמרו זו משה רבינו עמדו בהפילה ne configurerent illa tempestate (qua sc. templum euersum esset) ad sepulcrum Mosis, וprecarentur cum lacrymis וsupplicarent ad Mosen dicentes, o Moses, magister noster, intercede pro nobis p. 329. De sepulcris hominum virtute & sanctitate conspicuorum pronunciat auctor cipporum, אלה מסע בני ישראל אשר ולו כוחם אל חיל להשתתח על קבורי הצדיקים עה בבכי יבאו ובתחנוניהם להתפלל ולבקש רחמים עליהם ועל אחיהם שבגיה נהiae sunt itinera filiorum Isräel, qui progressi sunt

sunt de virtute in virtutem, ut prosternant se
 super sepulcra iustorum, super quibus sit pax.
 Accedunt cum fletu ac supplicationibus, ad exo-
 randam sibi & fratribus suis, qui sunt in ca-
 ptiuitate, misericordiam dei, p. 27. 28. Id
 ipsum specialibus exemplis comprobari
 potest. De sepulcro Aharonis memorat
 auctor cipporum, illi superstructum esse
 forniciem pulerum, quo Judæi abeant
 לְחַשְׁתָמֹן וּמִתְפָלֵלָה עַל קְבָרוֹ
 se, atque precentur super sepulcro eius p. 79.
 & cœl. HOTTINGERVS ex libro quodam
 MS. iudaico refert, Judæos tempore diu-
 turnæ siccitatis & defectus pluuiarum ad
 sepulerum Zachariae se contulisse, preci-
 bus, ieiunio, circumisionibus, variisque litaniis
 defunctos fuisse, hoc effectu, ut largior
 pluuvia fuerit secuta, not. ad cipp. p. 46.
 47. Prope sepulcra ea haurraro peregrisse,
 quibus alias in synagogis vacare solebant,
 argumento est id, quod in cod. Baua ka-
 mma fol. 16. b. & 17. a. adducitur. כבڑ
 עשו לו במותו מלמד שחשיבו ישיבה על קברו
 פ' ישיבת תלמידו רעסוק שם בזורה
 ו' gloriam fecerunt ipsi in morte sua (sunt
 verba II. Chron. XXXII. 33. quæ de Hiskia
 rege dicuntur) unde discimus, congregasse
 coetum scholasticum ad sepulcrum eius, h. e.
 studiosos, ut disserent ibi scripturam. De-
 bemus verba hac SCHICKARDO de iure
 reg. ebr. c. VI. theor. 19. p. 434 - 435. vn-
 de

de etiam repetit B. VITRINGA de synag.
vet. L. I. P. I. c. XI. p. 224. Evidem
rum est, qui occasione verborum horum
in hanc cogitationem incidere potuerint,
honorem Hiskiæ mortuo exhibitum in eo
constitisse, ut ad sepulcrum ipsius coie-
rint, quo se in legis ac religionis doctri-
na exercerent, quod alias in scholis fieri
adsolebat, nec illo modo est probabile,
id proxime ab excessu piissimi regis huius
factum fuisse: nihilo tamen minus inde
hoe in usum nostrum conuertere possu-
mus; ex communī fere Judæorum poste-
riorum sententia licitum fuisse ad sepulcra
commicare, & prope illa iis occupari ne-
gotiis, quibus alias synagogæ destinatae e-
rant. Hoc tamen silentio prætermitten-
dum non est, magistros statuere, illos,
qui ita rebus sacris vacauerint, a sepulcris
aliquantulum remotos fuisse, ne ab illis
aliquid impuritatis ad se transiret, hinc ad-
ditum וְאֵל כָּבָר מִשְׁאָר בַּרְחוֹק אֶרְבָּע אַמְתָּה, sed super sepulcro nilquidquam per-
agunt, sed spatio quatuor cubitorum inde re-
moti. Quocum conuenit omnino MAI-
MONIDES, docens, licitum non esse apud
sepulcra legere, discere, phylacteria gestare &
orare, nisi ad quatuor cubitorum distantiam,
hilch. euel c. XIV. §. 13. conf. GEIERS
de luct. ebr. c. VI. §. 11. VITRINGA c. I. p.
224. Quoniam autem hoc decretum cum

il-

illis, quæ in supp. adduximus, pugnat, ex quibus dilucide adparet, se super sepulcra pronus prostrauisse, iisdemque oscula fixisse, forsitan de sepulcris hominum vulgarium est intelligendum, non extendendum ad monumenta virorum sapientia, sanctitate aliisque virtutibus conspicuum.

§. 7.

Ex his iam, quæ disceptauimus adhuc, generatim quidem adparet, quibus religiosis actibus iuxta sepulcra obsecundarint, instituti tamen ratio postulat, ut id ipsum specialius declaremus. Ex omnibus synagogis, quæ vel sepulcris inædificatae, vel iuxta illa constructæ fuerunt, illam Ezechieli fuisse celebratissimam, §. 2. 4. monuimus. Eo confluabant ingenti numero, & diem expiationis sollemnem celebrabant, legentes e codice manu Ezechieli exarato ea, quæ festiuitas huius diei postulabat, מוציאין ספר גROL מכתיבת הכהן ירמיה הנביא וקורין בו ביוות חכמיות educateunt (ex theca sc. in qua libri legis adseruabantur) librum ingentem scriptum manu Ezechieli, & legunt ex illo expiationum die. BENJAM. p. 79. Sint immixta huic relationi falsa veris, quorum illud, quod de cod. MS. Ezechieli & bibliotheca, ibidem inde a longissimis temporibus adserua-

vata, (cum probabile non sit, si quidem tales libri vniquam exstiterint, per tam longum temporis spatium in tanta rerum conuersione superstites mansisse) : id tamen non contemnendis testimoniiis in supp. probatum dedimus, eo precandi ergo conuolasse. Potuit id ipsum igitur etiam die expiationis factum fuisse. Vbi templum adhuc stabat, in eodemque diuinus cultus secundum legem Mosis peragebatur, sacerdos summus, peractis saecris piacularibus, sectiones aliquot legis coram populi concione praelegebat Joma c. VII. §. i. hunc igitur morem etiam prope sepulcrum Ezechielis obseruasse videntur. Juxta sepulcrum *Samuelis* fuisse scholam מורה שנה §. 2. indicauimus, ad quam tempore pentecostes multa cum gaudii demonstratione contenderunt, מורה שנה בשנה נאים עולי גגיהם בתג השבאות ומכאן לשם נרות שעוה ונורוות ונתבות רשותה לשם *quouis anno eo proficiscuntur adscendentes pedibus in festo pentecostes, adducentes eo candelas cereas votivas & spontaneas oblationes, tempus multa leturia ibi traduentes, de cipp. p. 51.* Ad conservationem populi iudaici aduersus violenta consilia Hamanis multum tribuisse Estheram atque Mardochæum, satis constat, in eius liberationis memoriam dies festos, Purim dictos, instituerunt, quam sollemnita-

mnitatem multa cum latitia prope vtriusque sepulcrum repetuisse, ferunt. Ad sepulcrum *Estheræ* in festo purim multos Ju-dæorum accedere, testatur auctor cipporum קורן לשְׁבַת המגילה ואוכליות לשְׁבַת legentes ibi *Megillam* (librum *Estheræ*) comedentes, bibentes & letantes *ibidem*, p. 77. Eandem festiuitatem agitarunt prope sepulcrum Mardochæi, מתקבצם שם בז' פורים מהריכים למקומם קבורהו ואומריהם שירות ותשבעות בתופת ובמחולות וששיבות, congregantur eo die purim, videntes ad locum sepulcri ipsius, concinente cantica & hymnos cum tympanis ac choreis, id p. 81. Evidenti veruni est, in cippis memorari tantum sepulcrum *Estheræ* & Mardochæi, sed BENJAMIN perhibet sepulcris synagogas adstructas fuisse, לשְׁבַת לפני הכנסת אחת קבוריות מדורם ואסתר ibi ante synagogam aliquam terræ mandati sunt Mardochæus & *Esther* p. 96.

§. 8.

Quæritur autem, quæ ratio fuerit, quare contra religionis suæ principia & antiquorum patrum institutum eo sint prolapsi, ut sanctis demortuis hunc honorem habuerint, ipsorum sepulcra adierint, precesque *ibidem* ac supplicia ad deum adle-

adlegauerint? Respondemus, id sensim ac paullatim esse factum. Qui semel regiam virtutis relinquit viam, ille modum ponit nullum. ab uno in alium errorem præceps agitur, nec ante finem facit, quam ad præcipitum fuerit ductus; unde regredi, seque ad rectam viam recipere eo est difficilior, quo magis istiusmodi homo sibi persuaderet, se in recta via esse. Apud Judæos inde ab antiquissimis temporibus illam obtinuisse consuetudinem, vt sepulcra cippis, statuis atque inscriptionibus ornarint, tum ut suum in defunctos amorem testarentur, tum quo illorum memoriam quam maxime longam facerent, &, si potest, cum omni posteritate æquarent, §. V. est demonstratum. Istius modi statuam Rachelis monumento impositam fuisse & ad suam usque memoriam superasse, testatur MOSES Gen. XXV.20. LXX. voce מַצְבָּה conuertunt per σηληνήν, quæ, siquidem tum temporis litteræ iamdum in usu fuerunt, quod multa se probabilitate commendat, inscriptionem quandam præ se tulit. Num vero illa per tot sarcularum decursum ad ætatem usque Beniaminis, qui illius itin. p. 47. meminit, perdurauerit, suo loco relinquimus. Nec contenti statuis & cippis, verum etiam aliquando monumenta virorum virtute & rerum gestarum magnitudine illustrium superbis substrictionibus decorarunt: cuius rei luculentum

tum habemus exemplum in mausoleo,
quod *Simon Maccabæus* patri & fratribus
suis *eis ὄνουα ἀνεύσιον* excitandum curauit
I. Macc. XIII. 27-29. Quod illorum stu-
dium cum tempore incrementa sumississe,
adparet ex increpatione Christi Matth.
XXIII. 29. quo in loco, quoniam domi-
nus ab inuicem distinguit οὐαδομέν & κων-
μέν, colligere licet, prophetis & iustis non
solum noua monumenta parasse, verum
etiam quæ vetustate vitium aliquod cepe-
rant, instaurasse ac ornasse. Neque Chri-
stus ipsos propterea reprehendit, quod
pietatem istam viris sanctis præstant, sed
quod hoc ipso suspicionem incautæ plebi
suggerere niterentur, se animis longe a
ſeuitia maiorum suorum, qui homines
iſtos sanctos neci dediſſent, abesse, cum
tamen eodem furore in veritatis docto-
res, dei legatos, se & fidissimos suos in-
ternuntios, adfecti eſſent. Quod, ex-
aminatis aliorum sententiis, erudite de-
monstratum dedit *Jo. Frider. Eckhard.* V.
C. pecul. diſſertat. de ædificatione atque ex-
ornatione ſepulcrorum, hab. Jen. 1746. Sci-
licet moris fuit apud Judæos, ſepulcris
virorum ſapientia, sanctitate ac dignitate
conſpicuorum ædificia quædam ſuperSTRU-
ERE, quæ iſpis ἡγεμον dicebantur, procul
dubio inde, quoniam corpora ac reliqui-
as demortuorum hominum claudebant,

de

de quibus pluribus agunt POCOCKIVS,
not. miscell. p. 75-78. HOTTINGERVS de
cippis p. 68, 69. VITRINGA *obs. sacr.* L. I.
c. V. §. 7-8. p. 209. 211. JO. NICOLAI
de *sepulcr. ebr.* L. IV. c. V. p. 246. 250.
JO. GODOFR. LAKEMACHERVS *obs.*
philol. P. VIII. *obs.* V. §. 3-4. p. 212-219.

§. 9.

Ab his igitur monumentis sepulcralibus
synagogas Judæorum prope sepulcra ori-
gine suam habuisse, fidei est proprius.
Judæos sepulcra virorum sanctorum adiisse,
ex iis, quæ in superioribus disceptata
sunt, videre est. Potissimum id fiebat
tempore grauioris ieunii, & id quidem,
quod doctores gemarici definiunt, partim
quo se mortuos non minus ac illos, ni
resipiscerent, reputarent, partim quo
mortui misericordiam dei pro se efflagita-
rent, conf. DAN. LVNDIVS ad taanit p.
15. 16. Nec pro re nata abstinuerunt se-
pulcris illorum, qui ab ipsorum religione
erant alieni, quos tamen de se bene me-
ritos existimabant, siveque hac ratione
pietatem suam publice testatam facere vo-
lebant. Cum, Jul. Cæsare imperfecto, v-
niuersalis luctus consequeretur, etiam Ju-
dæi officio suo deesse noluerunt, qui, te-
ste SVETONIO Cæs. c. LXXXIV. etiam
T. III. P. IV.

Ss

ne-

*nostibus continuis BVSTVM FREQVENTA-
RVNT. Qua demum cumque de cauffa
id fecerint, siue vt veram animi tristitiam
publico quodam documento declararent,
siue vt amicis Cæfaris adblandirentur, il-
lorumque auram captarent; id saltim con-
stat, ipsos sepulcreta, etiam gentilium,
non ita horruisse, vt illa adire religioni
sibi duxerint. Porro & illud constat, i-
psos prope sepulcra preces fudisse, quod
præter exempla in supp. prolata confir-
mari potest precum formula, quam ex
Salomone bar R. Nathan producit erud.
POCOCKIVS c. l. p. 204-206. qua Judæ-
us, prope sepulcrum prophetarum, do-
ctorum, aut piorum constitutus, depre-
catur deum, vt resurrectionem piorum
acceleret, iis summam gloriam ac beatifi-
tudinem largiatur, seque illis aliquando in
sempiterna lætitia adsociet. A quo tempo-
re vero in illam ingressi sunt opinionem,
animas demortuorum sanctorum notitiam
eorum habere, quæ in terris agantur, i-
psorum iustitiam in aliorum rationes trans-
scribi, ac illius vi peccatorum veniam at-
que omnis generis beneficia impetrari
posse, se in illorum sepulcra pronus proii-
cere, illis oscula figere, eodemque pre-
cibus suis compellare cœperunt. Quan-
tum fiduciæ in meritis sanctorum suorum
ponant, quos pro se apud deum interce-
dere,*

dere, sibi bona quæque procurare arbitrantur, GAVLMINVS euidentibus in medium adductis exemplis it probatum, not. ad libr. de vita & morte Mosis L. II. c. III. p. 160-165. pluribus id egit diligenterissimus JO. ANDR. EISENMENGERVS detect. iudaism. P. II. c. IV. p. 277-281. item que JO. JAC. SCHVDT memorab. iud. L. VI. c. 38. p. 367. 368. Existimaret aliquis, preces has in cassum fuisse emissas, cum tanto spatio sancti isti sint sejuncti, nisi quis opinetur per internuntios ad ipsos fuisse delatas, propterea statuunt, ipsos illos sanctos se aliquando præsentes sistere, orantium preces excipere, suaque virtute efficere, ut votorum suorum compotes euadant. Juuat hanc in rem allegare verba, quæ ex epistola quadam, Hierosolymis missa, enotauit HOTTINGERVS. Tradunt, inquit, cum vel ibi, sc. prope sepulcrum Hoseæ prophetæ, vel vicinis locis preces concipientur, animas defunctorum illorum sanctorum patrum, prophetarum, Tannorū, & aliorum innumerorum, quorum sepulcra ob defectum קִרְבָּן cipporum sunt ignota, per lumen quoddam adparere, & secundum loqui, not. ad cipp. p. 61. Sententiam Judæorum de animabus demortuorum circa sepulcra diuagantibus, proque viuis intercedentibus, iisque gratiam dei conciliantibus, prolixe exponit VITRINGA

Ss 2

p. 122

634 Jo. Georg. Michaelis exerc. philol.

p. 122-124. addatur NICOLAI c. l. p. 253.
254. Quando igitur Judæi, ut precibus
vacarent, ad sanctorum sepulcra se rece-
perunt, quo aduersus æris iniurias tuti
essent, vel se contulerunt intra ædicas,
sepulcris superstructas, vel alias de novo
exitauerunt, eodem modo, quo ædes
Christianorum sacræ plurimæ originem
duxerunt ex horum conuentibus prope se-
pulcra martyrum. His igitur semel con-
stitutis, in illis proseuchis ea peragere po-
tuerunt, quæ in synagogis facere sole-
bant: quin imo reuera peregrisse, in supp-
euicinus.

§. 10.

Liceret iam huic commentationi co-
ronidem imponere, sed brevibus notasse
iuabit, in illis, quæ de Judæorum de-
uotione prope sepulcra, vel etiam syn-
agogis prope illa adhuc in medium protu-
limus, imitamina quædam atque vestigia
institutorum gentilium animaduerti. Ne
quid dicam, de sepulcrorum ornamentiis,
statuis sepulcralibus, ædiculis iisdem su-
perstructis, quibus rebus pariter delecta-
bantur gentiles, sufficiat in præsentia vni-
cum Solonis exemplum adduxisse, quem
tanto Athenienses prosecuti sunt honore,
ut non solum æneam statuam ipsi in foro
poni curauerint, verum etiam publicis
sum-

sumtibus sepulcrum ipsi multis sumptibus
excitarint, idemque illud muro circum-
quaque cinxerint: ἐθαψαν ἀντω δημοσια πα-
ρα τας πυλας περος τω τεκχει εισιοντων , ναι
ΠΕΡΙΩΚΟΔΟΜΗΤΟ ἀντω Ο ΤΑΦΟΣ , AELIA-
NVS H. V. L. VIII. c. 16. Alia exempla
suppeditant JO. KIRCHMANNVS de fu-
nerib. Rom. L. III. c. 16. p. 446. 448. JAC.
GVATHERIVS de iure man. L.I. c. 18.
p. 108. L. II. c. 20. p. 306. Septum aliquod,
vel etiam hortum ambitu suo conclusisse
synagogam structam prope sepulcrum,
monstrauimus ex inscriptione græca, apud
SPONIVM §. 4. Apud paganos monumen-
ta sepulcralia peculiari ratione consecra-
bantur, qua de caussa illa sancta & inui-
tolabilia habebantur, quod SALMASI-
VS not. ad consecr. templi in agro Herodis
p. 108 - 110. obseruavit, qui simul notat,
Herodem, quo maiorem monumento
religionem conciliaret, facellum Neme-
fis & Mineruæ adiunxit. Locus, qui
sepulcrum continebat, arboribus conse-
rebatur, qui muro muniebatur, græcis di-
ctus ἐρηνος item περβολος id. p. 103 - 105. Et
quem fugit, fere pleraque gentilium
templa sepulcris suam debere originem,
vbi enim sepulti erant heroes, qui tandem in deorum concilium adlecti erant,
magnificas moles, diis suis nouitiis fa-
ceras, excitabant, quare primi christiani

Ss 3

gen-

gentilium templo *busta* adpellabant. Id ipsum extra omnem dubitationem ponit ARNOBIVS adu. gentil. L. VI. p. m. 229. edit. Elmenh. & ad vniuersalem confessionem scriptorum prouocat. *Quid quod multa, inquit, ex his templo, quæ tholis sunt aureis & sublimibus elata fastigis, auctorum conscriptionibus comprobatur contegere cineres atque ossa, & functorum esse corporum sepulturas?* Concludit hinc: nomine patet, & promtum est, aut pro diis immortalibus mortuos vos colere, aut in expiabilem fieri numinibus contumeliam, quorum delubra & templo mortuorum superlata sunt BVSTIS. Ipsum illud in seqq. pluribus prolatis testimoniis & exemplis dat euictum. Consuli possunt HERALDV & WOWERVS ad Minuc. p. 76. qui gentilium templo a Christianis busta dictitata esse adseuerant, vel quia mortuorum cadauera illis fuerint illata, vel quia ante extiterint sepulcreta, vel quoniam mortuorum umbras in iis oberrare existimarent, conf. SPENCERV de leg. ritual. ebr. L. III. c. 1. diss. VI. sect. 5. p. 294. Porro, ubi id, quod §. 5. de sepulcrorum restauratione, mensie Adar facta, attentius mecum reputo, videor mihi in eo imitamentum aliquod profanarum gentium consuetudinis videre, cum alias nulla ratio dari posit, quare hunc mensem, non alium, huic negotio destinariint.

narint. Mensis ebraeorum Adar respon-
det ex parte Februario, sed hic, iudici-
bus VARRONE, FESTO, AVGUSTINO
de ciu. dei L. VII. c. 8. a februando, id est,
purgando & lustrando est dictus. Quam lu-
strationem, alii hoc mense factam fuisse
dicunt per lupercos, nudos discurrentes,
mulieresque februantes, alii piaculum
diis manibus datum esse contendunt, quod
COQVEVS ad Augustinum p. 634. adnotat,
per duodecim continuos dies Februarii
pro impetranda mortuorum quiete, o-
mnem populum piaculis sacrificiisque cir-
ca sepulcra accensis facibus cereisque in-
tentum fuisse. Quod posterius disertis
testimentiis CICERONIS & OVIDII com-
probari potest. Quorum ille de *legibus*
L. II. c. 21. ex iure pontificio pronunciat:
Februatio mense, qui tunc extremus anni
mensis erat, MORTVIS PARENTARI vo-
luerunt. Plenius aliquanto & distinctius
hoc exponit posterior, vbi, rationem ad-
pellationis mensis huius daturus, canit:

*Aut, quia placatis sunt tempora pura se-
pulcris,*

Tunc cum ferales preteriere dies.

*Omne nefas omnemque mali purgamina
causam*

Credebant nostri tollere posse senes.

638 Jo. Georg. Michaelis exerc. philol.

L. II. fast. v. 33-36. Plura testimonia qui desiderat, adeat LOMEIERVM de *lustrat. veter. gentil.* c. XXXVIII. p. 366-367. coll. p. 24. 25. Evidem nolim hæc quisquam ita a me dicta accipiat, ac si etiam Judæi hac sua cura demortuorum animabus requiem atque purgationem adferre voluerint, a qua sententia tum temporis alienos fuisse, non sine ratione censemus. Qui in quibusdam momentis conueniunt, illi non statim in omnibus conuenire sunt dicendi, habemus saltim rationem conuenientiæ temporis. Addimus, quemadmodum prisci Romani mense Februario annum terminabant, & ipso exeunte purgationem sordium superiorum instituebant, quo sic puri nouum ingredierentur: ita pariter dici potest, Judæos sub finem anni sacri, qui Februario terminabatur, istiusmodi purgationem suscepisse, non quidem ratione defunctorum, sed respectu viuentium, qui, nouis signis prope sepultra positis, cauere sibi poterant, quo minus labis aliquid ab illis ad ipsos transiret.

II.



II.

JOH. NICOLAI FVNCCII,
MARBVRGENSIS,
DE
VETERVM ROMANORVM
PER FILIVM DEI
JVRANDI
CONSVETVDINE,
DISSERTATIO.

Conspectus.

§. 1. **R**omani iurare consueuerunt per Herculem & Diuum Fidium. 2. Per hunc etiam obtestari. 3. Variorum de jurisjurandi formula sententiae. 4. Dii Fidii simulacrum describitur. 5. Cuius atque Herculis plurima Romæ facella. 6. Origo ex Sabinis demonstrata. 7. Dius Fidius cum fide non confundendus. 8. Cuius Rome sacra peculiaria. 9. Dit fidii nomen generale & sanctum. 10. Sed Herculis proprium. 11. Eiusdem vero nominis esse plures. 12. E-

Ss 5

un.

640 Joh. Nic. Funcci de veter. Roman.

undem semper illius iurisiurandi sensum.
13. Eandemque formam. 14. Totius fabulæ
explicatur ratio.

§. I.

Cum veteres Romani dicta promissaque sua, ut religioni viderentur esse sibi, adhibito numine diuino, firmare solerent: viris pulchrior sanctiorue non potuit esse iurisiurandi formula, quam per filium Dei, ut *Hercle*, *Mehercule*, aut *Medius fidius* dicerent: quæ inde perulgata sunt in co-micorum & tragicorum monumentis vocabula: & nihil aliud innuunt, eo dicendi, compendio, quam *ita me Hercules*, aut *Dei filius iuuet*. a) Neque aliorum TER-TVLLIANVS b) meminit, vbi Christo & vero Deo deuotis profanas gentilium deriationes dissuadet: *consuetudinis*, inquit, *vitium est*, *Mehercule dicere*, *Medius fidius*, accidente ignorantia quorundam, qui ignorant, *iurisiurandum esse per Herculem*. Istud quidem, vel propter numinis virtutem, religiose viris seruandum, vt illo vix cuiquam sexus sequioris vti licuerit. Certe in

a) Vid. FESTVS. v. *mecastor*. Pl. confer. BRISSONIVS de formulis l. 8. c. 1.
b) De idololatria c. 20.

in veteribus scriptis, A. GELLIO teste,
c) neque mulieres Romanæ per *Herculem*
deierant, neque viri per *Castorem*: quod
huius sacra feminæ ex initiis Eleusiniis
acceperunt; ab illius vero abstinent sacrificio:
ut nusquam apud idoneos scriptores
inueniatur, aut *mehercle* feminam dicere,
aut *mecaftor* virum. Ædepol autem,
quod iuriandum est per *Pollucem*, ex incuria,
viris cum mulieribus commune est.
Attamen PHÆDRVS d) Mineruam,
me Hercule dicentem, proponit: quod
qua ratione potuerit, alibi e) docuimus.
Nihil viris vñ magis venit, quoties alio-
rum persuasiōni diffidentes, verbis fidem
cupiunt facere suis, quam istud *me Hercu-
les*, vel, quod mihi videtur vnum idem-
que esse iuriandum, *me Dius Fidius* sc.
adiuuet: quamuis, Romanorum ritu ve-
tusto, qui per Dium Fidium iurare volue-
runt, ex ædibus in publicum prodire
consuerint. f) Balbus ad Ciceronem
scri-

c) Noſt. Attic. l. 11. c. 6.

d) Lib. 3. fab. 17. v. 8.

e) Apologia pro Phædro eiusque fabulis pag. 62.

f) Vid. PLVTARCHVS quæſtionibus centuriatis
Romanis c. 28. & VARRO de lingua Lat. l. 4.

c. 10. ex cuius libro de liber. educat. hic locus a
grammaticis citatur: itaque domi, ritu nostro, qui
per Dium Fidium iurare volt, prodire solet in
publicum.

scribit: g) *Cesari gratum, mihi vero gratissimum, medius fidius, fecisti. Ad Messinium CICERO*: h) *vnum, medius fidius, tecum diem libentius posuerim, quam hoc omne tempus cum plerisque eorum, quibuscum viuo necessario. Ad Trebatium*: i) *Rufio, medius fidius, tuus ita desiderabatur, ut si esset unus e nobis. Cæcina. k) scripsi de te parce, medius fidius, & timide. Et Cœlius*: l) *quod porro tuum consilium sit, ad desperatos accedere, non, medius fidius, reperio. PLINIUS*: m) *hominem Romanum tam Græce loqui? non, medius fidius, ipsas Athenas tam Atticas dixerim. Rursum CICERO publice pro rostris testatus est*: n) *mibi, medius fidius, in tanto omnium mortalium odio, iusto præsertim & debito, quæuis fuga potius, quam illa provincia esset optatior.*

§. II.

Neque solum iuriandum, sed ipsa etiam per Dium Fidium obtestatio vel obsecratio longe omnium videbatur esse ad rem

- g) Apud CICER. ad Atticum 1.8. ep. 15.
- h) Ad diuers. l. 5. epist. 21. n. 3.
- i) Lib. 7. epist. 20. n. 1.
- k) Ad CICER. l. 6. ep. 7. n. 5.
- l) Ad CICER. l. 8. epist. 16. n. 8.
- m) Lib. 4. epist. 3. n. 5.
- n) Orat. in L. Pisonem c. 14. extr.

rem quamcunque obtinendam fortissima.
Ita apud PLAVTVM o) Demænetus
senex :

*Per Deum Fidium quaeris. Jurato mihi
Video necesse esse eloqui, quicquid roges :
Ita me obstinate aggressus, ut non audeam
Profecto, percunctanti quin promam omnia.*

Sic obtestaris me per Deum Fidium : cuius numen cum fallere verear, necesse est omnia tibi, tanquam iuratus, dicam.

§. III.

Vt raro vnum sentiunt omnes, fuerunt & olim, qui *medius fidius* existimarunt iuriandum esse per diui fidem ; alii, per diurni temporis, i.e. diei, fidem. p) Fides autem Ciceroni, apud NONIVM q) videtur nomen ipsum habere, cum sit, quod dicitur. Hoc mihi quidem acute magis, quam vere dictum videtur: cum satis aperte *fides* a notissimo verbo *fidere* descendat: unde *fidius* Deorum hominumque nemo vñquam appellatus fuit. r) Ecquis sibi persuaserit, fuisse, qui vulgo istud

o) Asin. A. I. S. I. v. 8.

p) Vid. FESTVS v. *medius fidius*.

q) Cap. I. n. 94.

r) Ut MARTINIVS lex. etymolog. v. *Fidius*. Eum arbitratur dici *Jouis filium, quasi fidei deum*.

istud satis notum per Herculem, seu Iouis filium, iusurandum, me Dius Fidius, de medio quodam filio interpretari voluerint. Atqui SERVIVS ad illud Virgilii, s) media inter numina diuum, idem esse scribit, ac si diceret, diis testibus: ut Sallustius, quam medius fidius veram licet tecum recognoscas. Id est, sis dictis mediis, id est dios vios, id est Iouis filius. Ad illud vero Maronis, t) communemque vocate Deum, mirum in modum hæsitat, eamque nouam & inauditam perulgata formulæ significationem vterius exponere non venterit: & Herculem a poeta communem vocari deum ostendit: aut quia Argivus est Hercules, ut supra dixit Aeneas, tam Græcos quam Troianos de uno sanguinis fonte descendere: Aut communem dixit inter deos atque homines, unde mediis fidius dictus: Aut utriusque naturæ medium, id est, inter mortalitatem & diuinitatem. Sunt enim numina aliquantum cœlestia, aliqua tantum terrestria, aliqua media, quos deos Apuleius medioximos vocat, hoc est, qui ex hominibus dii sunt. Alii communem deum ideo dictum volunt, quia secundum pontificalem ritum idem est Hercules, qui & Mars. Haud difficulter autem quisque vel mediocriter doctus, videre ac

s) Aeneid. 1. 4. v. 204.

t) Aeneid. 1. 2. v. 275.

ac intelligere potest, hanc iuris iurandi formam eandem esse quæ similium, me Hercules, me Castor, &c. vbi verbum subaudiatur, iuuet, adiuuet, seruet, aut eiusmodi aliud, quod ellipsis, illam quidem satis apertam, supplere valeat. v) Neque aduersa opituletur, faueat, subueniat, &c. nam me, pro mihi, dicebant antiqui. x) In aliis, quod Græci iurantes per μην vel νην, exprimebant, Romanorum sistit in compositione me & e. y) Medius fidius, νην τὸν ἡρακλεα. Ejuno, Equirine, Ecere, Epol, Ecastor. Neque ego MARLIANI, z) viri in Romanis antiquitatibus versatissimi, satis possum mirari oscitantiam. Sanctus, inquit, Fidius, dicit fuerunt Sabiorum, quos domo demigrantes in collem Quirinalem cum cetera suppellestile detulerunt, idque numen verbis trinum, re unicum esse dixerunt. Vnde licet tribus ipsis esset in eodem colle templum dicatum, unus tamen Sancti vocabulo appellabantur: obtinuitque huiusmodi opinio sanctitatis magnam vim habere iurandum, quo in trino & uno nuncime medium esse quis Fidium affirmaret. Quasi vero iam tum Sabinis aut veteribus

Roma-

v) Vid. ex Festo PAVLVS v. mecastor.

x) FESTVS v. Me. LAVRENBERGIVS antiquario v. me p. 270.

y) Vid. MARTINII lex. etymolog. p. 628. v. e.

z) Topograph. Romæ c. 97.

Romanis sacro sanctum trinitatis mysterium innotuerit. GOROPIVS BECANVS, a) vt mira tradidit omnia , ingenio nimis indulgens suo , Jouem ipsum , arbitrabatur , Dium Fidium fuisse dictum , quod ipsi fides ita sacra sit , vt qui eam non seruet , is Jouem vltorem sit experturus . Neque aliter suo tempore PEROTTVM b) sensisse video , qui recte quidem *medius fidius* notat sicut *mehercules* diei , h. e. per Deum Fidium : non satis vero accurate subiungit formulæ istius caussam , Fidium Deum esse , qui fidei præsit . Neque ab eodem errore VØSSIVS , c) ille criticorum princeps , cauere sibi potuit : vbi enim Deos inter Romanorum indigetes Semonem sanctum refert , eum notat *Fidium* quoque fuisse dictum , quia per eum iurando fieret fides .

§. IV.

Dius Fidius Sabinorum dicitur fuisse Deus , qui & *Sancus* , *Sangus* , & *Sabu*s nominaretur , præses ac tutelaris Deus fidei , per quem iurare consueuerint *medius fidius* . Fidei tutelam ei commissam fuisse , ac iurisfundi , VINCENT. CHARTARIUS d) probat ex antiquo marmore , in fenestræ

mo-

- a) Hermathenæ 1. 7. p. 170. Vertumno p. 97.
- b) Cornu copiaæ p. 17. v. 34. edit. Ald.
- c) Idolatriæ 1. 1. c. 12. p. m. 38.
- d) In imagin. Deorum imag. 21.

modum insculpto, cui tres erant effigies; dimidia corporis parte superiore incisa: quarum dexterior hominis imaginem referebat togati, cum literis honor ad latus; sinister mulieris eodem vestitu pacifico, seu stolata, lauro coronata, literis adscriptis veritas. Haec duæ effigies dextras iungebant: inter quas puer erat venusta & liberali forma, additis supra caput literis *Deus Fidius*. Supra pueri caput inscriptus amor legitur, & superius hic titulus toti emblematis adscriptus, *fidei similacrum*. In primis vero elegans est apud STEPHANVM VINANDVM PIGHIVM denariorum effigies, quos Romani Poenis apud Tarentum profligatis, cum nota VER. CAR. *versuæ Chartaginis*, ex manubiosis curos euulgarunt. Ostendunt in uno latere Diuum Fidium, publici custodem foederis ac fidei. Caput est adolescentis imberbe, laurea coronatum, sub cuius collo fulmen trifulcum iacet: quod telum Iouis est, fraudes atque periuria vlcifcentis. In altero denariorum latere, videamus supra literas Jouem in quadriga, qui fulmen dextra vibrat. Currentes autem quadrigæ bigæue significare solent numinis, quod illas regit, vim maximam agentem & T. III. P. IV. Tt pro-

e) Annal. Roman. tom. I. p. 453. confer. RHODI-GINVS legion. antiqu. I, 22. c. 14. p. m. 1244.

promouentem in aliquem boni vel mali effectum. Juppiter autem maxime fulmen vibrat, i. e. poenas versutis ac fœdifragis intentat: in cuius templo Capitolino fœderum, cum regibus & populis initorum, tabulæ custodiebantur.

§. V.

Dio Fidio illi, siue Herculi, siue Sanc-
co, pasim in vrbe Roma dedicarunt sa-
cella. Apud SEXTVM RVFVM f) ostendit
regio, Isis & Moneta inscripta, ædi-
culam *Sangi Fidoni*; Exquilina cum colle
Viminali ædiculam *Herculis*; alta semita
ædes *Divi Fidii*, ædiculam *Sangi & Hercu-*
lis; via lata vicum *Sangi*, alias *Sanci*, &
facellum *Genii Sangi*; circus maximus
templum *Herculis & Herculem Oliuarium*.
Sunt apud P. VICTOREM g) regione quin-
ta, quæ Exquilina cum turri & colle Vi-
minali, *Hercules Siluanus* alias *Sullanus*;
regione sexta, quæ alta semita, ædes *Di-*
ui Fidii in colle; regione nona, quæ cir-
cus Flaminius, ædes *Herculi* magno custo-
di circi Flaminii; regione undecima, quæ
circus maximus, ædes *Herculis Oliuari*,
alias *Hercules Oliarius*, & *Hercules tri-*
umphans.

f) De regionibus urbis libello.

g) De regionibus urbis Romæ libro.

umphalis ; regione duodecima , Aventino , vicus *Fidii* , & ædes *Herculis* & *Silvani*. Apud ONVPHRIVM PANVINIVM ,
h) regione prima , quæ porta Capena , re-
periuntur ædicula *Herculis* ; regione tertia ,
qua *Isis* & *Serapis* Moneta , ædicula *San-
gi Fidoni* ; regione quinta , Esquilina cum
turri & colle Viminali , ædicula *Hercu-
lis* ; regione sexta , alta semita , ædes
Diui Fidii in colle , alias Sancti Fidii Semi-
patris & ædicula *Sangi* , in qua lana , co-
lus , & fusus Tanaquildis ; i) regione se-
ptima , via lata , vicus *Sanci* , & facellum
Genii Sangi ; regione octaua , quæ forum
Romanum , ædes *Herculis* victoris parua
& rotunda in foro boario , signa duo *Her-
culis* , alterum a P. Sempronio Sauerrione
dedicatum , alterum æreum , opus Lysip-
pi , a Q. Fabio Maximo Tarento deue-
ctum , & signum *Herculis* tunicati iuxta
rostra ; regione nona , circa Flaminio , si-
gnum *Herculis* humi sedentis , in Pantheo
Jouis vltoris , ædes *Herculis* , magni custodis
circi Flaminii , & ædes *Herculis* Musarum ;
regione undecima , circa maximo , templum

T t 2

Her-

h) Vrbis Romæ descriptione l. 1. p. m. 75. seqq.

i) Et PLINIVS hist. nat. 1. 8. c. 48. ex Varrone re-
fert , quod esset in *Sangi* templo Tanaquil , siue
Caia Cæcilia , cum colo & fuso. Meminit istius
statue FESTVS quoque v. *Prædia* & probe notat
Sanctum , vel *Sancum* , *Dium Fidium* vocari .

Herculis victoris in foro boario, & *Hercules* triumphalis; k) regione decima tertia, Auentino, vicus *Fidii* ædes *Herculis* & Siluani, ædricula *Fidi*; regione decima quarta, trans Tiberim, templum *Herculis* Defensoris, & templum *Herculis* via Latina. Teste MACROBIO, l) Romæ *Herculis* victoris, quem Varro m) ita dictum putat, quod omne animalium genus vicerit, tempia fuerunt duo; unum ad portam trigeminam, alterum in foro boario, in quod nec museas, nec canes intrare fabulantur. n) Et BOISSARDVS scribit, o) *Herculis* victoris fanum in summo Aventino fuisse, quod suo tempore dictum S. Alexii, iunctum illi Lunæ facellum, quod conspiciatur semidirutum. Notat MARLIANVS p) quoque in aditu circi Flaminii *Herculis* magni custodis templum: qui Flaminius arcus & altera decoratus est

Her-

x) Ira dictus, quod per triumphos triumphali habitu vestiebatur. vid. PLINIVS hist. natur. 1. 34. c. 7. init.

l) Saturnal. 1. 3. c. 6.

m) Rerum diuinarum 1. 2. apud MACROBIVM 1. c.

n) Vid PLINIVS hist. natur. 1. 10. c. 29. SOLINV^o polyhist. e. 2. pl. confer. MARLIANVS topograph. Romæ c. 55. BOISSARDVS topograph. Romæ, antiquit. Rom. part. I. p. 27.

o) Rom. antiqu. part. I. p. 28. confer MARLIANVS topogr. Rom. c. 76.

p) Cap. 103.

Herculis Musarum æde, quod illi cum
Musis esset communis. Hanc M. Fuluius
Nobilior posuit, quod in Gracia Hercu-
lem Musagetem esse intellexerat, i.e. co-
mitem ducemque Musarum: & primus
nouem signa, vel omnium Camœnarum
simulacra, ex Ambraciensi oppido trans-
lata, sub tutela fortissimi numinis conse-
crauit: quia mutuis operibus & præmiis
ornari atque iuuari deberent, Musarum
quies defensione Herculis, & virtus Her-
culis ipsa Musarum voce. Q)

§. VI.

Dius Fidius ille, siue Hercules, siue
Sancus, Sangus, Sanctus, alioue insigni-
tus nomine, Sabinorum, Deus, r) a
Reatinis plurimum colebatur, vbi etiam
dicitur fuisse natus. DIONYSIUS HALI-

Tt. 3. CAR-

Q) Vid. omnino PLVTARCHVS quest. Roman. 59.

Διατὶ νοινὸς ἦν Θεός Ἡραλέας καὶ Μάσων.
Quare, commune, templum fuit Herculis & Musa-
rum? EVMENIVS panegyr. pro restaurandis
scholis. c. 7.

*) LACTANTIVS I. I. c. 15. n. 8. Priuatum singuli
populi gentis aut urbis suæ conditores, seu viri
fortitudine insignes erant, seu feminae castitate mi-
rabilis, summa veneratione coluerunt, ut Ægyptiæ
Isidem, Mauri Jubam, Macedones Cabirum, Pa-
ni Vranum, Latini Faunum, Sabini Sancum, Ro-
mani Quirinum.

652 Joh. Nic. Funcii de veter. Roman.

CARNASSENSIS s) de eo hac memoria prodidit. In agro Reatino, quo tempore Aborigenes eum tenebant, virgo quædam indigena, clarissimo genere prognata, choreas dicens, in templum Enyalii ingreditur. t) Vbi saltans puella repente afflatur numine diuino ac furore quasi corrumpitur, ut, chorea relicta, semet cursu in dei sacrarium proripiat. Hic, ut aiunt, a deo compressa & grauida facta filium peperit, nomine Modium, cognomine Fabidium: qui, cum ad virilem ætatem peruenisset, formam non humanam, sed diuinam habuit, & bellica virtute unus omnium clarissimus fuit. Is cum urbis condendæ captus esset cupiditate: magna ex agris finitimis collecta manu, breui Cures habitatoribus repleuit: a Deo, cuius dicebatur filius, urbi nomine imposito: quamuis alii dicant, eam ab hastis nominatam fuisse, quas Sabini cures vocant. Et hanc Dionysius ait sententiam esse Terentii Varonis: Porcium vero Catonem scribere, nomen Sabinorum genti inditum a Sabino, quem alii vocant Sabum, filio Sami,

qui

s) Rom. antiq. I. 2. c. 6. p. m. 170. Suaque inde haufit JOH. ROSINVS Rom. antiq. I. 2. c. 22. vbi inter alios deos peregrinos de Sancto, vel Deo Fidio agit.

t) Enyalium Sabini, & Romani, ab illis edocti, Quirinum, vel Martem appellant.

qui fuerit loci illius genius. Hunc autem Samum, alii Semum, vel Semonem, a nonnullis Dium Fidum vocari. At *Semi*, *Sami*, vel *Sabi*, *patrem*, *Sancum*, *Sanctum*, ac Deum Fidum esse dictum, OVIDIVS v) memorie prodidit: ut *Sancus*, *Sabinorum deus & auctor*, genti originem, filius *Sabus nomen dedisse videatur.*
SILIVS ITALICVS, x) ubi de *Sabinis lo-*
quitur:

*Iabant & laeti pars Sanctum voce canebant
Auctorem gentis, pars laudes ore ferebant,
Sabe, tuas, qui de patrio cognomine primus
Dixisti populos magna ditione Sabinos.*

S. AVGVSTINIVS: y) *Sabini etiam regem*
suum primum Sangum, siue etiam, ut aliqui
appellant, Sandum retulerunt in Deos.

§. VII.

Anno ab urbe condita CCLXXXVII.
Nonis Junii Spur. Postumius, consul in
colle Quirinali ædem Dii Fidii, ab ultimo
Romanorum rege Tarquinio superbo ex-
structam, nec tum ab illo, ex more po-
puli Romani, consecratam, solemnni ritu

Tt 4 de-

v) Fastor. l. 6. v. 214.

x) Punic. l. 8.

y) De ciuitate Dei l. 18. c. 9.

654 Joh. Nic. Funciij de veter. Rom.

dedicauit. z) Noli ergo Dium Fidium confundere cum Fide, a Romanis culta Dea: de qua CICERO: a) res ipsa, in qua ineft vis maior aliqua, sic appellatur, ut ea ipsa vis nominetur Deus: ut Fides, quam in Capitolio dedicatam videmus proxime a M. Emilio Scauro, ante autem ab Atrilio Calatinus erat Fides consecrata. Imo proximus a Romulo Romanorum rex, Numa Pompilius, primus omnium mortalium, Fidei templum erexit, eique sacrificia instituit: ad cuius sacrarium flamines bigis, curru arcuato vehi iusfit, manuque ad digitos usque inuoluta rem diuinam facere, quod fides tutanda eiusque sedes in dextris etiam sacrata esse debeat. b) Res adeo veneranda & inuiolabilis habebatur, ut sua eique fides maximum esset iufurandum, quod omni testimonio longe validius. Et quo-

z) DIONYSIUS HALIC. Roman. antiq. I. 9. c. 11.
extr. p. m. 914. Conf. FIGHII annal. Rom. tom. I.
p. 120.

a) De natura Deorum I. 2. c. 23. Idem de legibus
1. 2. c. 11. Quod autem ex hominum genere consecratos, sicut Herculem, & ceteros, colili ex ibet, indicat omnium quidem animos immortales esse, sed fortiorum honorumque diuinorum. Bene vero, quod Mens, Pietas, Virtus, Fides, consecratur manus quarum omnium Romae dedicata publice tempora sunt: ut illa qui habeant (habent autem omnes boni) deos ipsos in animis suis collegatos putent.

b) LIVIUS I. 1. c. 21.

quoties de contractu, sine testibus facto,
controversia oriebatur, ipsa fides alterius
partis litem dirimebat statim, neque ul-
terius contentionem progredi patiebatur.
c) Ita apud DIONYSIVM HALICARN.
d) M. Flauoleius quidam ordinis plebeji,
sed strenuus vir atque fortis, stricto gladio,
eoque sublato, iuravit iusiurandum, quod a-
pud Romanos est maximum, per bonam suam
fidem, se non, nisi vicitis hostibus, in urbem
reversurum. Et conspicuntur cum alia
numismata, tum Q. Cæciliæ Metelli Ba-
learici elegantissimi denarii cum Fidei &
Copiæ simulacris. Vnum latus ostendit
Fidei pulcherrimum corpus, oleagino fer-
to coronatum: quod fides pacis habeatur
conseruatrix, adscripto nomine *Fides*. In la-
tere nummi auerso stat Copia Dea papauer
& spicas dextra tenens, sinistra lancem
variis fructibus plenam: quod rerum vber-
tas & copia probitate ac bona fide parata

T t 5 no-

c) DIONYS. HALIC. Rom. antiq. I. 2. c. vlt. p. m.
203.

d) Loc. cit. lib. 9. c. 2. p. m. 845. PLVTARCHVS
Numa Pompilio p. m. 24. B. Primum ferunt & Fi-
dei & Ternini templum condidisse, ac Fidem ius-
iurandum demonstrasse Romanis maximum, que
etiam nunc vntuntur. Exempla cumulata vide apud
BRISSONIVM de formulis I. 8. c. 1. p. 685. HO-
RATIO carm. I. 1. od. 35. est also rara *Fides* vela-
ta panno. Conf. JOH. WEIFZII note ad Prus-
tentii psychomachiam p. 683. extr.

nobis quietem vitamque securam praestare solet. e) In aliis denariis ostenditur Fides vna, duabus iunctis manibus: in aliis dextram dextræ iungentes adstant imagines duæ. Mutua enim illa requiritur fides, qua priuata ac publicæ res mirum in modum vbique iuuari & ornari videntur. Eoque videtur Æneas respexit apud VIRGILIVM, f) ubi,

*Accipe, inquit, daque fidem. Sunt nobis fortia bello
Pectora, sunt animi, & rebus spectata iuuenus.*

Sed errant valde, mea quidem sententia, qui, vt fidei sit præses, Dium Fidium a fide dictum, arbitrantur. Noui, quod SCALIGER g) maxime vrget, *Dium Fidium* quem Latini vocant, a DIONYSIO HALICARN. h) Δια πίστον appellari. Atqui eum paulo post etiam noua numina recensere, quæ Tatius, Sabinorum rex, cum Romanis communicarit, & cum aliis propterea silentio transire ait, *quorum nomina Greco sermone efferre difficile esset.* i) Huic facile Romanorum omnium doctissimum

e) Vid. PIGHIVS annal. Rom. tom. 3. pag. 15.

f) Æneid. l. 8. v. 150.

g) Ad Varron. de lingua Latina l. 4. c. 10.

h) Roman. antiqu. l. 2. c. 6.

i) Loc. cit. p. m. 172

fimum VARRONEM k) opponere licebit,
qui verborum in primis nouit significatio-
nem, & fidium filium esse testatur : &
glossarium vetus, vbi Dius Fidius Διος θεός
ηρακλῆς.

§. VIII.

Sunt Fidei Deæ [peculiaria Romæ Sa-
cella, sunt & Dio Fidio, quæ supra enu-
merauimus : vt numina ista quidem con-
fundi nequeant. Apud SEXTVM RVFVM
l) ostendit regio, quæ alta semita inscri-
pta, templum Fidei ; forum Romanum,
Fidem Candidam. Apud V. VICTOREM
m) reperies regione octaua, quæ forum
Romanum, Fidem Candidam ; regione de-
cima, quæ Palatium, templum Fidei. A-
pud ONVPHRIVM PANVINIVM, n) re-
gione sexta, alta semita, reperitur tem-
plum Fidei, regione octaua, quæ forum
Romanum , ædes Fidei in Capitolio , &
Fides candida ; regione decima, Palatio,
templum Fidei. MARLIANVS , o) Græ-
corum nescio quorum fide innixus, Æne-
am scribit cum Ascanio , eiusque filia
Rho-

k) De lingua Lat. I. 4. c. 10,

l) De regionibus urbis Romæ libello.

m) De regionibus urbis Romæ libro.

n) Urbis Romæ descriptione I. I. p. m. 75. seqq.

o) Romæ topographia c. 27.

Rhoma, in Italiam venisse, & condidisse
in Palatio templum Fidei, a puella nomi-
ne dicatum, sub hoc titulo, *templum Fi-
dei*. Orta deinde multis post annis inter
Romulum & Remum contentione de no-
mine vrbis appellandæ, S. P. Q. R. placu-
isse vrbem Romanam a puella nominare,
cuius elogium in templi frontispicio ex
inscriptio legissent. Ab aliis memorix
proditum, Rhomam Aeneæ neptem, hoc
templum posuisse: longis post seculis ve-
tustate lapsum ab Augusto instauratum fu-
isse. DIONYSIUS HALICARNASSEN-
SIS p) vero, de Numa Pompilio diserte,
Fidem, ait, *qua apud mortales nulla res est
aut maior, aut sanctior, animaduertit, nullus
dum cultus vel apud resp. vel apud priuatos
homines consecutam.* Hæc igitur cogitans
NB. primus omnium mortalium templum Fi-
dei publicæ erexit dicauitque, eique sacrificia
instituit, vt & alii Diis, quæ publico sumis-
sionib[us] fiebant. Idemque LIVIVS q) testatur, ac
probe notat, cum Fidei solemne a Numa
institueretur sacrarium, ea pietate omni-
um pectora fuisse imbuta, vt fides ac ius-
jurandum, proximo legum ac poenarum
metu, ciuitatem regerent. JOH. GORO-
PIVS

p) Roman. antiq. l. 2. c. 9. p. m. 202.

q) Lib. 1. c. 21.

PIVS BECANVS i) fidem conatur a Germanico Widen, siue Wien, deriuare, quod nostrum weyhen, Latinis consecrare. Fidem enim, vt dicta omnia consecret, ac sanctiat, siue sancta reddat, ita & ipsam perpetuo sacrosanctam esse habendam: ut qui eam violare ausus fuerit, sacrilegus sit iudicandus. Ac dictis standum esse, non ob id solum, quia faciendum sit, ut Cicero monet, quod verbis est conceputum; sed quoniam verba sic hominem obligent, ut si horum vinculum soluat, non modo contra hominem, sed contra ipsum etiam Deum peccet, cui fides consecrata.

§. IX.

Dius Fidius commune vocabulum omnium istorum est, qui Jouis credebantur, esse filii, atque adeo patri, Deorum summo, proximi. Mirum ergo nemini videbitur, Sabinorum qui sanctissimus habebatur, quemque indigenæ Sabini ab antiquissimis temporibus Sangum, Romanī vero Sanctum, a faniendo & Semipatrem vocabant, etiam Dium Fidium appellatum fuisse. Hinc OVIDIVS: s)

Quærebam, nonas Sancto, Fidione referrem,
An tibi, Semipater: tunc mihi Sanctus ait,
Cnicun-

i) Hermathenæ l. 7. p. 170.

s) Faſtorum l. 6. v. 214.

660 Joh. Nic. Funcii de veter. Rom.

Cuicunque ex illis dederis, ego munus ha-
bebo :

Nomina terna fero, sic voluere Cures.

Hunc igitur veteres donarunt æde Sabini,

Inque Quirinali constitutere iugo.

Et Porcius Cato, apud DIONYSIVM HA-
LICARN. t) nomen Sabinorum genti in-
ditum fuisse putat a Sabino, filio Sa mi,
qui erat loci illius genius. Hunc autem
Samum a nonnullis vocari *Dium Fidium*,
Διός Φίδιον. Samum vero istum Romani
Semum & Semonem vocarunt. LIVIVS :
v) Senatus Vitruvium in carcerem afferuari
iussit, quoad consul redisset, tum verberatum
necari: ædes eius, quæ essent in Palatio, di-
ruendas, bona Semoni Sango censuerunt con-
secranda: quodque æris ex eis redactum est,
ex eo ænei orbes facti, positi in Sacello Sangi,
versus ædem Quirini. Vbi quidem alii le-
gere maluerunt Semoni Sanco. x) Atque
hinc etiam SCALIGER apud OVIDIVM
y) censet esse legendum:

Quærebam, nonas Sanco, Fidione referrem,

An, tibi Semo pater. - -

Sunt

*) Roman. antiquit. l. 2. c. 6. p. m. 171. Confer.
ALEXANDER AB ALEXANDRO genial. Die-
rum. l. 5. c. 10. p. m. 655. cum TIRAQVELLI
annot.

v) Lib. 8. c. 20.

x) Vid. JOS. CASTALIONIS obseruat. dec. 3.
cap. 10.

y) Loc. supra citata.

Sunt inscriptiones Romanæ vulgo notissimæ : z) SEMONI SANCO DEO FIDIO SACRVM. Alia: SANCTO SANCO SEMONI DEO FIDIO SACRVM. Et Reatina: SANCO FIDIO SEMO PATRI. Ex quibus facile cuique patet, idem numen promiscue *Sanctum*, *Sancum*, *Sangum*, *Semonem*, & *Deum Fidium*, appellari. Hinc obortus B. JVSTINO MARTYRI a) insignis error, vt quia Samaritani suum Simonem magum pro sancto Deo haberent, statuam, Romæ positam *SEmoni Deo San-
do*, consecratam putaret Simoni mago.

§. X.

In primis Dius Fidius appellatur *Hercules*, quem & *Sanctum*, vel *Sancum* potius, a Sabinis dictum fuisse, apud VARRONEM b) Ælius Gallus testatur. Hinc vnum idemque iustificandum TERTULLIANVS c) facit, *me Hercule & me
Dius Fidius*, vt illa per Herculem deieratio

2) Apud GRVTERVM inscript. p. 96. n. 5. 6. 7.
Confer. VOSSIVS de idololatr. l. I. c. 12. p. m.

88. CELLAR. not. ad Laftant. l. I. c. 15. n. 8. BE-TVLEJVS comment. ad Laftant. l. c. p. 51.

a) In secunda pro Christianis apologia.

b) De lingua Latina l. 4. c. 10.

c) De idololatria c. 20.

tio ex ore Christiani non audiatur. FE-
STVS: d) propter viam fit sacrificium, quod
est proficisciendi gratia, Herculi, aut Sancō,
qui scilicet idem est Deus: atque etiam, ut
supra ex DIONYSIO HALIC. e) vidimus,
appellatur *Dius Fidius*, i. e. Jouis filius:
qua quidem honoris significatione Hercu-
les κατ' εξοχὴν ornatur. Διὸς γίνος ἡρακλῆς. Ita
PROPERTIVS, f) vbi de Hercule & Ca-
ci morte:

Herculis eximii ne sit inulta sitis.

Sancte pater salve, cui iam fauet aspera Juno,

Sancte velis libro dexter inesse meo.

*Nunc quoniam manibus purgatum sanxeras
orbem,*

Sic Sancum Tatiæ composuere Cures.

Nullum ergo videtur supereesse dubium,
idem Romanis fuisse numen Sancum, vel
Dium Fidium, quem a Sabinis, in urbem
receptis; atque Herculem, quem ab Ar-
cadibus atque Pelasgis acceperunt, sola
denominatione diuersum. Vnus omnium
grauiissimus testis VARRO: g) *Aelius Gal-*
lus, Diuus Fidius, dicebat, Dionis filius,
ut

d) V. propter viam

e) Roman. antiqu. 1. 2. c. 6. p. m. 171. Pl. Conf.
NIEVPOORT Roman. antiqu. fest. 4. c. 1. §. 24.

f) Lib. 4. eleg. 10. extr.

g) Delingua latina 1. 4. c. 10.

ut Græci Διόσκουρον Castorem : Εἰ putabant,
hunc esse Sanctum ab Sabina lingua, Εἰ Hercu-
leum ab Græca. Neque alia ratione San-
cus dicitur gentis Sabinæ fuisse auctor,
quam quod Sabini a Lacedæmoniis essent:
Lacedæmonii vero a Sanco, vel Sancto,
i. e. Hercule, genus ducerent. Nam, te-
ste PLVTARCHO, h) Sabini λακεδαιμονίων
ἄποινοι, Lacedæmoniorum coloni. Caus-
sam plenius exposuit DIONYSIVS HA-
LICARN. i) quo tempore Lycurgus, tu-
tor e fratre suo nati Eunomi, leges Spar-
tanis ferret, quosdam seueritatem earum
exosos in Italiam nauigasse, qui postea
dicti Sabini, a Sabo scilicet, qui coloniæ
dux & princeps fuisse videtur. Lacedæ-
monii vero τῶν Ἡρακλειδῶν αἴτοιτα, Hera-
clidarum colonia. Quippe ex ipsorum
traditione Hercules cum Hippocoontem
Sparta expulisset, Tyndareo, patri Casto-
ris & Pollucis, regnum velut fiduciarium
tradidit. Octoginta vero annis ab Ilio
capto, Tisameno, Orestis filio, Aga-
memnonis nepote, regnante, id Heracli-
dæ repetierunt: ac inde reges iis Heracli-
dæ, quorum primi Procles & Eurysthe-
nes, filii Aristodemii, qui Herculis abne-
pos fuit. Nec facile, credo, gens anti-
T. III. P. IV. Vv qui-

h) In Romulo.

i) Antiq. Roman. 1, 2.

quitus vlla , nisi ab immortalibus diis , originem suam repetere voluit. PLATONEM k) audiamus. Socr. utrum consentaneum est , meliores esse naturas nobili in genere , quam ignobili ? Alcib. manifestum , quod in nobili . Socr. nonne bene nati , si bene etiam educantur , ita demum ad virtutem peruenient ? Alcib. necesse est . Socr. consideremus itaque illis nostra comparantes : primum quidem , utrum Lacedaemoniorum Persarumque reges ignobiliori , quam nos genere orti videantur . An ignoramus , illos quidem ab Hercule , hos autem ab Achemeni genus ducere ? Hercules autem , & Achemenis origo ad Persem , Iouis filium , refertur . Alcib. Et nostrum quidem , o Socrates , in Euryfacem , Euryfaccis in Iouem . Socr. atqui nostrum , o generose Alcibiades , in Dædalum eriam , Dædalu autem in Vulcanum , Iouis filium . Verum istorum maiores ab iis incipientes reges sunt ex regibus usque ad Iouem &c.

§. XI.

Jam tum ab antiquissimis temporibus vsu venit , vt gentes quaque principes & heroes fortissimos , quos sibi persuaserunt summi numinis esse filios , Hercules voca-

k) Alcibiad. 2. oper. pag. 440. edit. Francofurt. 1602. fol.

carint. Sic vetustissimi perhibentur, Hercules Ægyptius, Phœnicius, siue Tyrius, l) Libycus, m) Creticus, siue Telchinus, n) Græci vix numerandi, Romanus, siue Sancus, o) Germanus, siue Celticus, p) plures alii, qui quidem, quotquot fuerunt, omnes asfiduos ingentesque sustinuerunt labores, & vix superanda subierunt pericula: ut beneficiis longe maximis, quibus vbique genus humanum cumularunt, præmium immortalitatis referrent, atque non solum ad heroicos, sed plane diuinos honores eueherentur. Hinc fieri facile potuit, vt eadem stupenda omnium facinora omnibus & singulis tribuerentur, multa fabularum inuolucris proponerentur mortalibus, & suum gentes quæque adeo decantatum Herculem Jouis haberent filium, eum quidem primo genitum, certe notandum præ reliquis, Deum Fidium, seu Dei filium, parcum Joue, i. e. diuino cultu prosequendum. Neque adeo mirandum, Romanos, tot populorum principes atque dominos, in primis auxilium & præsidium, certe

Vv 2 veri-

- l) De quibus HERODOTVS l. 2. p. 47
m) PAVSANIAS in Phocicis. SILIVS ITALICVS
l. 12 SOLINV S c 10. ISIDORVS orig. l. 14, c. 6.
n) DIOD. SIC. l. 4.
o) FESTVS v. propter viam.
p) TACITVS de morib. Germ.

966 Joh. Nic. Funcii de veter. Rom.

veritatis præsens testimonium ab Hercule, Jouis filio, petuisse, conceptis, quam fieri potuit, breuisimis pulcherrimi iuris-iurandi, formulis, *mehercules*, atque *mediusfidius*, sc. seruet. Is enim, vt CICERO q) loquitur, tantus & tam præsens habetur Deus: ac semet ipsum arbitratus est ad homines iuuandos, tutandos, conservandos fuisse natum. Herculem Jouis & Alcmenæ Thebanæ aiunt fuisse filium, qui ob fortitudinem summamque rerum gestarum gloriam inter Deos relatus. Alcmena quidem coniux fuit Amphitryonis: quæ, cum peregre maritus Oechalam vel Ætoliam debellaret, Jovem Amphitryonis formam præ se ferentem, thalamo exceptit, suum esse mariatum rata, atque ita ex Jone compressa Herculem peperit. r) Hic, vt fabulantur, in cunis infans cum vagiret, duos ab Junone inuida missos manibus conquassavit dracones, & primigenius dictus est: qui rebus per orbem fortiter gestis maxime inclutus. Atqui DIODORVS SICVLVS s) ille, qui Herculis huius stupenda faci-

no-

q) TUSCUL. quæst. l. 1. c. 12 & 14. extr.

r) Vid. PLAVTI Amphitryon. HYGINI fab. 29.
JOH. BAPTISTA CASALIVS de profanis & fa-
cris veteribus ritibus part. 2. c. 8. pag. 74.

s) Biblioth. histor. l. 5. c. 76. init. Confer. HERODO-
TVS & alii. Inpruniis CICERO de natura Deorum
lib. 3

nora pasim descripsit, diserte, vel ex aliorum traditione, memoriae prodidit: de Hercule referunt, quod a Jove creatus sit permultis sane annis priusquam Argis ille ex Alcmena Hercules prodiret. Hic vero quae matre natus fuerit, compertum non esse: hoc solum modo certum esse, quod robore corporis vniuersis mortalibus praestantior totum peruerterit orbem; iustas iniustis & flagitiosis penas infligens, & monstra ferarum, quibus infestae & desertae regionum habitationes redderentur, e medio tollens, hominesque ubiuis gentium in libertatem vindicans: ipse tamen inter tot rerum discrimina inuulnerabilis & inuictus. Ob quae merita sempiternis eum honoribus mortales dignentur. Natum vero ex Alcmena Hercules multo posteriorem, quod antiqui huius

Vv 3 studia

1.3.c.16. vbi sex diuersos eiusdem nominis profert, ac notanter querit: quem notissimum Herculem colamus, scire sane velim. Plures enim tradunt nobis ii, qui interiores scrutantur & reconditas literas: antiquissimum, Jove natum, sed antiquissimo item Jove: nam Joves quoque plures in prisca Græcorum literis inuenimus. Ex eo igitur & Lyrito est is Hercules, quem concertauisse cum Apolline de tripode accepimus. Alter traditur Nilo natus Aegyptius, quem aiunt Phrygias literas conscripsisse. Tertius ex Ideis Digitis, cui inferias afferunt. Quartus Jovis & Asterie, Latona sororis, qui Tyri maxime colitur, cuius Karthaginem filiam ferunt. Quintus in India, qui Belus dicitur. Sextus hic ex Alcmena, quem Juppiter genuit, sed tertius Jupiter.

studia initatus fuisset, eandem ob causam immortalitatis gloriam consecutum, & temporis progressu ob nominis similitudinem pro eodem habitum, & res prioris (quod verum a vulgo ignoraretur) posteriori attributas esse. De Herculis nomine & significatione quædam alibi monuimus. Nominis originem faciunt alii Germanicam ab Herr, Heer, & Keule. GOROPIVS BECANVS v) ipsiusne eo credit præfigurari Christum, æternam æterni patris virtutem, atque invictum totius mundi robur. PETRVS DANIEL HVETIVS, x) Herculem Israelitarum ducem, Josuam, fuisse conatur demonstrare: eumque Samsonis etiam typum facit. y)

§. XII.

Quoquo se res habeat modo, est profecto Dius Fidius significatione non alias, quam Iouis filius. Jupiter enim Græcis Zēus, generandi casu flebitur Διος: & literarum L. D. permutatione, veteribus fidius

- t) *Dissert. de Hercule Musagete p. 14. Confer. PL GHII Hercules Prodigius p. 257. passim.*
- v) *Hermathenæ l. 7. p. 171. l. 5. p. 111. Hieroglyphicorum l. 2. p. 22. passim Vertumn. p. 93 seqq.*
- x) *Demonfrat. euangelica propos. 4 p. 323. seq.*
- y) *Loc. cit. p. 336.*

dius erat filius. z) Nec ab re FESTO a)
compositum videtur, & significare Jouis
filium, siue Herculem: quod Jouem Græ-
ci $\Delta\alpha$ casu quarto vocarunt: ac fidium va-
lere pro filio, quod s̄apē antea pro L. li-
tera D. vtebantur. Ita etiam VARRO: b)
Juppiter olim Diouis & Diespiter diētus, hoc
est, aer & dies pater (quod patescat om-
nia) a quo dei dicti, qui inde, & dies, &
dius, & diuus. Vnde sub dio, & dius fidius.
Itaque inde eius perforatum teclum, ut videa-
tur diuum, i.e. cælum. Quidam negant, sub
teclo per hunc dejerare oportere. Ælius Gal-
lus, Diuus Fidius, dicebat, Diouis filius, ut
 $\Delta\sigma\tau\mu\nu\rho\nu$ Castorem: & putabant hunc esse
Sanctum ab Sabina lingua, & Herculem ab
Græca. Rursum FESTVS: c) dium antiqui
ex Græco appellabant, ut a deo ortum, diur-
num sub cælo lumen aīō τε διός. Vnde adhuc
sub dio fieri dicimus, quod non sit sub teclo; &
interdiu, cui contrarium est noctu. Diuum,
quod sub cælo est, extra teclum, ab Joue di-
cebatur. Et Dialis flamen, & dius heroum a-
liquis, ab Joue genus dicens. Diuum fulgur
appellant diurnum, quod putabant Jouis, ut
nocturnum Summani. Respondet omnino

Vv 4

Var-

z) Vid. comment. de adolescentia Latinæ linguae c.

vlt. §. 28. p. 325:

a) V. medius fidius.

b) De lingua Latina I. 4: c. 10.

c) V. Diuum.

670 Joh. Nic. Funcii de veter. Rom.

Varronis ac Festi sententiæ glossarium ve-
tus , vbi *Dius Fidius Διος θύες* , ἡρακλῆς.
Quod ergo alii *sub dio*, HORATIVS d)
sub Joue dixit.

- - - Manet *sub Joue frigido*
Venator , teneræ coniugis immemor.

§. XIII.

Non maior Dei filius , quam Hercules,
ille fortissimus suorum vindex , qui *κατ'*
εξοχὴν id sibi nominis a gentibus tribui vo-
luit. Eadem quoque utriusque iurisiur-
andi *me Hercules* , & *me Dius Fidius* , ac-
cidentia fuerunt. Sub tecto per hunc ,
quem Joue diximus esse filium , deierare
non licuit. e) Et qui Herculem iurant ,
hoc facere prohibentur sub tecto. Cuius
quidem rei variae a PLVTARCHO f) ra-
tiones proponuntur. Vtrum Herculii di-
spliceat domi latitantium ignauia , & ma-
gis grata sit rusticana & subdialis vita ?
An quod Deus hic non sit indigena ? Ma-
gis tamen videtur ad stipulari Fauorino:
non vulgare id , sed proprium fuisse huic
Deo , qui religiose ad iusurandum acces-
serit,

d) Carmin. I. 1. od. 1.

e) Vid. VARRO de lingua Latina I. 4. c. 10.

f) Quæstionibus centuriatis Romanis c. 28.

serit, ac semel vni Phili, Augei filio, iurauerit. Hinc Pythiam Lacedæmoniis hoc sacramenti genus proposuisse, quod confirmare absque iure iurando satius & melius fit.

§. XIV.

Quamvis illa veterum Romanorum per Dei filium iurandi consuetudo superstitionem ac idolatriam sapiat: vix tamen nobis persuadere possumus, illorum saniores, ut veritatis & sapientiae plures erant studiosi, non vnum verum T. O. M. agnouisse Deum. Imo ratione prædicti omnes, quotquot terrarum inhabitant orbem, haud difficulter existimare ac intelligere valent, ens entium esse, illud quidem longe perfectissimum & immortale, Deum: quod manifestum non modo ex ipsa, quam inhabitant, terra, & rebus in ea ad stuporem usque factis, verum etiam ex celi mundique totius inspectione, strutura, dispositione, & ordine sapientissimo & pulcherrimo. Hæc enim omnia non possunt esse fortuita, aut hominis cuiusquam, vel potentissimi, studio producta. Quemadmodum Zaleucus egregie disputat in leges procœlio; g) omnium vero optime consolationis auctor,

Vv 5 quam

g) Apud STOBÆVM ferm. 42. p.m. 277.

quam vulgo Ciceroni tribuunt, h) cum homo, inquit, solus ex omni propemodum genere natus sit aliquam notitiam Dei, nisi vita iniuritate Deo iniquus atque iniensus euaserit, ad Deum certe evolabit. Idque aeternitatis humanae vel maximum ac firmissimum argumentum est, solum hominem diuina voluntatis participem conscientiamque existere: ut, quamquam agrestibus silvestribusque in locis natus sit, tamen, ipsa docente natura, & esse Deum, & colendum ac venerandum esse, dubitare non posset. Nec ab re gentes, etiam M. TVLLIO teste, i) ex operibus magnificis atque praelaris, cum ipsum mundum, cum eius membra, ccelum, terras, maria, & horum insignia, solem, lunam, & sidera vidissent, temporumque vicissitudines cognouissent, suspicati sunt, aliquam excellentem esse prstantemque naturam, qua haec fecisset, moueret, regeret, gubernaret. Communis ergo omnium pene gentium & certissima persuasio haec est, unum mundi & rerum quarumque existentium auctorem esse Deum T. O. M. Hinc ipse M. TVLLIUS: k) in humanibus nulla gens est, neque tam inmansuetas neque

h) CICERON, oper. tom. 4. p. 323. edit. Hamburg. 1618 fol.

i) De natura Deorum l. 1. c. 36.

k) de legibus l. 1. c. 8

neque tam fera, quæ non, etiam si ignoret, qualem habere deum deceat, tamen habendum sciatur. Ex quo efficitur illud, ut is agnoscat, Deum, qui unde ortus sit, quasi recordetur, ac noscat. Diuinitus apud PLAVTVM l)
Tyndarus: *Est profecto Deus, qui, quæ nos gerimus, auditique, & videt.* Idem SOPHOCLES m) exprimit: *εἰ μέγας ἐν δρα-
νῷ ζεὺς, ὃς ἐφορᾷ πάντα, ναι πρατυνει.* Rursum: *εἰ δίκης ὁ Φθαλμός, ὃς τις πάντ' ὡρᾷ.* Thales Milesius, n) septem Graciam sapientium primus, interrogatus aliquando, lateretne Deum homo male agens? Ne cogitans quidem, respondit. Sic quoque Romanorum politissimi quique intellexerunt facile, Deum pietate & religione, & iustis precibus, non contaminata superstitione, neque ad scelus perficiendum, casis hostiis placari posse. o) Deum ens agnoscunt esse perfectissimum, infinitum ac æternum. Thales Milesius, qui sapiens primus inter Græcos, antiquissimum, inquit, p) *earum omnium, quæ sunt, Deus: ingenitus enim. Pulcherrimum, mundus: a Deo enim factus est: vel, ut Græca habent,*

πρεσ-

l) Captiv. A. 2. S. 2. v. 63

m) Electra.

n) Apud DIOGENEM LAERTIVM in eius vita.

o) Vid CICERO orat. pro Cluentio c. 68 extr.

p) Apud DIOGENEM LAERTIVM de diuinat. 12.
c. 41.

πρεσβύτατον τῶν ὄντων, Θεός. αἰγέντον γάρ.
καίλισον, κόσμος. ποίησα γάρ Θεός. Et paulo
post interrogatus, quid Deus? τί τὸ Θεόν?
respondit, τὸ μήτε αρχὴν ἔχον, μήτε τελευτὴν.
Quod initio & fine caret. Et ingenue faten-
tur omnes, q) nihil esse, quod Deus efficere
non poscit. Homines suam contra, vel quo-
tidiana experientia docti, agnoscunt imbe-
cillitateim: quod vix ac ne vix quidem
sine diuino auxilio per momentum subsi-
stere queant. Peccatores, vt sumus o-
mnes, atque noxii valde, nullam plane
sentiant cum sanctissimo numine commu-
nionem habere, ac facile intelligunt, nisi
æternum infelices esse debeant, mediatore
re opus esse: cum ipsi Deo nihil minus
gratum videatur esse futurum, quam non
omnibus patere, ad se placandum atque
colendum, viam. r) Vel ex prima reue-
latione, Adamo ejusque filiis facta, gra-
uissimum redemtionis opus futurum ad
omnes gentes, orali traditione, propaga-
tum fuisse constat: quandoquidem illis
nulla salus aut solatium alioqui super-
esse videretur. Vel quis negare ausus fue-
rit, etiam illos, extra populum Dei ele-
ctum, idolorum cultores oracula diuina
legisse, ac inde multa ad religionem suam
per-

q) Apud CICERONEM de diuinat. I. 2. c. 41.

r) CICERO de legibus I. 2. c. 10

pertraxisse. Hinc filios Dei finxerunt plurimos, s) vnum vero omnium excellensimum Herculem, vel Sanctum illum Dium Fidum, qui, Caco, i. e. malo, seu diabolo, superato, orbi salutem reparare potuerit.

s) Omnes quidem rerum ignari præclaro quodam facinore insignes. Vnde Romanus centurio de Seruatore, cruci affixo, cum terre motum videret exclamare non dubitauit: αληθῶς θεός εὗρος ἡν δῆτος. Matth. XXVII. 54.

III.

JOANNIS CHRISTOPHORI
HARENBERGII
EXPOSITIO
CAPITIS XVI. LVCAE;
SEV PARABOLARVM DVARVM,
VNIVS DE VILlico INIVSTO, AL-
TERIVS DE EPVLONE DIVITE,
CVTICVLAM CVRANTE.

SECTIO III.

QVA PARABOLA DE DIVITE
EPVLONE EDISSE RITVR.

SYNOPSIS:

§. 1. Scopus parabolæ de epulone diuite ac Lazaro. §. 2. Nomen Lazarī non est bisho-

historicum, siquidem heic historia haud tractatur. §. 3. Illustratur v. 19. §. 4. Lazarus status, comites, morbus. §. 5. Exponitur v. 22. §. 6. Incisum 23. illuminatur. §. 7. Domicilium animarum separatarum ex mente Platonis & Pharisaeorum. §. 8. De angelo, mentium separatarum deductore. §. 9. De corpusculo seu ueste animarum, corpore hoc extarum. §. 10. De animarum nonnullarum apud inferos ex mente Platonis & Iudeorum purgatione. §. 11. Incisum 24. exponitur. §. 12. De emphasi vocis ἐδυνάσθαι. §. 13. Exponitur 25. incisum. §. 14. Illustratur 26. incisum. §. 15. Exponuntur incisa 27 & 28. §. 16. Additur coronis, summa corollarium, & clausula.

§. I.

Pergit inde Seruator ad parabolam alteram, docturus, quantopere dissideat status vita huius splendidior a statu hominis, bonis fluxis immersi, posthac ad conditionem vita huic succedentem translati, & quam inanis sit eorum argumentatio, qui putant, hominem, in hac vita faustum, numquam non fore felicem. Repraesentat ipse suis hominem, de resurrectione mortuorum & vita futura haud sollicitum,

præ-

præsentia curantem, futura negligentem, cuius fratres sociique pœnitentiam malectorum vel differant vel superuacaneam arbitrentur. Imaginem Sadducæ exhiberi in hac parabola delineatam, fibi persuadet Ven. JOANNES LAVRENTIVS MOSHEMIVS (k). FRIDERICVS ADOLFVS LAMPIVS credidit (l), adumbrari tradi que hac parabola, homines inopes & enenos in fœdus ac communionem ecclesiæ N. T. receptum iri, tam inter Judæos, quam inter gentes reliquas (m), ut factum Pharisæorum Jesus retunderet, quem iam notauerit v. 15, & XV, 2. Monendi omnino erant Judæi de genuina ecclesiæ christianæ natura, consistentis quippe non in diuitiis ac splendore huius vitæ, sed in fide incorrupta, virtute, & patientia. HENRICVS TEELMANNVS commentatus fuit (n), Pharisæos & Scribas adumbrari imagine diuiris & opulentí epulonis, Jesum vero, ab illis spretum & repudiatum, sub imagine Lazari latitare. Si parabolam excutiamus & pensitemus, quanta fieri potest diligentia, ne micain quidem rationis deprehendere licet, quæ huic

k) In *Institutionibus* H. E. sœculi I. p. 85.

l) In *Diff. de Sinu Patris* §. 10. p. 79. Vol. I. *Dissertationum.*

m) Ps. XXII, 27. LXXII, 4. CXIII, 7. Jef. XI, 4.

n) Clerici Biblioth. Vaiu. T. II, p. 302. sqq.

huic faueat opinioni. Tristes eorum c-
uentus heic delineari, qui ad scopulos di-
uitiarum adhærescunt, docuit nuper Deista
Anonymus (o). Si seriem orationis o-
mnem pensi alicuius habemus, docemur
parabola priori, ita viuendum esse, ne
culpa nostra in hac vita nos nostrosque
reddamus infortunatos miserosque; po-
steriori autem conuincimur, sic hanc vi-
tam esse transfigendam, vt ne sempiterna
beatitudine careamus. Phariseis ac Scri-
bis hæc doctrina inprimis erat infigenda,
quippe qui vnicè præsentia intuebantur
opibusque huius vitæ prorsus erant addi-
cti, nec futuram, immo æternam, mi-
seriam debite perpendebant. An Saddu-
cæi Jesum docentem simul audierint, di-
cere non habeo. Vestigia certe haud vi-
deo, e quibus id coniectare possim.
Sadducæorum haud erat, fauere purga-
tionibus animarum, a corporeis vinculis
exutarum. Diuitis epulonis anima tradi-
tur circumspexisse Abrahamum, eiusque
subleuationem expetiisse. Haud quadrat
hoc in Sadducæos momentum. Pharisei
autem Rabbanitæ id habebant vitii, vt so-
li diuino verbo, in litteras relato, haud
darent haberentque fidem, sed opiniones
ei adderent, per manus pridem traditas,
&

(o) *Lettres sur la religion essentielle à l'homme p. 103. L.*

& partim ex gentium exterarum lacunis
haustas. Quem in censum venit ipsorum
dogma, de purgatione animarum separa-
tarum inscriptum, quod diligentissime &
peculiariter *Dissertatione* edisseruit b. HEN-
NINGVS BERNHARDVS WITTER (p)
quod PLATO iam (q) adprobauit: &
quod VIRGILIVS (r) repetiuit. Pharisa-
orum ac Rabbanitarum doctrina sic fere-
bat, vt ipsi promeritis Patriarcharum con-
siderent eorumque precibus ad Deum di-
rectis sese subleuari arbitrarentur. Sad-
ducæos hæc sentiendi libido haud infece-
rat. E diametro hisce Pharisaorum opinio-
nibus Jesus doctrinam suam, parabola al-
tera expressam, opposuit, ac eo ipso e-
uertit Pontificiorum dogmata, Judaicis
illis opinionibus (s) simillima. Quibus
præmissis ad singulos parabolæ alterius ar-
tus neruosque proprius intuendos curati-
usque expendendos & euoluendos ani-
mum adpellemus, rati, nihil historiæ
heic subesse, sed vniuersum complexum
profluere in parabolæ modum. Tres ve-
ro sunt parabolæ partes. Prima exhibit
diuersum huius vitæ statum. Secunda of-
T. III. P. IV. X x fert

(p) *De purgatorio Judeorum* Helmstad. 1704, 4.

(q) In *Phædone* p. 400, &c de *Republ. Dial. X.* p. 519.

(r) *Aeneid.* L. VI, v. 743, sqq.

(s) Bellarminus de *Purgatorio* I, II. Bailius in *Catech.* *Confess.* tractat, 2. qu. 44.

fert vicisitudinem, obuiam in statu mentium a corporibus disiunctarum. Tertia pertinet ad admonitionem, quæ docet modum cauendi sibi a miseria infernali.

§. II.

Solent nomina diuitum & opulento-
rum nec negligi nec facile in obliuionem
abire. Sed nuspia de diuite eiusmodi
comessatore mentio iniicitur. Nuspia
eius legitur nomen. Nomen Lazarī per
autonomasiam pro egeno opisque vacuo
fuit adhibitum eadem ratione, quo pau-
perrimum quemuis solemus *Irum* ad-
pellare. Nam *Lazarus* est ex *τιμη* №,
defectu auxilii, dictus. Haud ignoro qui-
dem, vocem Lazarī vulgo pro Eleazaro
seu Eliesere credi positam esse. Quoniam
vero Josephus aliique nomen græcum E-
leazari adhibuerunt ac Lucas ipse illud
nomen *Eliezer* c. III, 29. haud ignorauit,
improbabile est, nomen Lazarī heic idem
esse ac Eleazari. Voluit Judæis Jesus ex-
hibere parabolam; noluit eis historiam,
inter ipsos gestam, exhibere. Nam Chri-
stus non solet viros nominatim significare,
ad orcum detrusos. Judas proditor dici-
tur in locum suum abiisse. Jesum de per-
sona quadam incognita differere, vel ex
eo intelligimus, quod ipse per formulam
para-

parabolicam orditur orationem: *Erat vir quidam diues.* Et vbinam gentium, obsecro, extitit ille vir, bysso & purpura amictus, cui quinque fuerint similis fortunæ luxusque fratres? Ne dicam, consimilem parabolam legi in Codice Germanico Brachot c. 5, fol. 31. Ornarunt iam & firmarunt hanc sententiam viri olim summi, nunc beati, SEBASTIANVS SCHMIDIVS (t) & JOANNES CHRISTOPHORVS WOLFIUS (u)

§. III.

Vir ille parabolicus, qui figuram gaudi terrestris, in moerorem semipiternum conuersi suppeditat, variis delineatur ornamentis status externi. Dicitur diues multisque opibus excellens. Dicitur vestitus purpura & bysso. Dicitur lætatus epulisque instructis delectatus in dies. Seculo quarto ac sequenti tempore Christiani in Palæstinam cœperunt peregrinatores sacros strenue frustrari ac fallere, ne deuotioni deesset materies nec ostendentibus lucrum. Subduxerunt itaque ipsi sic rationes suas, ut fingerent gesta & loca va-

X X 2

ria

(t) In *Disp. de Sinu Abrabæ* §. 13. p. 880, f. in Fasciculo Disputationum theologicæ - philologicarum Jen. 1712, 8

(u) In *Curis ad h. l.* p. 702

ria , male narrationes euangelicas interpretati. Adpellarunt ipsi diuitem illum epulonem *Nneusin* (x) adesque eius Hierosolymis(y) monstrarunt. Falso quidem. At lucri bonus ad ipsos odor ex re qualibet videbatur redire. Purpura erat Regum procerunique gestamen. Syrorum Asiacaque Reges amicis suis impertiisse memorantur usum & sumtuosa spectacula purpuræ. Rex Alexander Jonathani Macabæo confirmauit Pontificatum Maximum ipsumque inter *amicos Regis* retulit ac simul eidem misit *purpuram & auream coronam*. *1 Macc. X. 20.* Ipsi hi amici purpuram illam in duebant , quotiescumque Regibus consueuerant adsidere. v. 62, 63, 64. Simonem , Jonathanis fratrem , Ju-dæi pro Pontifice Summo ac Duce bellico reputarunt , Regisque astimarunt loco. Et hanc ob causam voluerunt ipsi constitutum , ut is purpuram gestaret aureisque ornamenti ornatus incederet. *1 Macc. XIV. 43 44.* Conf. XI. 58. Josepho Proregi Ägyptiorum vestis *bysina* legitur injecta apud Interpretem Alexandrinum Gen. XLI, 42. *Bysina* pepla mulieribus tribuit **ÆSCHYLVS** p. 130. f. edit. Henrici Stepha-

(x) Euthymius ad h. l.

(y) J. Alb. Fabricii *Noteæ ad Codicem apocryphum N. T.* p. 562.

phani. THEOCRITVS byssum ostendit
fuisse muliebrem & delicatulam *Iazilli.* II,
v. 72. Byssus conficitur per modum lini
vel lanæ ex frutice vel arbore gosipii:
gestamen olim Sacerdotis Ebræorum sum-
mi (z) ac virorum, auctoritate & diuitiis
pollentium. Ei, qui gratas circumspici-
unt horas deliciisque cum splendore sum-
tuoso ac adparatu residenti animum cor-
pusque singulis diebus oblectant, dicun-
tur εὐφράνεδαι καθ' ημέραν λαμπρῶς. Vi-
rū nostrū parabolicū multi in lurco-
nem, helluonem, ac gulæ ventrisque man-
cipiū ebriosum conuertunt. At invita
dictione græca. Nec tamen ebrietas &
oblectationum adsestatio generis est vnius.
Peccant & illi, qui tantum cibi potusque
sumunt, quantum vires non reficit, sed
opprimit terraque & humo cogitationes
adfigit. Plures enim perierunt conuiuiis
& poculis rorantibus, quam fanie & siti.
Nec dici potest, quantum conuiuationes
quotidianæ pietatem suffocent, proster-
nant, & extinguant. Vires animi spirituales
dissipantur & eneruantur conuiuiis, quan-
tumuis modicis, quod experiundo proh
dolor! magis intelligitur, quam ratioci-
nando. Temporaria & breuisimæ moræ
Xx 3 sunt,

(z) Joann. Oldermannii Diss. de Vestibus byssinis Po-
tificis M. in Expiationis festo. Helmstad. 1717, 4

684 Jo. Christ. Harenbergii Exposit.

sunt, quæ genium delectant; quæ autem
cruciant, sunt sempiterna.

§. IV.

Viro parabolico, & opulento & sumtuoso & quotidianis gaudiis indulgenti, adiungitur vir alter, qui dicitur egenus & pauper, cui nomen fuisse dicitur Lazaro (v. 20), qui dicitur proiectus ad vestibulum foresque exteriore divitis, qui dicitur vleeribus obsitus & prægrauatus, qui dicitur (v. 21) tam inops fuisse, ut saturari concupuerit ex misericordia, a mensa divitis carentibus. Non curasset ipse se se eo portari vel non venisset eo, nisi spes fuisset obtinendi aliquod famis fitisque leumentum. quid? quod canes illi, qui vestibuli erant custodes, adueniebant lingeantque eius vlcera. Adumbratur status hominis miserrimi, quem premit valetudo aduersa, quem deficiunt vires, opes, victus & amictus, quem canes iniuriant magis quam homines. Solent pictores ingenio abuti, dum, mendicum hunc in domo divitis flagellatum fuisse, fingunt. Non enim perhibuit Jesus, pauperem hunc intra domum divitis admisum esse. Qui gaudiis & latente animo dant primas, ei non confuerunt oblectamentis suis immiscere miseranda rerum spectacula, illecebras suas turbatura. Diues sibi videbatur

batur in cœlo esse; miser ille videbatur tartari hospes & infelicitatis imago. Tantum interest inter conditionem hominum, in hac & futura vita versantium. Quales exstiterint canes, haud designatur nec nostra interest nosse. PIGNORIVS eos manu illa fuisse catellos (a) Errant, inquiens, pictores, qui pingunt canes venaticos seu vilaticos, quasi iſti cœnantes dominum oblectasent. Malumus catellos, quippe qui in delicis tricliniaribus habiti, ut testatur mulier Cananea & indicant sculpturæ antiquorum marmorum apud Futarium Vixenum in Appendice ad Ciacconium de Tricliniis. Nihil heic legitur de oblectatione, ex canibus percepta. Canes heic commemorantur, non catelli. Persuaserat sibi olim Cel. PETRVS ZORNIUS, personatus ille Theophilus Amelius, per canes hoc loco denotari (b) ianitores seruos, catenis instar canum constrictos custodiaque ostiorum adjunctos. Nec inficiari lubet, ianitores domesticos olim canes fuisse dictos (c). Verum obstant momenta duo, cur in eam sententiam haud descendamus. Dicun-

Xx 4

tur

(a) De Seruis veterum p. 224.

(b) In Erörterung der schwersten Schriftstellen in N. T. P. I. p. 8, f.

(c) Cicero Or. IV. in Verrem § 40. p. 230. §. 47, p. 232. Petrus Pithœus L. II. c. 9. Subseciu. Gatakerus in Aduersariis posthumis c. 43.

tur enim canes venisse. Mediaстini, catenis constricti, ad eundem locum, in quo stabant vel iacebant, erant adligati. Dicuntur canes vlcera linxisse. Seruanda & retinenda est propria vocum potestas, quoad eius fieri potest. Quis vero existimabit serio, mediaстinos vlcera linguis admotis linxisse? Vlicerorum morbum Lazari disquisiuit WEDELIVS, eumque ostendit fuisse εἰλεόν αἱματίτην, ἥλεον sanguineum, in intestinis residentem (d). Vocis vero λείχεων, ἀπολείχεων, & ἐκλείχεων significatum, in lingen-do positum, offert non solum Epistola Jeremias apocrypha v. 20. sed etiam integer scriptorum Graciae chorus.

§. V.

Nunc vero scena mutatur (v. 22). Accedit enim, ut pauper ille moreretur §, quantum ad animam adtinet, deferretur ab angelis in sinum Abrahami. Nihil de sepultura additur, quæ adeo tenuis fuit, ut respectu gloriae consecutæ digna haud vide-retur, cuius fieret mentio. Diues vero § ipse obiit § sepultus fuit, splendide scilicet & conditioni laute priori congruerter. Vulgata habet: Sepultus est in inferno. Exsultat heic JOANNES HARDVINVS (e) eam-

(d) Exercitation. Centur. 2. Dec. 2. Exerc. 2

(e) In Commentario ad N. T. p. 213.

eamque maximi facit, ratus, græca esse
serioris ætatis, latina esse antiquissima &
authentica. Oppugnatum heic it fidem
primorum Patrum, qui græca Lucæ ver-
ba pro genuinis, primis, & authenticis
(*) habent. Quis vero dixerit, corpus
diuitis *in inferno esse sepultum?* *Infernus*,
o Æðns, spectat ad (**) animas, non ad
corpora. Græca exemplaria illud *in in-
ferno* habent inciso sequenti & ad animam
referunt. Æðns est conditio & status anime,
a corporis copula disiunctæ. Res adeo est
peruulgata & trita, vt non necesse sit ver-
bulum addere. Mentes animasque defun-
ctorum ab angelis traduci ac deportari in
locum debitum, non solum (f) Judæi,
sed exteri etiam & a religione vera auersi
(g) scriptores, quondam docuerunt. Mer-
curio in primis Græci ac Latini id nego-
tii dederunt; Ægyptii vero suo Osiri. Pa-
trum testimonia de angelis, animarum
deductoribus, collegit Cel. Vir JACO-
BVS ODE (h). Delatus dicitur Lazarus
in finum Abrahami, credentium patris,

Xx 5

vt

(*) J. H. Bœcleri *Dissert. de Lingua N. T. originali*
Lips. 1702, 4.

(**) Baruch II. 17.

(f) Paraphrasis Chaldaica in Cant. IV, 14.

(g) Hieronymus Magius in *Miscellaneis* To. II. The-
fauri critici p. 1421, f.

(h) De Angelis Sect. 8. c. 4. §. II. p. 258, f.

vt indicetur, animam ipsius participem
fuisse redditam gaudiorum cœlestium, ad
quæ admissus fuit in regno gloriae Abra-
hamus. Ratio dictionis sequitur morem
veterum Orientalium ac Palæstinorum,
qui ad triclinium in conuiuiis vnuſ alteri
accubabant. Qui proximus alteri accum-
bebat, dicebatur in eius esse ſinu (i).
Eumdem in modum dixit Jesus, adſectato-
res ſuos in regno Dei ipſis Patribus, Abra-
hamo, Isaaco, & Jacobo adſociatum iri
atque cum eis eſſe diſcubituros (k). Judæi
ad hæc eum adfirmant in ſinu (l) Abrahami
reſidere vel accubare, cuius anima in Pa-
radifum coleſtem intromiſſa fuit. Primi
ecclesiæ Patres non ſatis fuerunt concor-
des, determinati ſedem mentium bea-
tarum. Plerique ipſorum animas separa-
tas crediderunt *subter terra* in ſepulcro vel
circa illud verſari ibique quieſcere ac re-
frigerari uſque ad nouiſimum terræ diem
(m). Ob hanc ſententiam ſemel adprobata-
tam ipſi non potuerunt, quin ſinum A-
brahae eodem traherent & collocarent.
TERTVLLIANI ſententia (n) eſt admo-
dum

(i) Jo. XIII, 23.

(k) Matth. VIII, 11.

(l) Kidduschin fol. 72, 2.

(m) Diff. mea ad Canonem XXXIV. Concilii Eliber-
tani §. 7. in Historia Gandersheimensi p. 553, ſqq.

(n) L. IV. contra Marcionem c. 34

dum clara. En illam: *Sinus Abrabæ est certus locus sub terra corpore in parte ignota.* Eadem repetuit GERVASIVS Tilberiensis (o). Omitto alios sciens & lubens. Imposuit viris ceteroquin probis opinio, a gentibus ad Judæos traducta, nec non vox *ādōs* per *infernum* reddita, & pronuntiatum de anima Jesu defuncti *ēt rō ādōn*, *in inferis*, commorata. At cur angeli deducerent animas piorum, si ipsæ in corpore remanerent eidemque sepulcro inferrentur? *Ādōs* denotat conditionem hominis post mortem, præterea nihil. Christi verba, non derelinques animum meam in Scheol, in Hade, designant nihil aliud ac id ipsum, quod ipse in conditione separatarum animarum haud esset mansurus, quod ipse in lucem & conspectum hominum, esset redditurus (*).

§. VI.

Parabolica oratione nunc delineatur status viri diuitis, qui in hac fragili vita delicias suas fuerat sectatus. En delineationem (v. 23): *Tum vero, quum in statu post mortem adlevaret oculos suos, positus in tormentis, videt Abramum e longinquo Lat-*

z. 20

(o) In *Otiis imperialibus Decis.* I. p. 897. To. I. Leibn.

(*) Eam *ādōs* seu *ādō* notionem adhibuit Hippocrates de *Diata* L. I. c. 4. 5. Vide Cel. Jo. Matthiae Gesneri *Ψυχᾶς Ἐπιπομπᾶς* p. 12. 38. 14.

zarumque in sinu eius. Verisimilitudinem
 adhuc seruat parabola. Judæi enim ea
 ætate, qua Jesus hæc pronuntiavit, cum
 Platonicis in ea erant opinione, vt, ani-
 mas defunctorum subter terra in commu-
 ni propemodum receptaculo morari, cor-
 poribusque & organis corporeis subtili-
 bus inuolutas esse, sibi persuaderent.
 Pharisei ea propter, nisi cum ratione in-
 sanire malent, excandescere haud pote-
 rant ad hanc parabolæ representationem,
 quippe qui ipsi docebant, animas 1) mer-
 cedis esse capaces nec interire, licet a
 corpore crassiore essent dissolutæ, 2) nec
 in altera vita continuari statum & con-
 ditionem huius vitæ, 3) nec animas
 prorsus fore nudas omnique velami-
 ne destitutas, 4) illas animas potius,
 maculis peccatorum infectas, expurgatio-
 nem per promerita sanctorum apud inferos
 expetere: 5) ac animas, virtutibus
 inanes, cruciari apud inferos: 6) pu-
 ras vero mentes in paradiso ac in sinu
 Abrahami tranquillas versari. Tribuun-
 tur vero κόλποι, sinus, Abrahamo haud
 uni, eo quod multis apud eum versari ac
 delicias cœlestes (*) percipere licet. Ad-
 dimus, Abrahamo, si hic in limbo quo-
 dam & ergastulo hæsisset, Jesum haud
 adscripturum fuisse gaudia & consolatio-
 nis oblectamenta.

J. VII.

(*) Suetonius in Vita Octavii Augusti c. 34.

§. VII.

Crediderunt Platonici, animas separatas subter terra versari ultra biuum, ex via communi ortum. PLATO ipse (p) Δικάστοις ἐν τῷ λειμῶνι, ἐν τῇ τριόδῳ, ἐξ ἣς Φέρετον τῷ ὁδῷ, ἡ μὲν εἰς Μακάρων Νήσους, ἡ δὲ εἰς Τάχταρον. Judicatunt in prato, in triuio, ex quo duæ procedunt viæ, alteræ ad Beatorum Insulas, altera ad tartarum. Insulas beatorum HOMERVS (q) ac VIRGILIVS (r) vocarunt *Elysium campum*, & nude *Elysium*. Virgilii locus a Platone non abhorret. Poëta enim sic cecinit;

Hic locus est, partes ubi se via findit in
ambas,

Dextera, quæ Ditis Magni sub mænia
tendit;

Hac iter Elysium nobis. at lœua malorum
Exercet pœnas & ad impia Tartara mittit.

Pharisæi æque opinati fuerunt, animas, a corpore exsolutas, sub terra seu naſt' adas, apud inferos, esse, ibique recipere vel præmia vel pœnas pro meritis cuiusque atque pro ratione in hac vita peractorum (s). Necdum illa de domiciliis mentium fe-

(p) In *Gorgia* p. 313.

(q) In *Odiſſ. IV*, v. 563, sqq.

(r) *Aenid. VI*, v. 540, l.

(s) Josephus Ant. iud. L. XVIII, c. 2. de B. Jud. II, 12. Origines L. V. contra Celsum p. 26. edit. Cantabrig. 1677, 4.

separatarum subterraneis sententia a Judæis dimissa fuit.

§. VIII.

PLATO docuit (t), animas, seuntas a corpore easque puras & pias, per angelum beneficium deduci & ad inferos & ad locum ibi conuenientem. Judæi & que Michaëli angelo hoc muneris deputarunt (u). Vtrique autem mentibus prauis adiungunt dederctorem malignum, dæmona impium, angelum miserias spirantem (x), quem Judæi vocant *Sammætem* & principem omnium *cacodæmonum*. PLATONIS hæc sunt verba: τελευτήσαντα ἑναρου ὁ ἑκάτης δαίμων, ὅσπερ ζῶνται εἰλίχαι, ὃτον ἀγειν ἐπιχειρεῖ, εἰς δὲ τινα τόπου, οἱ δὲ τὰς ξυλλεγέντας διαδικασταίνεις εἰς ἄλλα πορεύεσθαι μετὰ πυρόν ἐκείνη, ὡς δὲ προστέταλαι τὰς ἐνθεῦδε ἐκεῖστις πορφται. Quemlibet morientem cuiusque demon, qui viuentem sortitus fuerat, ad locum quemdam ducere aggreditur, ubi omnes iudicari oportet una collectos, ac deinde ad inferos proficiisci eo duce, cui mandatum est, ut hinc decedentes ad illa loca traducat. Mercurio alios id deditse negotii, vt pias animas sedibus latè reponeret, testis est Horatius L. I. Carm. Od. 10.

§. IX.

(t) In *Phædone* p. 398.(u) R. Elias de Vidas in *Reschith Chochmah*, c. 3.

(x) Plato l. c. p. 386, 398. Targum in Gen. III. 6.

§. IX.

Corpusculo tenuissimo animam perdere vestitam, Plato (**) ac Platonici docuerunt, eamdemque suam fecerunt sententiam Pharisæi & eorum successores. Nihil itaque Pharisæi in ea notare poterant parabola, in qua mens diuitis dicitur adleuasse oculos, Lazarum vidisse, implorasse Abrahamum, lingua ardorem sensisse ex tormentis, immo locuta esse ac pro fratribus viuis deprecata. PLATO negauit dilucide (y), animam omni corpusculo aliquando liberatum iri. Ex eo factum est, ut PROCLVS (z) mentibus, a corpore hoc, quod cerni potest, abstractis, tribuat organa, in quibus ipsa interventu contactus physici a dæmonibus punitibus possint cruciari. Censensit TERTVLLIANVS (a). PLATO existimauit, spectra, quæ sepulcris videantur oberrare, esse umbrosa animarum improbarum corpuscula (b). Subdit idem: Taliæ phantasmata seu simulacra præferunt animæ tales, quæ videlicet non puræ deceperunt a corpore, sed conspicui quid trahentes. Ad-

dit,

(**) De Republica L. X., p. 516.

(y) In Phædone p. 28. Ed. Henricpetrin.

(z) L. I. Timæum p. 35.

(a) De Anima p. 644.

(b) In Phædone p. 386, C. edit. 1590, fol. Lugdun.

dit, mentes improborum indui corpusculo, moribus olim demonstratis adfini & consentaneo. Si itaque mentibus improbis, a corpore segregatis hoc crassiori, adesse tenuius simulacrum, quod membra & organa corporis refert, existimare licuerit, proclue iudicatu est, parabolam verosimillime instructam esse, quandoquidem Judæorum opinio, quantum ad animarum corpuscula adtinet, non abhorret ab ea, quam Plato & eius grex professus fuit. Ipsi enim mentibus, in Paradisum per angelum mortis deportatis, tribuunt vestem optimam, in qua ipsorum queant sapientiam Dei contemplari (c). R. Iizchak Loriensis de natura & indole huius vestis seu corpusculi ita sensit (d): *Animabus ipsis hæ vestes semper relinquuntur nec unquam ab ipsis separantur, ne quidem post resurrectionem.* Plato vestes has adpellauit *φαντασμata* & *ειδωλα*, *species*, *simulacula*. Recor-dor inter hæc opinionis Phariseorum, qui sibi persuaserant, animos pios μεταβάνειν eis ἐπερον τῶν, *transire in alterum aliudque corpus* (e). Referunt præterea Judæi bene multa de adparitionibus animarum separatarum

(c) *Lumen Legis* Tit. XVI. p. 137. Kabbala denudatæ To. II.

(d) *De Revolutionibus animarum* p. 392. To. II. Kabbala denudatæ P. III.

(e) *Josephus de bello iudaico* II, 12

Cap. XVI. Lucæ, Sect. III, &c. 695

tarum : easque exciri posse , corpusculis
indutas, iam Siracides existimauit. Ad-
do, Chaldaeos etiam mentibus humanis
tribuisse corpusculum tenue, quod ani-
mis post obitum corporis adspectabilis ad-
haret, testibus oraculis ZOROASTRIS
v. 260, f.

§. X.

Restat , vt ostendamus , Judæos ex
philosophia Platonica eam quoque opini-
onem hausisse , vt animas , hac vita per-
functas , vel in Paradisum & vireta iucun-
dissima , vel in tartara , deduci existimare-
rent , & nonnullas ex orco , expurgatione
peracta , in Paradisum euehi , sibi persuade-
rent. Mentes , in tartarum subter terram
præcipitatæ , iudice Platone & suffragatori-
bus Judæis , suntvel insanabiles vel sanabi-
les. Illæ apud inferos in tartaro rema-
nent ; hæ determinato temporis spatio ,
datis male actorum pœnis , purgantur &
paradiso seu beatorum insulis immittun-
tur (f). Sic Plato. VIRGILIUS eodem
fere canit more (g) :

*Quisque suos patimur manes , exinde per
amplum*

*Mittimur Elysium , & pauci lata arua
tenemus ,*

T. III. P. IV.

Yy

Donec

(f) Plato in *Phædone* p. 400. E. de *Republīca* dial. X.
p. 519, D.

(g) *Aeneid.* L. VI. v. 743; sqq.

*Donec longa dies, perfectio temporis orbe,
Concretam exemit labem purumque re-
linquit
Æthereum sensum atque aurai simplicis
igneum.*

Eamdem opinionem Judæi dudum adop-
tarunt: R. MENASSE BEN ISRAEL (h)
R. ELIAS de VIDAS (i), *Glossa En Israël
ad Codicem Rosh haſſchanah c. 1*, R. LVRIA
(k) aliique, quorum loca laudatus Witte-
rus produxit, heic sunt instar omnium.
Deprecationes iustorum eorumque meri-
ta, viuentium eleemosynas, sepulcri visi-
tationem, animæ sanabili, ad tartara de-
turbata, multum opis ac adleuamenti ad-
ferre, decernant eidem Judæi. Nec nu-
dius tertius hæc sententia apud Judæos fuit
enata. Judas Maccabæus iam pro defun-
ctorum salute deprecatus fuit Deum eique
obtulit holocausta (l). R. SAMVEL (m)
ita docuit: *Justo, quem ob aliquod delictum
in locum iustorum nondum admittunt, pro-
funt orationes & eleemosynæ, quas pro eo ero-
gant.* Omittimus complura. Obiter ad-
dimus, origines purgatorii Pontificii hinc
satis pellucere satisque luculente illud a
Christo

(h) *De Immortalitate animæ rationalis I, 4.*(i) *In Reschith chochmah c. 3.*(k) *In Sepher haſſgilbulim fol. 44. col. 3.*(l) *2 Macc. XII, 43, s.*(m) *In Libro Chasidim n. 170.*

Christo destui, negantis, reditionem
villam ex domicilio pœnarum, quas ani-
mæ defunctorum luunt, in cœlum patere.

§. XI.

Nunc autem redeundum est ad parabolam ipsam, in qua sequuntur (v. 24.) hæc: Porro ipse, quondam diues, clamans & voce elata vsus dixit: Pater Abraham miserere mei, & mitte Lazarum, ut tingat extremam dğitū sui partem in aquam ac refrigeret lim- guam meam, quoniam in hac flamma cruciati- bus oneror. Vnicum hoc est exemplum codicis sacri, quod indicat, cœlitum quemdam eumque creatum ab hominē ita imploratum fuisse, ut auxilium inde & præsidium fuerit exspectatum. At exem- plum hoc est & parabolicum & a mente, ad pœnas sempiternas damnata eisque cruciata, profectum. Frustra vir parabo- licus hasce preces tentauit. Abrahamus ei designat confirmationem pœnæ diuinæ, diuinitus constitutæ. Nullam ipse de libe- ratione & salute speranda iniicit mentio- nem. Adiicitur memoriæ huius exempli nec præceptum de imitando illo ore in- colâ, nec promissum, factō copulatum, nec facti vlla adprobatio. Quis vero in- sistet vestigiis eorum, qui in tartaro, quor- sum fese vertant, nesciunt, inibique, or- dine dimisso, quem Deus prædefiniuit, a-

Yy 2 gunt

698 Jo. Christ. Harenbergii Exposit.

gunt pro more illo, quem, hanc vitam degentes, fuerunt secuti. Miranda sane est JOANNIS HARDVINI argumentatio, qui, (n) ad verba *Mitte Lazarum ita commentatus fuit: Possunt sancti, in cœlo positi, precibus suis adiuuare eos, qui sunt in purgatorio.* Existimabat stulte diues, posse similem ab his ad se beneficentiam redundare. Cuius erroris ab Abrahamo deinde arguitur. Hæc ille. De purgatorio, quod ab orco diuersum sit, nec Plato nec Pharisei ea atate quicquam nouerant. Purgandis utriusque orcum eumdem adsignabant. Deinceps hæc duæ sententiæ admodum inter se disident, quarum hæc est una: *Sancti, in cœlo positi, precibus suis iuuare possunt homines, salutis capaces, per suam apud Deum gratiam.* Altera autem hæc est: *Hominum est, sanctos opem & in aduersis auxilium orare.* Anne autem diues ille parabolicus fuit in purgatorio situs? Ignorat facer codex, semper canonicus, illud purgatorium; terminumque salutis, quæ hominibus obtinere potest, articulum mortis esse, dictat. Numquid vero ex clamore & imploratione hominis, cruciatibus sempiternis subiecti, exsculpi potest hæc ratiocinatio: *Possunt sancti, in cœlo positi, precibus suis adiuuare eos, qui sunt in purgatorio, facta ani-*

(n) *Commentar. in Non. Test. p. 213.*

marum receptaculo, quod superstitione & lucri cupiditas stabiliiuit. Id vero consequitur ex actionibus viri parabolici eiusque diuitis, 1) mentes hominum cum corpore extincto haud interire, sed corporibus superstites manere: 2) mentes hominum separatas haud depositisse sensum & conscientiam, nec dormire: 3) dari supplicia infernalia eaque sempiterna: 4) puniri improbos congruenter vitiis illis, quibus maxime fuerunt addicti, ut, curita puniantur, rationes intelligent evidenter. Gustu & linguae illecebris perhibetur peccasse diues. Quid igitur mirum, si poenas posthæc sustinuit, delicto congruentes? Parabola abit in colloquium & redditur apodus. Apologum confimilem exhibuit PLATO (o). Nec eum esse infrequentem, norunt vniuersi. Tandem obiter adnotandum est, formulam loquendi βάπτισμας ιδατος positam esse per ellipsem pro βάπτισμας εψ' ιδατος (p).

§. XII.

Cruciatus epulonis denotatur per vocem ἀδυνάτων, quæ angorem & excarnificationem, nec non grauisimos dolores, complectitur. Rom. IX, 2. Act. XX, 38.

Yy 3

Luc.

(o) Spencerus ad Origenem contra Celsum p. 36, l.

(p) Lambertus Bos de Ellipse græca p. 329. (p)

700 Jo. Christ. Harenbergii Exposit.

Luc. II, 48. Flamma dicitur cruciatibus
fuisse secunda, ne dubitemus, pœnas in-
fernales esse continuas, perpetuisque quasi
incrementis & alimentis perdurare. Per-
suasit tibi SWINDENIVS Anglus, infer-
num cruciatuumque sedem exsistere in so-
le q), quoniam Astronomorum obserua-
tiones docent, superficiem solis igne per-
petuo, ex flammis non intermittentibus,
ardere. Quam infirmo stet talo hæc sen-
tentia, non solum HAFFERVNGIVS Vi-
tebergæ, sed alii etiam alibi, examine
instituto, demonstrarunt. Quanta autem
vicisitudo obruit defuncti epulonis ani-
mam! Abrahamum ipse adiit precibus,
cuius fidem antea nec nouerat ipse nec
imitatus erat. Lazari consortium & ab eo
recreationem orat, quem olim domum
suam negauerat intromittendum. Linguz
dolores conqueritur, cuius quondam de-
licias pro Deo reputauerat. Sedet inter
flamas, qui olim tenerrime focillaue-
rat artus, lectisque splendidis iuxta ac
mollissimis incubuisse consueuerat. In
Abrahamo nil opis inuenit: nil refectionis
ex Lazaro in ipsum redundant. Utinam
ei, qui cuticulam heic curant corporique
saginando indulgent, &, viribus animæ a
Deo inter hæc aueris, voluptatibus suis
litant

(q) *Acta eruditorum latina Lips. a. 1715. p. 102.*

litant & operantur, hoc ipsum debite penitarent & ad sublimiora animum in tempore adipicarent!

§. XIII.

Quid vero Abrahamus ad gemitus ditius, oblectationibus exuti, respondisse fertur? *Dixit ipse (v. 25): Fili, recordare, te percepisse bona tua in vita (priori), Lazarumque peræque mala. nunc vero hic solatio resuscillatur; tu vero cruciaribus oneraris!* Anima humana retinet, corpore deposito, præteritarum actionum conscientiam, ut ipsa retributionis sentienda sit capax. Remanet enim vis actuosa, mentibus insita per naturam, post corporis mortem. Itane malum est, opibus excelluisse in hac vita? non per se se quidem, sed ob additamenta mala. Homo, qui illecebris sensuum in hac vita facit satis, est species quædam & imago Phœnicis. Gratissima congerit ipse & exstruit nidum, vt fuis conflagret bonis. Falsis persuasionibus ipse se pascit & occaecat. Pretia & momenta rerum vera haud attendit. Ni alteri nocuerit, nocuit ipse profecto sibi quamplurimum. Ordo enim animæ seu perfectio moralis exigit, vt facultates conspirent cum destinatione sui genuina & vera. Sensiones animæ, ab hoc scopo dissi-

disidentes, obtundunt conatum, mentibus inditum & sublimiora anhelantem. Sensiones illecebrarum peccati subigunt hunc conatum, & veluti fortiores radii obscurant eos, qui adparent obscurores. Quanta vicisitudo instat diuitibus, qui in eis sibi videntur beati eisque confidunt! Ea, quæ sensibus sunt grata, post hanc vitam absunt oblectamenta. Nihil delestat amplius carnem. Mentes vero improborum carent veris ornamentis. Curæ, diuitiis & splendori intentæ, perire nullumque spondent usum amplius. Opulentorum vim, dominatum, tyrannidem, magnitudinem adfectatam, nemo amplius metuit, nullus est, qui colat. Absunt opes! adminicula titillationum, & illecebrarum adiumenta, euanderunt. Anima nihilo segnitus recognoscit præterita, & cum eis in comparationem adducit præterita & futura. Pauper contra, per mortem corpore solutus, posuit paupertatem & dolorem velut onus, ac respirat a voulis improborum, virtutem indotatam cauillantium. Respexit ipse ad meliora, & bona, quæ ipsi in hac vita fuerunt degnata, sitim ei iniicerunt adspirandi ad summa, in quæ nec tyranno, nec auctoritati humanae est facultas & licentia. Impertinuit Deus id verique, quod hic desiderio præcipuo adpetiuit & complexus fuit;

fuit; nec tamen felicitatis solidæ viam vili mortalium præclusit (r). Adtendite idcirco ad vos statumque vestrum, qui fortuna secunda & opibus, ad vota & ultra votum adfluentibus, splendetis, ne diutias veras perpetuoque duraturas amittatis. Non, si nunc vobis semper est bene, & olim sic erit. Vtrum præstat? an in hac, an in altera, vita mercedem & iucunda quævis recipere? Judæi hanc collationem statutus vtriusque quondam peruerterunt, licet viam, per quam ad præmia æterna itur, reddiderint implicatam & impeditam. RASCHE sic iudicauit (s): *Mundus hic est pro impiis, perfecte talibus, qui nullam partem in seculo habent futuro, & mercedem suam in hac vita præsentí auferre coguntur.* In synopsi Sohar (t) hæc leguntur: *Iustorum initia ærumposa sunt, & finis est tranquillus; impiis autem secus euenit.* Pios in vita altera per Mæsiam recipere consolationem ac refici, Judæi & ipsi (u) fatentur aperte. Jesus fuis adsociat Spiritum, consolatorem alterum, qui cum eis persistat perpetuo. Jo. XIV, 16. Huc adrigite aures

Yy 5 ani-

(r) *Seventeen Sermons on the following subjects by Nicholas Carter. Lond. 1738. 8° serm. 5.*

(s) *Ad Brachoth fol. 61, 2. Conf. Cl. Christiani Schœtergenii Horas Hebraicas p. 301, l.*

(t) *Pag. 8, n. 3.*

(u) *Sohar Genes. fol. 29, col. 113.*

animosque, obsecro, quotquot illecebras vita huius oditis mundoque ad scopum salutis veræ retinendum utimini! Leuisimi momenti sunt ea, quibus heic haud ægre caretis. Obfirmate vos & obdurare ad consolationem, quam Jesus vobis promittit & offert, sempiternam! Instat & adpetit tempus refocillationis (x), æruminarum finis.

§. XIV.

Pergit Abrahamus in apolo (v. 26):
Et præter hæc omnia inter nos, beatos cœlites, & vos, tartari hospites, hiatus magnus firmatus fuit, vt, si qui vellent transire illinc ad vos, transire ne possint, neque illi, qui inde transire vellent, ad vos trahiunt. Sensus hæc est summa. Cœlites beati non possunt mitti ad eos, qui in tartaro supplicia sustinent, nec superest ex tartaro redditus damnatis in paradisum seu in gaudii sempiterni sedem. Fefellit ORIGENES, qui opinatus fuit, cœlites beatos in conditionem miseriarum relabi posse. Falluntur illi, qui, ex tartaro mentes ad regnum

(x) Act. III, 20. Locum felicitatis sempiternæ vocari in Oraculis Zoroastris v. 248, s, paradisum, docuit Cl. Joannes Ernestus Scaubertus *Historiae phis. P. I. Seet, I. c. 2. § 21. p. 33. Conf. Gorionides VI, 57, p. 381.*

gnum gloriæ euchi posse, sibi (y) persuadent, ac olim (z) persuaserunt. Ratio distinctionis non abhorret a veterum opinione. Nam & Græci (a) & Latini (b) & MOHAMMED ipse (c) *chaos ingens*, μέγα οὐσία, apud inferos dari crediderunt. *Hiatus* hic instar *voragini* ac faucium inanum fuit representatus, quæ hospites nouos ceu prædam adpetere videantur. Quum symbola hieroglyphica ante litteras inuentas fuerunt in vsu, videntur mortales, vsi hac imagine, quam Hebræi נֹשֶׁה adpellarunt, *Scheol*, ex Schual adpetendo, concupiscendo. Imaginis antiquitas, symbolique vsus admodum peruagatus, coniecturam meam, nisi stabiliunt, certe ad magnum versimilitudinis gradum prouehunt. Antiquissimi enim telluris incolæ res, a sensibus abductas, signis sub sensum cadentibus & cogitatione & scribendo expresterunt.

§. XV.

(y) D. Thomas Ittig. de *Nouis Fanaticorum purgatoriis*.

(z) Albericus Monachus in *Chronico* ad a. 997 & ad a. 1023. Sigebertus Gemblacensis ad a. 998. Zoroastris *Oraculav.* 241, sqq.

(a) Hesiodus in *Theogonia* v. 740. Zoroastris *Oracula* v. 240, 241, sqq.

(b) Jacobus Elsnerus *Obseruat. sacrar. in libros historicos N. T.* To. I. p. 256.

(c) Alcoran. Sur. VII, v. 46. Maracci *Prodromus III. ad refutationem Alcorani* p. 91.

§. XV.

Prouehitur Apologus, ac diues, qui repulsam tulerat, perhibetur nouum quidam expetiuisse. Dicitur enim ipse in oratione, haec ad Abrahamum per hiatum illum exclamando, sic dixisse (v. 27, 28): *Oro igitur te, Pater, quum precibus meis adlatis locus non est, ut mittas Lazarum in domum patris mei. Habeo enim quinque fratres, ut luculente testificetur ipsis veritatem de statu post mortem ingruente, ne illi veniant in hunc excruciationis (*) locum.* In Apologis repræsentari solent nuntiū ac beati cœlites, qui in hanc vitam missi feruntur (d) ad Dei mandata huic perferenda. Mirum vero videri possit, dari hospites sedium miserrimarum, qui misericordia in eos, quos reliquerunt vitam hanc agentes viuosque, ferantur. Quis enim ignorat illud tritisimum, quod sermonē omnium frequentatur? *Solamen miseris socios habuisse malorum.* At opera et premium fuerit animaduertisse, de hac misericordia

(d) Plato L. X. de Republica p. 518.

(*) Τέπον τῆς βασάνως. Sic vocant locum, in quo carnifices instrumenta cruciatuum exponunt, quibus homines adfligant. Dolor exquisitus grauiissimusque dicitur a Græcis βασάνως. Alcimus obiit, apoplexia tentatus, μετὰ βασάνως μεγάλης, cum cruciatu magno. I Macc. IX, 56.

ricordia nullam heic fieri mentionem. Re-
spiciendum est interpreti litterarum sacra-
rum ad affectum & scopum loquentis.
Scopus vero epulonis, ad orcum damnati,
in eo versatur per apologi nexum, ut dam-
natus oblique ostendat, subministrandas
esse hominibus in hac vita luculentiores
de statu mentium, morti corporis super-
fluum, demonstrationes. Eo ipso repre-
henditur ordo salutis, a Deo constitutus.
Hoc ipso damnatus se se putat pati indigna-
ac immerita. Eo ipso sapientia Dei in-
tentatur dica. Sapientissimus enim De-
us, iudice epulone per apogum repræ-
sentato, posset, immo deberet, sapientes
mentes, ad orcum deturbatas, in hanç
vitam reuocare, ut hæ viuis exponerent
cruciatum magnitudinem & viui homi-
nes ea percillerentur atque ad frugem re-
diren. Putat itaque epulo, vim in ver-
bis mentium, ita reuocatarum, fore ma-
iorem, quam in ipso Dei verbo, quod
lectioni Judæorum singulorum patebat.
Ex responsione Abrahami satis superque
intelligitur, inesse orationi epulonis sco-
pum, haud alium, nec in ea locum esse
vlli misericordia, licet, huic in damnata-
rum mentibus locum esse, ex hoc loco
exsculpere & per coniecturam compre-
bare studuerit olim magnus ille GO-

DE-

DEFREDVS GVILIELMVS LEIBNITI-
VS (e). Adfluit orbis terrarum epuloni-
bus consimilibusque scurris , qui nolunt
credere , dari statum animz , post hoc æ-
uum perdurantis , caussari æque , nondum
rediisse quemquam ex illa animarum post
hanc vitam sede , ideoque rationem illi-
us status haud magnopere esse habendam.
Quid vero ipsi dicturi essent , mente vni-
ca ab inferorum tormentis ad ipsos re-
uersa? Nonne tum ludibria oculorum ac-
cusarent? nonne mentibus illis fidem de-
negaturi essent? nonne miracula denuo ab
eis , ad fidem dictis faciendam , essent effla-
gitaturi? nonne miraculis eiusmodi oppo-
nere possent obiectiones & nugas per quam
friuolas , quas nunquam non miraculis ge-
nuinis stulti opposuerunt? Et quid tan-
dem de hoc mundo eiusque ordine sa-
cientissime instituto fieret , si Deus in gra-
tiam epulonis vel fatui cuiusque , ad tar-
tara descendantis , effecturus esset mira-
cula? Delineauit Jesus egregie animum ,
quo empæctz sunt imbuti , & quem eidem
in altera vita nolunt dimittere. Habent
improbi semper , quod in œconomia sa-
lutis , diuinitus exhibita , fastidiunt & re-
prehendunt. Existimat epulo , oblique
dicax , se in gehennam haud descensurum
fu-

(e) Tdeodicée P. III. §. 272.

fuisse, si argumentis & documentis, convictionem plenam conciliantibus, in tempore suis et illustratus & edoctus. Quid vero per quinque fratres designatum est? Homiletæ solent eos in aleatorem, potatorem, scortatorem, auarum, & adrogantem seu superbum, vel similia monstra, conuertere. Laudamus cogitata pia, ad mortales a vitiis absterrendos inuenta. Requirimus soliditatem. JOANNES HARDVINVS (f) probabilem hanc adfert conjecturam: *Quinque hi fratres, Pharisei illi auari sunt, qui audiebant haec, ut dicitur verbu 14. Nam propter hos dicta haec a Domino parabola est. Pharisei, inquam, fratres quinque diuitis istius sunt, tum quia diuites ipsi & auari, tum quia Iudei, ut ipse, quinque libros Mosis pro regula vita perinde habentes. Eam ob rem quinque ponuntur a Christo.* An rem acutetigerit Jesuita, aliis relinquimus arbitrandum. Solebant, nisi fallor, Pharisei in species quinque diuidi diversisque dignosci cognomentis, ab Hottingero enumeratis (g). Huc respexisse Seruatorem potius, crediderim.

§. XVI.

Festinamus tandem ad apologi finem. Restant enim non admodum multa. *Di-*
cit

(f) Adh. I. p. 213.

(g) In *Thesauro philologico*, I. Sect. 5.

cit ipsi (epuloni) Abrahamus : Habent (fratres illi) Mosen & prophetas. audiant illos (v. 29). In se vero (epulo) dixit: Non, pater Abram, sed, si quis a mortuis (ex cœtu mentium separatarum) profectus fuerit ad ipsos, (ipsi) resipiscerit (v. 30). Dixit autem illi: Si Mosen & Prophetas non audiunt, nec, si quis e mortuis resurrexerit (& ad ipsos venerit cum documentis & argumentis), persuasionibus locum relinquent (v. 31). Sic ea, quæ epulo in economia salutis modo & demonstratione desiderasse videbatur, solide sunt elisa & prostrata. Qui enim adminicula gratiæ ordinariæ vilipendunt, ei extraordinariis argumentis haud commouentur. Si epuloni Abrahamus gratificatus esset, apologi sic natura tulisset, ut respondisset epulo, cur mihi similis gratia haud contigit? Improbi & versipelles empæcta per cuniculos & obliquos Mæandros solent technas & disputationes instruere, ut illaqueant ac sannis deinde excipient collocutores. Horum indolem Magister summus graphicæ & luculentissime expressit. Confuetudines cogitandi prauas prauæ mentes ne quidem exuunt, in conditionem, morte posteriorem, translati. Solent Moses & prophete designari, quum totus V. T. codex denotatur. Singulis vero sabbatis ex Mose aliquot partes (Parascha dictæ) & ex Pro-

phetis lectiones (Haphtharæ adpellatae) publice prælegebantur apud Judæos. Act. XIII, 15. XV, 21. (h) Sæpius per prophetas intelligendi sunt omnes V. T. scriptores. Act. III, 21. X, 43. Alibi memorantur Moses, prophetae, & psalmi seu hagiographa. Luc. XXIV, 44. Alibi Moses & prophetæ duntaxat laudantur. Act. XXIV, 23, & eo ipso hagiographa per prophetas simul existimantur designata. Alibi lex sola in censu venit Rom. IX, 4. Alibi litteræ sacræ & scriptura laudantur, quum codex V. T. vniuersus est intelligendus. Rom. X, 11. I, 2. IV, 3. XI, 8. 1 Cor. XV, 3. 4. Gal. IV, 30. 1 Tim. V, 18. 2 Tim. III, 15. Ad litterarum sacrarum testimonia prouocat Abrahamus, ad ea prouocauit Jesus, ad ea prouocarunt Apostoli. Nihil cum doctrinis, per manus traditis, Abrahamo est commercii. Paulus horret vnicum παρόδοι, vnicam sententiam, euangelio adsutam. Gal. I, 8. 9. Non solitus est Abrahamus de eo, an quinque illi fratres fuerint Clerici, an Laici? Remittit ipsos Abrahamus simpliciter ad studium, sacris litteris adpellendum. Eamdem viam institerunt Apostoli. 1 Thess. V, 27. 1 Cor. X, 15. Act. VII, 11. Pontificius si fuisset epulo, T. III. P. IV. Zz addi-

(h) J. G. Pritii *Introductio in Lectionem N. T.* c. 46.
§. II.

712 Jo. Christ. Harenbergii Exposit.

addidisset ipse fortassis obiectionem, dictans, fratres illos quinque esse Laicos, quibus lectio sacri codicis haud congruat: traditiones esse adiungendas &c. Perspicimus itaque ex apolo^go, 1) economiam salutis diuinitus reuelatae e sacris litteris esse hauriendam, 2) neque extraordinarias reuelationes esse circumspiciendas, 3) doctrinas, per manus traditae solitas, in negotio salutis sempiternæ incensum haud venire, 4) mentes hominum morti esse superstites (i) ac immortales, 5) animas piorum post mortem statim in locum consolationis peruenire & ipsas posthac a Deo haud desciscere, 6) animas impiorum non redigi in nihilum; sed penas sempiternas luere, e quibus haud possint eluctari in consolationis fedem, 7) ipsas morem ratiocinandi sinistrum secum ad gehennam deportare, 8) existere duas animarum sedes, cœlum & gehennam, 9) conscientiam in mentibus separatis perdurare incolunem nec in somnum conuerti. Faxit modo summus ille animarum humanarum conditor & arbiter, ut hanc vitam congruenter ordini salutis, diuinitus detecto, ita transfigamus, ne cui
cau-

(i) Cicero Quæst. Tusc. L. I. p. 1109. Permanere animos, arbitramur consensu nationum: qua in se manescant, qualesque sint, ratione discendum est.

causa suboriantur de perpetuo atque sempiterno cruciatu conquerendi. Momento pereunt, quæ delectant; sempiterna sunt, quæ torquent & excruciant. Ad sis, obsecro, nobis, propitie Deus! Amen.

IV.

JOHANNIS RODOLPHI
GRVNERI
DISQVISITIO
DE

CORNVBVS ARÆ, IN
TABERNACVLO AC
TEMPLO DEO O.
M. SACRÆ,
EORVMQVE RATIONE AC
MYSTERIO.

Argumentum.

§. I. *Quid Cornu in S. Literis denotet primò.*
§. II. *Quid Profane Antiquitatis
Scriptoribus.* §. III. *Cornua præsertim Flu-
minibus tribuuntur & quare?* §. IV. *Quid
Cornu secundo loco in S. Scriptura significet,*
Z 2 scil.

scil. extremitatem. §. V. Eodem sensu etiam apud Profanos Scriptores occurrit. §. VI. Quænam fuerit Cornuum in Ara Mosaica vera figura. §. VII. Eadem tractatur. §. VIII. In Religione Gentilium etiam inveniuntur Aræ Cornibus instructæ. §. IX. Num omnes Aræ ad Veri Numinis Culum erectæ Cornibus fuerint conspicuæ. §. X. Quænam ratio fuerit Cornuum in Ara, ubi refellitur Villalpandus. §. XI. Aliæ quædam sententie examinantur. §. XII. §. XIII. Notatur sententia Spenceri. §. XIV. Verus usus Aræ Cornuum indagatur, isque triplex statuitur, primò ad Ornamentum. §. XV. Ad Expiationem. §. XVI. Ad Asylum inserviisse observatur. §. XVII. Idque non solum ad integrum Aram sed præcipue ad ejus Cornua esse referendum demonstratur. §. XVIII. Gentilium Aras Refugium præbuisse differitur. §. XIX. Non raro tamen ejusmodi Asyla fuisse violata ob supplicum scelera nefanda. §. XX. Quænam fuerit Cornuum Aræ Mosaicæ Mysticæ significatio. §. XXI. Adumbrarunt f. Christum ratione excellentie. §. XXII. Ratione expiationis. §. XXIII. Præsertim repræsentavere Divinam Messiacæ Naturam. §. XXIV. Quod evincitur, ex aulisperfusione sanguinis piacularis in Cornibus peracta. §. XXV. En Refugio quod ritè Supplicantibus præbuere.

§. I.

§. I.

Quum Celeberrimi Auctores Actorum Erud. Lips. Mense Mayo A. 1741. p. 278. seq. Diatriben meam de PRIMITIS, ante aliquot annos Lugd. Batavorum editam, recensentes, publico me rogant nomine, ne in semel incepto stadio subsistam, non potui tam blandæ rogationi à tantis Viris, mihi citra ullum meritum, quod gratus agnosco, factæ, repulsam dare; ideo, licet otio non valde abundans, paucis exponam, quæ mihi observata de Figura, Ratione ac Mysterio CORNVVM, quæ olim in utriusque Aræ à Mose iusfu Divino fabricaræ extremis oris extitère. Nuper quidem audivi, Virum Celeb. Dav. Millium* de hac materia Dissertationem cum orbe literato communicasse; sed iste Viri Cel. labor sine dubio doctissimus, uti omnia ejus, in oras nostras nondum pervolavit, frustra saltem à me fuit quæsitus; Quare B. Lectorem cui ad manus est, rogatum vellem, si tor san hinc vel inde easdem observationes in labore Milliano, quas in meo dedi, deprehendet, me non plagiarioruni indici ascribat, sed inde diseat, quam facile duobus in eodem decurrentibus stadio, unæ eademque nasci possint rerum quas tra-

Zz 3 ciant

* Recudi illam curavimus in Thes. Nov. T.I. p. 309. C.I.

stant idea. Indaganda breviter erit vocis Originalis ῥρ̄qua vulgariter per *Cornu* reditum, genuina significatio. Præter illam propriam proximamque, illa capitum membra ornamentaque designantem, quibus plurimæ ac pulcherrimæ è quadrupedibus sunt instructæ, adhuc duplicem invenio.

PRIMA est qua denotat *Robur*, *Potentiam*, *Celsitudinem* atque *Excellentiam*, ceu quibus ferè cuncta præpollent, inter cætera, animalia cornubus instructa, uti harum qualitatum documentis. Exempla hujus significationis in S. Literis sunt admodum frequentia; Moses Tribus Josephi decantans Potentiam virtutesque bellicas Deut. XXXIII. 17. ita, *Bovis primogeniti* posidet decorum, *Cornua Monocerotis* *Cornua ejus*. Privatio Potentia, dejectio gloria &c. ex-primitur per Privationem Cornuum; Psal. LXXV. 11. *Omnia Cornua improborum succidam*; Jer. XLVIII. 25. *Succidetur Cornu Moab* & brachium ejus fractum erit. Vide etiam Thren. II. 3. Zach. I. 21. Job. XVI. 15. E contraria firmatio Potentia designata per elevationem Cornuum, uti Psal. LXXV. 11. extalentur *Cornua Justi*. Vide quoque Psal. CXLVIII. 14. LXXXIX. 18. Amos. VI. 13. Ps. LXXV. 5, 6. Ita in Medras Schemuel sumitur pro excellentia, ubi decem recensentur *Cornua*, scil. *Cornu Abrahami*, I. Digest. I. In Videlicet in eiusmodi libris. Isa-

Isaici, Mosis, Legis, Josephi, Sacerdotii, Leviticum, Prophetie, Domus sanctuarii, & Cornu Israelis, vti videndum apud Clar. Buxtorfum Lexic. Thalm. col. 2139. Nec aliter Græcorum κέρας, quo Heb. כֶּרֶב ac Lat. Cornu exprimitur, docente Suida hac Voce. Κέρας. ὁ ιχνὸς παρὰ τῇ Θεᾳ γενέθλιον μεταφορᾶς τῶν ζώων τῶν παθωπλισμένων τοῖς κέρασι, οὐδὲ τέτοις ἀμυνομένων. h. e. Cornu. hac Voce in S. Script. Robur significatur, per translationem ductam ab animalibus quæ cornibus sunt armata, usque vim propulsant. Idem paucis interjectis: Κέρας. ιχνόν τι δηλοῖ, οὐδὲ μόνιμον. Δαβὶδ. ἐκτεξάνατελῶ κέρας τῷ Δαβὶδ. Cornu. Robustum ac stabile quid denotat. David. Illic exoriri faciam Cornu Davidis. Generaliter ergo τὸ Sacris Scriptoribus emblematicè denotat fortitudinem; inde est Symbolum R. Regiae Majestatis quam Spiritus S. ipse met hoc depinxit emblemate Dan. VII. 24. VIII. 20, 21. ita de Davide Psal. LXXXIX. 25. Adeò fides & benignitas mea ei affutura, ut in nomine meo extollatur Cornu ejus. Vide etiam Psal. XCII. 11. CXII. 9. ita Zach. I. 18, 19. quatuor. Cornua quæ dissiparunt Judæam, Israelem & Hierosolymas; tot sunt Reges, nec non Apoc. XIII. 1. & XVII. 12. Decem Cornua notant Decem Reges ex mente Cœlestis Interpretis. 2. In eminentiore adhuc sensu est Symbolum Divinæ glorie Summaque Maje-

statis Cœlestis, in Salvatore Mundi, qui θεὸς δύναμις καὶ θεὸς σοφία, effulgentis, qui in Carne manifestatus, nihilominus audit κέρας σωτηρίας Luc. I. 69. hoc emblemate longe antea ab Hieropalte depictus, uti Psal. XLIV. 5. XVIII. 3. CXXXII. 17. ibi efficiam ut germinet cornu Davidis, aptavi lucernam undō meo. Vide Habac. III. 4.

§. II.

Apud Scriptores Profanæ Antiquitatis non raro *Cornua sumta* invenies pro symbolis Roboris atque excellentiæ; apud Arabes Verbum حرم in quarta Conj. notat posse, prævalere, Alkorani Surat. XLIII. 12. & حرم eminentem montis Verticem, item حرم ربكم Dominum, Herum, apud Giggejum, observante Clariss. VRIEMOET in erud. Diff. de Schiloh, cap. 5. p. 128. nec immeritò, sat enim notum, potissimum animalium Robur, ubi cornubus sunt instructa, in iisdem consistere, quod Aristoteles observat Hist. anim. Lib. IV. cap. 8. unde *Cornua exprimunt animum fortē ac impavidum, uti in illo Horatii Carni.* Lib. III. Od. 21. vers. 17. de Vino;

*Tu Spem reducis mentibus anxiis,
Viresque: & addis Cornua pauperi.*

Ubi Vetus Scholia est notat; Per *Cornua Violentiam*, & per hoc Violationem Cerebri intellicit;

de cornibus aræ in tabernac. &c. 719

telligi vult. Idem Epod. Od. VI. vers. 11.
Cave, cave, namque in malos asperrimus
Parata tollo Cornua.

Apud Ovidium *Cornua sumere est indignari,*
se contra opponere, uti Trist. Lib. IV. eleg. 9.
vers. 27.

Jam feror in Pugnas, & nondum Cornua
sumsi,
Nec mihi sumendi causa sit ulla velim.

Idem Amor. Lib. III. eleg. 11. vers. 5.

Vicimus, & domitum pedibus calcamus
amorem,
Venerunt Capiti Cornua sera meo.

Sic Mestra apud eundem Metam: Lib.
VIII. v. 881. narrat

Nam modo quod nunc sum videor, modo
fector in anguem,
Armenti modo Dux Vires in Cornua sumo,
Cornua dum potui.

Baccho Cornua attribuit Art. Am. Lib.
III. v. 347.

O iua Phoebe velis, ita Vos pia Numinæ
Vatum,
Insignis Cornu Bacche, novemque Deæ.

& Heroid. Epist. XV. v. 23.

Sume fidem & pharetram, fies manife-
stus Apollo.

Accedant capiti Cornua, Bacchus eris.

Zz 5

Cu-

Cujus Cornua Taurina erant teste Porphyrio de Abstinent. Lib. III. pag. 284. Hinc tot Deastrorum figuræ cornutæ, e quibus notissimus Corniger Hammon cuius Iaudibus omaia Gentilium Poerarum personant carmina, figuræque rarissimas elegantissimasque exhibent Illust. Viri SPANHEMIVS, BEGERVS, & MONTEFALCONIVS. Ita Harpocrates Ægyptiorum Numinum adsiduus Comes, qui secundum Ampl. CVPERVM idem cum sole, depingitur monstrosum gerens Pileum duobus instructum Cornubus, quorum alterum super frontem recurvatum, alterum super aurem in humerum descendens dextrum conspicitur, cujusmodi aliquot figuræ exhibentur à Doctiss. MONTEFALCONIO Antiq. Explic. Tom. II. pag. 302. Juno Ammonia apud Eleos culta, Jovis Hammonis Conjunx, itidem cornubus insignis fuit exhibita, sed Caprinis, de qua Paefanias Lib. V. cap. 15. Pyliorum Nummum cum ejusmodi Junonis facie exhibit Illust. SPANHEMIVS de præst. Num. Dissert. VII. pag. 391. edit. Lond. & MONTEFALCONIVS Tom. I. pag. 56. fig. 22. plures eisdem Divæ Typos dedit depictos.

§. III.

Præsertim verò Antiquitas Fluminibus tribuit Cornua, ob cursum rapidum ac
vini

de cornibus aræ in tabernac. &c. 721

vim planè invictam, ita Martialis Lib. IX.
epig. 104. de Domitiano

*Cornua Sarmatici ter perfida contudit Istri,
Sudantem Getica ter nive lavit equum.*

Val. Flaccus Argonaut. Lib. VIII. v. 186.
de eodem Istro canit.

*Haud procul hinc ingens Scythici ruit exi-
tus Istri,*

*Fundere non uno tantum quem flumina
cornu*

Accipimus.

Idem, Lib. I. v. 106.

*Silvarumque Deæ, atque elatis Cornibus
Amnes.*

De Hebro ita canit Statius, Thebaid.
Lib. VII. v. 64.

*Quærere Templorum Regem vix cœperat ales
Mænalius, tremit ecce solum, & mugire
refractis*

Corniger Hebrus aquis.

De eodem Claudianus in Eutrop. Lib. II.
v. 163.

*Cornua cana gelu mirantibus extulit undis
Hebrus, & exanguem glacie timor alligat
Iſſrum.*

Idem de Tiberi, de Prob. & Olyb. Consul.

Taurina levantur

Cornua temporibus raucos sudantia Rivos.

De

722 Joh. Rod. Gruner Disquisitio

De eodem Virgilius Æneid. VIII. v. 77.

Semper honore meo semper celebrabere
donis.

Corniger Hesperidum fluvius Regnator a-
quarum.

Servius hic notat: Flumina ideo cum corni-
bus pinguntur, sive quod mugitum Boum ini-
tatur murmur undarum, sive quod plerumque
in cornuum similitudinem curvata cernimus ri-
pas. Cum eo congruit Strabo Lib. X.
pag. 703. edit. Amst. Ταύεω μὲν ἐσικότα λέ-
γεθαι τὸν ἀχελῶν Φασὶ, παθάπερ καὶ τὰς ἄλ-
λας ποταμίας, ἀπὸ τε τῶν ἥχων καὶ τῶν κατὰ τὰ
ρεῖθρα παρπῶν ἃς παλλόν περιστά &c. Θάπωρεν
δὲ διὰ τὴν ἀντὴν αἰτίαν διὰ τὴν καὶ ταυεωπόν. i. e.
Tauro similem forma Acheloum ajunt, ut
aliros Fluvios ob strepitū & flexus alveorum
qui cornua dicuntur &c. Taurina fronte ub
eandem causam quæ ei bovis formam tribuit.
Imò hercle etiam ob ingentem eorum im-
petum fluxumque non raro cuncta adja-
centia pessundantem, ut è mox adferendis
non obscurè patebit. De Nilo ita Nasonis
sonat dictum Metam. Lib. IX. v. 772.

Isi, Parætonium, Mareoticaque arva, Pha-
ronque

Que colis, & septem digestum in Cornua
Nilum.

De

De Eridano qui & Padus juxta Servium ita
Maro Georg. Lib. IV. v. 371.

*Et gemina auratus taurino cornua vultu
Eridanus, quo non alius per pinguis culta
In mare purpureum violentior influit annis.*

De Ocinaro hæc invenies apud Lycophro-
nem Alexand. v. 730.

*Δέστει δὲ σῆμα βάνερως ναυτικοῖς ἄρης,
Ορνιθόπαιδος ἵσμα Φοίβαζων ποτοῖς.*

*Abluet autem sepulchrum Corniger fortis,
Semiavis extergens aquis monumentum.*

Imagines Fluviorum cornutas varias pro-
duxit Illust. SPANHEMIVS loc. cit. pag.
395. seq. uti Acheloi ex Veteri nummo
Ambraciotorum, & Rheni Bicornis ex
Nummo Posthumi Imperatoris; Non au-
tem ob strepitum tantum aquarum flexus-
que Alveorum Veteres Flumina repræsen-
tasse Cornuta, sed juxta hasce caufas quo-
que ob fluctuum Vim gurgitumque impe-
tum, declarat Scholiares Euripidis ad
Orest. v. 1380. citatus quoque à Spanhe-
mio. Ἐπιεικῶς δὲ τὰς ποταμὰς ταυρογεάφες
ἐξωγεάφεντε καὶ ἐλεγον ἵσμας δτι παραπλησίως τῷ
μυκήματι τῶν ταυρῶν ἡ απῆχησις τῷ ὑδατος ποιεῖ
εν τοῖς σφοδρῶς ρέσοις ποταμοῖς, διὰ τὸ Βίαιον
τῶν ὑδάτων, ἀπερ τὴν γῆν διαρρήσσεται παρεμ-
πίπτοντα, ὡς τοῖς κέρασιν οἱ ταυροὶ. i. e. Com-
modè verò Fluvios Taurina figura effinxere,
dicentes, quod fermè ad instar mugilis Tau-

rorum sonus reddatur aquæ in Fluiis cum im-
petu sese præcipitantibus, etiam ob violentiam
aquarem, qua Tellurem frangunt irruentes in
illam, sicuti cornibus Tauri solent. Vide &
Ælianum Var. Hist. Lib. II. cap. 33. Ean-
dem reddit rationem Festus, *Taurorum*
specie Simulacra Fluminum, *id est cum Cor-*
nibus, *quod sunt atrocia ut Tauri*. Ita ad il-
lud Horatii Carm. Lib. IV. Od. 14. v. 25.

Sic Tauriformis volvitur Aufidus,
Qui Regna Dauni præstuit Appuli.

Notat Scholiafestes Acron, *Omnium Flumi-*
nū famosorum vultus cum Cornibus finguntur
propter impetus & mugitus aquarem. Idem
confirmat Phurnutus de Natura Deorum
Cap. XXII. τούτῳ δ' ἐνεκεν καὶ τὸς ποταμὸς οὐρας-
Φόρες καὶ ταυρῶπις ἀνωπλάττουν, ὡσανεὶ βιοιὸν
τι τῆς Φορέας αὐτῶν καὶ μυκητικὸν ἔχοσης. i. e. Hinc
ansam quidam acceperunt, ut fluvios quoque
cornutos & taurina facie pingant, quasi vio-
lentum quiddam & mugitum rapidus eorum
cursus ostentet. Sophocles in Trachin. v.
13. de imagine Acheloi fluminis hæc habet

αιδεῖται αὐθέρεια τύπῳ

βύρρανος.

Ubi Scholiafestes notat; οἱ ποταμοὶ ταυ-
ρόρρυποι διετυπῶντο, ἢ ὅτι μυκητικῷ εἰσὶ παρ-
πλήσιοι περὶ ταῖς ἐκβολαῖς, ἢ ὅτι χίλιοι τὴν γῆν
աσ οἱ βόες ἢ διὰ τὸ ταῖς νομαῖς παρὰ ταὶς ποταμοῖς
εἴνεται. Exemplum huiusmodi valtationis
per

per fluvium, cujus aquæ alveum erant e-
gressæ, causatæ exhibit Homerus in ele-
ganti pictura de Xantho Iliad. XXI. v. 234.

- - - ο δ' ἐπέστυτο σιδηρατί Θύων.

Πάντα δ' ὄρινε πρεθρακυκώμενος ὥσε δὲ νεκρὸς
πολλὰς, οἱ ράκας αὐτὸν ἀλις ἔσαν, ἐς
κτάν' Ἀχιλλεὺς.

Τὸς ἐνβαλλει Θύγαλε, μεμυκὼς ἡντε ταῦρος.

- - - Ille verò concitus irruit tumidis
fluctibus furens,

Omniaque commovit fluenta turbidus, impu-
lit verò mortuos

Multos, qui per eum affatim ruunt, quos
occiderat Achilles,

Hos ejecit foras, mugiens Tauri ad instar.

Ex mugitu impetuque Fluviiis quodammodo
cum Tauris communi, factum ut Fluviiis
ac ipsi Mari Veteres non raro Tauros im-
molarent, notante Phurnuto loco antea
citato. Ita Lucullus post ritè Diana Persi-
cæ solutos honores immolatamque bo-
vem sacratam ultrò sese ad aram sistentem,
ἔθυε δὲ καὶ εὐφράτη ταῦρον διαβατήρια, sacra-
vit Euphrati quoque Taurum transitus causa,
uti narrat Plutarchus in Lucullo Tom. 3.
Pag. 171. edit. Londin.

§. IV.

ALTERA Vociς ἡ significatio est,
quod notat Oram, angulum, extremitatem
ali-

alicujus corporis, et si figura cornu animalis in illa extremitate propriè non observetur. Sic apud Jesajam cap. V. v. 1. legimus de Vinea Domini, quod sita fuerit בקרּ בְּן שָׁמֶן in cornu filio olei, i. e. in summo Vertice collis uberrimi, ubi R. Salomo annotat בזות העופה, שירות שמנת כשם טوب in angulo terræ proferente fructus pingues instar olei præstantis. Abarbanel exponit itidem quod sit Vertex, hunc in modum קרא מקומות הנבות בקרּ לפי שהקן גבורה מכל הארץ: i. e. Vocavit locum altum Cornu, eo quod cornu est membrum altissimum in animante, notumque est terram Israelis esse omnium Regionum altissimum. Ita etiam R. Sal. Ben Melech in Miel. Jophi ad h. 1. כתרגומו בטור רם ובראע תמנה exponit וכנה המקומות בקרּ לפי שהייח מוקט נביה ובין המקומות בקרּ לפי שהייח מוקט נביה: i. e. Fuxta Chaldaeos Paraph. exponitur, in monte excelsō & solo pingui, hicce locus comparatur cum cornu; eo quod est altus, & cum filio olei, quoniam erat pinguis & oleosus. In Baba Kama fol. 82. קרא sumitur pro compitis angulisque viarum, ac inde homines otiosi novarumque rerum scrutatores ac sectatores haud inscitè vocantur רושבי קרנות seffores cornuum i. e. angulorum; Sic R. D. Kimchi illud יושביהם Psal. I. v. 1. exponit per ל柤ם i. e. בקרנות העיר ועוסקים ברובו שיחת seden-

sedentes in angulis urbis ac incumbentes verbis confabulationis i. e. otiosis. Ita Targumim illud *ישחו בָּר וְשַׁבָּ שַׁעַר* Psal. LXIX. 13. *ימלֹתָן עַל וּרְבֵי רֶשֶׁת בָּהָת קְרָנָתָא* i. e. *loquuntur de me qui sedent in portis in loco angulorum.* Similiter stylo Germanico dicitur *קרנא דגִּלְמָתָה cornu pallii pro ejus ora vel angulo, & cornu vestimenti,* uti notatum à Cel. BVXTORFIO invenio. In Misna Kelim cap. XVII. 9 ita legitur de angulis palatii super Portam Susan qui vocantur Cornua h. e. *extremitates* *ושתו אמות חוץ כבושון הבירה* *אתה על קו מזרחות* *שענות ואחרת על קו מזרחות דרוםית* *של קראנו צפ' הויה ותורה על של משה צבי אצבע וכו'* *Duo enim cubiti erant in (conclavi) Susan habbira, unus ad angulum Euro-Borealem & alter ad Euro-Australem, nam ad priorem angulum erat redundancia supra Mosis cubitum dimidii digiti &c.* Ita anguli ipsius Altaris super quos demum constituta erant Cornua, de quibus nunc inquirimus, etiam nomine Cornuum designantur, uti ex his Misnæ locis patet; ita *ומסיבת הויה עולה מקרן צפונית מערבית* *של שהר הויה נשחת על רקע צפונית מערבית* T. III. P. IV. Aaa *על*

על טבעת שנייה של בן העבריות היה
שהחת על קרן מזרחיות צפונית על טבעה שנייה
ו^{נו} i. e. Agnus qui manè sacrificabatur ad Cornu Septentrionale Occidentale ad annulum secundum, qui inter duas vespertas offerendus, ad cornu Euroboreale sacrificabatur ad annulum secundum &c. ubi Obad. deBartenora obser-
vat, procul ab altari, quia altare altum erat,
et obscurabat ea quæ circa ipsum erant posita &c. His in locis verò per Cornu intel-
ligi, non illa quatuor ornamenta vertici altaris imposita, propriè hac denomina-
tione intellecta, sed potius oram ac angulos extremos alias dictos זירא idem Magister Hebraeus clarius exponit ad Seba-
chim Cap. V. 4. ubi glossator Jom Tob
monet, לא בקרן של מזבח אלא כלומר בזווית non in Cornu quod in ara est, sed dice-
re voluit Textus Misnae in angulo, i. e.
propè s. e regione huius aut illius anguli; Hæc confirmat R. Sal. ben Melech ad
Exod. XXVII. 2. ubi vocem קָרְנַת non tan-
tum de cornibus Arae strictè sic dictis as-
sumi docet, sed etiam de ejus Angulis.
קרנתז. זורות וכן בלשח הוויות יקרא בלשח
הקרן. Cornua ejus. i. e. angulos, nam ita in
Linguis exoticis anguli vocantur Cornua. An-
guli duorum Panum Primitiarum nec non
extremitates Panum Propositionis vocan-
tur ab Hebraeorum Magistris Cornua; ita
Misna Menachot, Cap. XI. 4. שתי הלהבות ארכ

ארק שבעה ורחבן ארבעה וקרנוויזון ארבע
אצבעות לחם הפנימ ארכן עשרה ורחבן
חמשה וקרנוויזון שבע אצבעות :
i. e. *Duorum Panum longitudo est septem palmarum, latitudo autem quatuor, & Cornua eorum quatuor digitorum; Panis unius Facierum longitudo est palmarum decem latitudo quinque, & cornua ejus septem digitorum.* Fuere hæc Cornua quædam excrescentia ex eadem farinæ massa in formandis Panibus productæ, reliquâque massâ juxta hoc in loco descriptam mensuram altiores, ac in Cornuum quendam modum protuberantes, Cornua tamen dici minimè possunt nisi impropriè, pro extremitatibus ac angulis.

§. V.

Eodem planè sensu voces κέρας & *Cornu* apud Græcos Latinosque occurrit, non admodum raro designans extremitatem, uti Promontorii vel Regionis aliquantum in Pelagus procedentis; sic Diodorus Siculus Lib. III. pag. 201. edit. Rhodom. de Afrika fatur, καὶ τὴν μὲν ἀμαλθίαν αἰποδεῖξαι κυρίαν τῷ σύνεγγυς τοπε παντος, ὄντος τῷ Χήματος πασαπλησίᾳ κέρατι βοος, αφ' οὗ αἱτιας εσπέριον κέρας προσαγορευθῆναι. i. e. Posthæc Amaltheam cum imperio vicinæ Regioni præfecit, que cum figura bovis Cornu referat, Hesperium propterea cornu indigitatur. Eodem modo

Aaa 2

apud

730 Joh. Rod. Gruner Disquisitio

apud Strabonem Lib. VII. pag. 492. edit.
Amst. Promontorium in Sinu Byzantino vo-
catur Keras. ΕΥΤΕῦθΕΝ δὲ ἐπὶ τὸ κέρας τὸ βυ-
ζαντίων πέντε ἔστι δὲ τὸ κέρας προστεχὲς τῷ βυ-
ζαντίῳ τείχει, πόλιος ανεκχων ὡς πέρος δύσιν επὶ^{το}
γαδίσις ἑξηκοντά, ἐστιν ἡ λάφυς κέρατι i. e. in-
de ad cornu Byzantiorum 5. stadia, est autem
id Cornu Byzantino muro conjunctum, sinus
versus Occidentem ad 60. stadia penetrans, si-
milis cornui cervino. De eodem Ammianus
Marcell. Lib. XXII. cap. 8. Constantiopo-
lis, vetus Byzantium Atticorum Colonia, &
Promontorium Ceras, prælucentem navibus
vehens constructam celsius turrim, qua propter
Pharos appellatur. Ita Pomp. Mela Lib.
II. cap. 4. de duobus notissimis Italix Pro-
montoriis Salentinorum & Leucopetra,
Verum ubi longè abit in duo Cornua fnditur,
respicitque altero Siculum Pelagus altero Jo-
num; Ut Ovidius Fastor. IV. v. 479. de
Sicilia

Jamque Peloriaden, Lilybeaque, jam-
que Pachynon

Lustrarat, terræ cornua tria sua.

& alibi de Litore ubi quædam terræ partes
in mare sese extendunt, Heroid. Epistol.
II. v. 131.

Est sinus, adductos modice falcatus in
arcus,

Ultima prærupta cornua mole rigent.
Q. Cur-

Q. Curtius eandem adhibet locutionem
ubi de summitate Montis Tauri verba fa-
cit hunc in modum, Lib. III. cap. 4.
Namque perpetuo jugo montis asperi ac præ-
rupti Cilicia includitur, quod quum à mari
surgat, veluti sinu quodam flexuque curva-
tum, rursus altero cornu in diversum litus ex-
currat. Nec non Florus Lib. IV. cap. 11.
de collibus in mare prominentibus, ubi
ait; Positisque in Epiro castris, Leucadem in-
sulam, montemque Leucaten, & Ambracii
Sinus. Cornua classe succinxerat; eodemque
cap. §. 9. Itaque nec præparata in Oceanum
fuga, nec munita præsidii utraque Aegypti
Cornua, Parætonium atque Pelusium profuere;
quaæ alias à Tacito Histor. Lib. II. cap. 8.
vocantur Claustra Aegypti, utrumque quod
hæc munimenta extremitatibus Regni si-
ta maximo fuere præsidio, adversus pere-
grè adventantium hostium impetum. Aliis
quoque rebus invenimus ab antiquis
Scriptoribus attributa Cornua, sensu im-
propriæ, pro summitate scil. vel extre-
mitate. Ita de Comitio Romano, sic di-
cto juxta Varronem quod eo coibant Co-
mitiis Curiatis, legitur apud Plinium
Hist. Nat. Lib. XXXIV. cap. 6. Invenio &
Pythagore & Alcibiadi in Cornibus Comitiis
positas statuas. Extremum Tribunalis quo-
que ita insignitur à Tacito Annal. I. cap.
75. ubi ita de Tibério, Nec patrum cogni-

Aaa 3 tioni-

tionibus satiatus, judiciis adsidebat in Cornu Tribunalis, ne Prætorem Curuli depelleret. & apud Livium Lib. XXV. cap. 3. Interim Publicani Casce instare, ut consilio diem eximeret; Populus reclamare; & forte in Cornu primus sedebat Casca, cui simul metus pudorque animum versabat. Navigantibus Cornua sensu improppio erant terminus haud ignotus, teste Virgilio Aeneid. Lib. V. v. 830.

*Una omnes fecere pedem; pariterque si-
nistras,
Nunc dextros solvere sinus; una ardua
torquent
Cornua, detorquentque, ferunt sua fla-
mina Classem.*

Ubi Servius Cornua exponit per Antennarum extremitates. Eadem mente Ovidius de navigantibus Metam. Lib. XI. v. 475.

*Obverit lateri pendentes navita remos;
Cornuaque in summa locat arbore, tota-
que malo
Carbasus deducit, venientesque excipit
auras.*

Ostium Nili exitumque in mare vocatum invenio Cornu, eò quod sit extrema pars fluminis, ubi desinit nec ultrà conspicitur, apud Thucydidem Lib I. cap. 110. ubi ita de Atheniensium classi, πεντήκοντα τριάρες διάδοχοι πλέοσται ες Αἴγυπτον, ἔχον κα-
το

τὰ τὸ Μενδήσιον πέρας, quinquaginta Triremibus vecti suis successuri, in Aegyptum navigabant, ad Mendesium Nili cornu appulerunt; ubi Scholia stes annotat, κέρας καλεῖ τὸ Νείλον τὸ σάμα οὐ τὴν ἐκβολὴν. Quid Cornu aciei, agminis &c. significet, nemo est qui nesciat. Græcis Scriptoribus sæpius sumē eodem sensu ac Latinis occurrit, uti apud Thucydidem & Polybium passim videntur, extremitates videlicet ordinis atque aciei notat uti apud Jul. Pollucem Lib. I. cap. X. segm. 126. Καὶ τῶν μαχημένων, τὸ μὲν ἔπιφρεν, μέτωπον οὐ τὸ γυγόν οὐ προσώπον. οὐ τὰ ἐπατέρεωθεν ἄντα, πλευρὰ, πέρατα, i.e. anterior pugnantium pars frons dicitur, jugum & facies, utræque vero extremitates, latera, cornua. & Suidam, πέρας. τὸ μέσος τῆς Φάλαγγος ἐν τῷ πολεμῷ οὐ τὸ τοξόν. Cornu in bello sic vocatur pars Phalangis, item pars arcus. nempe extremitates. Imo libris invenimus Cornua attributa. Testis sit Naso Librum suum Tristium videlicet sic alloquens Trist. Lib. I. eleg. 1. v. 7.

Nec Titulus minio, nec Cedro charta notetur,

Candida nec nigra Cornua fronte geras.
& Martialis Lib. XI. epig. 108.

Explicitum nobis usque ad sua Cornua
Librum,

Et quasi perfectum Septiciane refers.

Aaa 4

Hæc

Hæc Cornua sunt Librorum extremæ partes, circa quas convoluti erant, & quia extra volumen complicatum eminebant, Cornuum similitudinem præ se ferebant, iisque ornamenta quædam addi vulgo solitum erat, argentea aureaque quandoque; exterior etiam Voluminis pars, quam convolutum adhuc oculis præbuit, frons vocata, unde ejusmodi extremitates Cornuum ad instar prominebant.

§. VI.

Ex iis quæ hactenus observata, sat manifestum, qua ratione à S. Scriptore Ara Mosaicæ structuram nobis exhibente, adhibetur Vox Ἄρα, pro supremis scil. aræ partibus, quæ ceu extrema altissimaque membra capiti i. e. summati Aræ insidebant, de quarum vera figura haud facile quicquam indubitati, tacente S. Scriptore, in medium proferri poterit; In tanto tamen Authorum qui hanc rem tetigere dissensu, ea quæ maxima veri specie commendantur, sectabimur. Quidam Antiquarii sibi aliisque persuadere conantur, cornuum in Ara figuram fuisse vel radios, vel coronidem, vel angulos ad extra protenos circa funimum aræ ambitum prominentes, uti vult ARIAS MONTANVS; vel Pyramidulas tortas s. turbinatas, quibus

bus in portanda Ara ejus Velamina tanti-
sper elevarentur, uti censem VILLAL-
PANDVS. Duo Celeb. Viri FORT. SCAC-
CHVS Myrothec. II. cap. 65. & SPEN-
CERVS de Leg. Heb. Lib. III. cap. 4. exi-
stiment, vocem ἥπ de vera figura Cornuum
s. Taurinorum s. Hircinorum s. Arietino-
rum esse accipiendam, hancque Cornu-
um figuram in angulis Altaris ea ratione
fuisse dispositam, ut in extremis angulis
in plano superiori exiens ad inferius ejus-
dem anguli plane retorqueretur, cuius-
modi Aræ figuram Scacchus ex mente sua
depictam Lectori ob oculos ponit pag.
635. operis sui elegantissimi. Uterque
tamen significationi propriæ Vocis ἥπ ni-
mis imò unicè insistit, eamque necessaria-
riò pro Cornibus Animalium eorumque
figuris sumi contendit, quod ex hactenus
allatis sat clarè patet haud ita se se habere;
Deinde quicquid etiam ex exemplis Ara-
rum à Gentilibus consecratarum, quæ
Cornibus vel instructæ vel integræ etiam
ex iis erant constructæ, concludunt, no-
bis vix persuadebunt, Deum O. M. soli
Israeli fœderatum, typum structuræ illius
Aræ, in qua sibi soli soloque legitimo
modo sacra solvebantur, à structura Ara-
rum, in quibus Creaturis irrationalibus,
hominibusve à vanorum supersticio-
ne deificatis imò Dæmonibus adolebatur,

Aaa 5 mu-

mutuò sumfisse; Neque è contra Gentilem Superstitionem eiusmodi Ararum figuram cornutam ab Aræ Israelitarum figura desumfisse, magis verosimile videatur, quum ex iis, quæ jam dicta, & quæ mox, ubi de hisce in Gentilismo usitatis Aris pauca quædam memorabo, dicenda erunt, sat manifestum erit, ea Cornua planè aliam habuisse rationem, præterquam quod, si Gentilismus hac in parte Veræ Religionis cultum imitari voluisse, nullas Aras vel sane perpaucas habuisse, nisi Cornibus instructas, cum in Veri Dei cultu nulla planè Ara nisi hac sub figura fuerit conspicua, quum tamen in tot Gentilismi monumentis quibus adhuc gaudemus, vix quædam Cornuum in Aris supersint vestigia. Authoritatem Joæphii testis oculati pro sententia Cornuum Arietinorum s. Taurinorum in Ara Templi extantium citat Spencerus, sed plane invita Minerva. Ne verbuni quidem ille de ejusmodi s. tortis Cornibus, & eadem opera ex ejus verbis Cornua Limacum, testudinum, vel Papilionum exculpes ac Cornua Arietis; sic enim fatur de Bello Jud. Lib. V. cap. 5. edit. Haverc. non autem Lib. VI. cap. 5. uti citat Spencerus.

Τετράγωνος δ' ἰδεύτο, περιποσιδῆς προσανέχων γωνίας, καὶ ἀπὸ μεσημβρίας ἐπ' ἀυτὸν ἄνodos πρέμα προσαντης ὑπτίασο. κατεσκευάσθη δ' αὐτόν-

σιδηρος, νεις ἐδέποτε ἐψαυεν αὐτοῖς σιδηρος. i. e.
Quadrata autem ara collocata erat, angulos
habens instar Cornuum prominentes, & à me-
ridie ascensus in eam leniter acclivis resupina-
batur. Sine ferro autem construēta erat, neque
unquam ferrum eam tetigerat. Quid quæso
hic de genuina Cornuum figura? imò
anteà sat clarè ostensum, quid ζέρος apud
Græco idiomate utentes scriptores sapis-
simè denotet, ultimaque Josephi allata
verba manifestè docent, prominentia in
ora altaris corpora plane nequivisse tor-
torum Cornuum exprimere figuram, cum
ferrum nullum lapidibus, è quibus Tem-
pli Ara exterior erat constructa, fuerit
applicatum, imò summum nefas fuerit
juxta Exod. XX. v. 25. cælum iis inferre
vel ferro tangere cælandi causa; hinc im-
possibile planè fuit, ejusmodi tortuosam
ac artificiosam Cornuum speciem sine ex-
latura ferro facta producere; Quæ quum
in Ara Templi manifestè ita sece habue-
rint, non videò quare in Ara Tabernacu-
li, cuius typus à Deo ipso Moïs exhibitus
fuerat, aliam nobis speciem Cornuum fin-
gere velimus; Vasa enim Tabernaculi a-
liam figuram ac posteà Vasa utriusque
Templi habuisse, ne in minimis quidem
haec tenus fuit probatum, imò hæc ad spe-
ciem & instar illorum omnino fuisse fa-
bricata indubitatum duco, si magnitudi-
nem

nem, speciem ingentem ac pretium quo-
rundam paucorum excipias, quæ cum in-
genti Salomonis opulentia magis quam
cum Israelitarum in desertis oberrantium
tenuitate conveniebant.

§. VII.

Sed quænam vera sit figura, sub qua Aræ
Mosaicæ Cornua sint repræsentanda nunc
videndum erit. Eorum fuere quatuor pro-
totidem Aræ angulis, quam figuram habu-
isse quadratam nemo ignorat. Situs eorum
pro situ ipsius Aræ talis, ut fuerit unum
דרמיות מזרחיות Euro - Australe, alterum
מזרחיות צפניות Euro - Boreale, tertium
צפניות מערבית Zephyro - Boreale, quartum
מערבות וזרמת Noto - Zephyrinum, uti re-
censentur in Misna Sebachim Cap. V. 3.
eorum altitudo, longitudo ac latitudo e-
rat cubitalis, uti extat in Middot Cap. III.
I. מקוּם הקרןות אמה ואמה כהה Locus Cornuum ab omni parte unius cubiti &c.
Clar. L' EMPEREVR ad h. l. existimat, al-
titudinem Cornuum fuisse cubiti quinque
palmarum, reliquas verò dimensiones cu-
biti sex palmarum; dubito tamen num sat
accuratè, in verbis Misnæ certè hæc di-
stinctio ignoratur, Maiemonidem sequitur
quidem, qui disertè scribit in Beth Hab-
bech. Cap. II. §. 7. Erat cuiusque Cornu al-
titu-

EIGHT

titudo palmarum quinque, quadrum vero cu-
jusque Cornu quaquaversus Cubitum patebat,
i. e. sex palmas, nescio tamen, an non
forsan idem Doctor Hebraeus sibimet ipsi
contradicat, paulo enim anteā perhibet,
quod dimensio Cornuum undequaque spa-
tium cubiti occuparit; Etiam R. Salomo
in Commentario ad h. I. Majemonidi
palami contradicit, cum tres Cornuum di-
mensiones æquales scil. quinque palma-
rum constituit; Ego, quanquam litem de
his movere non sit animus, convenien-
tius tamē ac longē speciosius existimo
fuisse, si eadem proportio in unaquaque
dimensione fuerit observata, non enim
video, quare plus longitudinis & latitudi-
nis quam vero altitudinis Cornibus hisce
tribuatūr, quia ne sex palmarum altitudo
fuisse nimia pro cætera Altaris mensura,
ut cornua ejus concinnè essent conspicua.
Hinc cūm Celeb. Viris, L'EMPEREV,
CRAMERO, LVNDIO, MILLIO, cen-
seο hæc Cornua in utraque tam Taberna-
culi, quanī Templi tum exteriore, tum in-
teriorē Ara fuisse corpora quadrata, æqua-
lia, neque turbinata vel torta, sed sibi-
met per omnia ac ubique simillima; Ca-
va erant intus uti Majemonides loc. cit.
perhibet; tollebat se in unoquoque altaris
angulo veluti Cornu quoddam structuræ cavæ
& quadratæ; & mox, jam hæc quatuor cor-

nua

nua intus erant cava &c. Hæcque cavitas eodem modo quo inferiora Altaris lăvibus lapidibus iisque pice ac calce statum natis aliquæ cémentis erat impleta ad certam usque summitatem: Hinc ea Cornuum figura evanescit, quam sibi quidam finxerunt, quadrangularem quidem, sed pyramidalem atque in acumen paulatim descentem, quæ cum cubitali in omnes partes dimensione ac cavitate cémentis repleta, quod utrumque Hebræi Doctores ita constanter tradunt, nonnisi valde incommodè consistere valet. Porrò hæcce Cornua in ipsa extremitate angulorum Altaris posita fuere, ita ut unumquodque, ceu ipse angulus, extremitatem duorum laterum simul occuparit, neque ullum spatum intra extremam oram & cornu interfuerit, sed una eademque linea opus continuatum usque ad summitatem cujuscunque cornu effecerit; bene enim observat Jom Tob לְפָנֵי שְׁכַרְנָא נִקְרָא קָעֵל שְׁבָתָה שְׁהָרָא עֹמֶד בְּחוּזָה וּלְפִיקָה רָאוּ לִמְרָא שְׁהָרָא עֹמֶד מִמֶּשׁ עַל הַחוּזָה i. e. Queniam Cornua inde nomen adepta sunt, quod in ora sunt, oportet statuere, ea in ejus extremitate fuisse constituta; Vix enim sat fuisse conspicua, neque eam speciem ac majestatem præbuissent Altari, si aliquo spatio ab extrema ora angularum fuissent remota, ita enim quasi separatum efficerent corpus, par-

parvaque Ara quadrata cuilibet angulo majoris Aræ imposita videri potuissent, non verò continuato eodemque opere effecta cornua angulis adjuncta, uti tamen esse debuerant, quippe quod admodum sollerter præcepit sumimus Altaris Architectus Exod. XXVII. 2. & XXX. 2. מִנְחָה
הַרְחֵבָה קָרְנוֹתָיו ex ipso sunt Cornua ejus, hoc dictum de utraque Ara, uti quoque de utraque narratum, Cornua ita planè sese habuisse opere integro perfecto cum Tabernaculum erigeretur, Exod. XXXVII. 25. & XXXVIII. 2. ex ipso erant Cornua ejus; Ex eodem opere ejusdem fabricæ ita cornua erant producta, aræ suffimenti ex ligno lectissimo Cedrino auro obducto, aræ holocaustorum ex eodem ligno ære obducto; Altaris autem exterioris in utroque Templo Cornua ex lapidibus arctissime sibi junctis, ita tamen structis, ut unum idemque opus viderentur, constiteret, vel si mavis ex eodem lapide producta qui quemque constituebat angulum, quod tamen absque ferri ope peragi haud facile potuisset.

§. VIII.

Apud Gentiles quoque licet sat rara occurrit mentio Ararum, quæ Cornibus fuerunt instructæ. Delii Apollinis γενέτωπος dicti Ara, quæ integræ, juxta An-

ny.

mum de incredibilibus ab Allatio editum,
ex dextris ferarum unico die cæsaruni
cornibus extracta, celeberrima fuit, de
qua ita Cydippe apud Ovidium Heroid.
epist. XXI. v. 99.

Miror & innumeris struclam de cornibus
aram,

Et de qua pariens arbore nixa Dea est.
Aliam ipse Apollo, i. e. quidam ex ejus
Sacrificiulis mira miserrimæ plebeculæ
tradere cupiens, construxit, ex cornibus
caprearum, quas Diana in venatione ja-
culis telisque confixerat; Ita Callimachus
Hym. in Apoll. v. 60.

Τετραετής, τὰ πρῶτα Θεμέλια Φοῖβος ἐπηγέε,
Καλὴν Ὀρτυγίην, περιπόγεος ἔδοθε λίμνης
Ἄρτεμις, αὔρωσσα καρῆται συνεχέες
ἀγγῶν
Κυνθιάδων Φορέεσκεν, ὁ δ' ἐπλεκε βωμὸν
Απόιλων,
Δέιματο μὲν κεράεστιν ἐδέθλια, πῆγε δὲ βωμὸν
Ἐκ κεράων, κεράς δὲ πέριξ ὑπεβάλλετο
τούχες,
οἵ δ' ἔμαθεν τὰ πρῶτα Θεμέλια Φοῖβος
ἐγείρειν.

Prima quadrimus posuit fundamina
Phoebus
In pulchra Ortygia, curvam intra Paludem
Diana, venata capita assidue caprearum
Cynthia-

Cynthiadum afferebat, ipse verò compinge-
bat aram Apollo,
Construxit quidem cornibus fundamenta,
compegitque Altare
Ex cornibus, cornua item circum parietes
posuit,
Sic didicit prima fundamenta Phœbus jacere.

Vide eundem Poetam Hym. in Del. v. 319.
nec non Hyginum Fabul. 140. De hac
ara & Martialis ita scribit Spectac. epigr. 1.

Nec Trivie templo molles laudentur
honores,
Dissimuletque Deum Cornibus Ara fre-
quens.

Hanc Aram Plutarchus scribit olim inter
Orbis miracula fuisse positam, Lib. de A-
nim. solent. pag. 1810. edit. Paris. atque
ex dextris solum victimarum Cornibus
extructam; sed in vita Thesei pag. 19. e-
dit. Lond. eam ait ex sinistris Cornibus
conflatam, memoriæ lapsum uti, videtur,
passus, ita enim fatur, ἐν δὲ τῆς Κρήτης ἀ-
ποκλέων εἰς Δῆλον πατέχε - ἔχογενθε δὲ περὶ τὸν
κερατῶν θωμὸν ἐν κερατῶν συνηρμοσμένον εύωνύ-
μων ἀπάντων. i. e. Solvens ex Creta Theseus
Delum appulit - saltavit circum aram corneam,
quæ ex cornibus erat omnibus sinistris compa-
cta; loco κερατῶν Hen. STEPHANVS ma-
vult legere κερατῶν quod tamen non ne-
T. III. P. IV. Bbb cessat

cessarium observante DACERIO & Mose SOLANO. Aram hanc quoque memorat Diog. Laertius in vita Pythagoræ Lib. VIII. segm. 13. Άμελει καὶ θωμὸν προσκυνῆσαι μόνου ἐν Δῆλῳ τὸ ἀπόθλιτον τὸ γενέτορος, ὃς ἐψι
οπιθέν τῷ περιτίχῳ, διὰ τὸ πυρὸς, καὶ πριθάς,
καὶ τὰ πότανα μόνα τιθεδόται ἐπὶ αὐτῷ ἀνεύ πυ-
ρος. i. e. Denique ius sit Pythagoras, aram
Delii tantum Apollinis genitoris, que post
Corneam est, adorare, quod frumentum, &
hordeum, & placentas illi absque usu ignis
imponere ex more soleant; de hac ara, pos-
teriori scil. refert Cyrillus Lib. IX. adv.
Julianum eam ἐντεβῶν θωμὸν ῥιτὲ veneran-
tium aram fuisse vocatam, quoniam in illa
nullum animal immolatum, eamque sua
etiamnum ætate extitisse; ejusdem & me-
minit Clemens Alex. Lib. VII. Strom. nar-
rans, ad eam solam accessisse Pythagor-
am, qui nunquam per toram vitam cru-
ore animalium fuit inquinatus. Ejus-
modi aram è Cornibus structam etiam E-
phesi fuisse perhibet Eusthatius in Homeri
Iliad. VIII ἀδεταὶ γύγη καὶ Παριανὸς θωμὸς ἐπὶ¹
μεγέθει, καὶ Ἐφέσιος δὲ περιτίχος; minimè
enim hanc cum Deliaca confundit, quam
omnes Veteres unicam in hoc genere
perhibent, hanc enim non ignoravit uti
patet ex iis quæ scribit ad Iliad. IV. vers.
109. duas ergo fuisse corneas Aras unam
Deliacam alteram Ephesiam ex his satis-
pa-

patet. Cornutas s. cornibus instructas Aras non admodum parcè nobis offert profana Antiquitas , si benè attendemus. Ita Nonnus Dionysiac. Lib. XLIV. 96. memorat , Agaven quum ex Cadmi præscripto sacrificium immolare voluisse , in montem excelsum ascendisse , *καὶ εὐηράω παρὰ θεῷ in pulcrè cornuta ara ovem obtulisse.* Præcipue hoc spectant ansæ , quæ nonnunquam in angulis Ararum præser-tim in Romanorum Sacris conspicuntur , quo referenda figura Aræ Pacis in nummis Tiberii & Neronis à DV CHOVLIO no-bis repræsentata de Relig. Vet. Rom. p. m. 14. nec non in Nummo Augusti Tem- plum Pacis in cuius Vestibulo Ara con- stituta duobus instructa Cornibus cum in- scriptione PACI PERP. quem numinum nobis exhibet Illust. SPANHEMIUS in do- cētiss. Commentario Gallico quo Juliani Cæ- fares illustravit, pag. 206. Alia ferè ejusmodi Ara' exhibita à Cel. MONTEFALCONIO Antiq. Expl. Tom. II. pag. 131. quæ in ex- tremitatibus capite Arietino ceu Ansa in- structa ; Alia adhuc parvis ornata Cornibus conspicitur in nummo Crispinæ Aug. quam Diis genitalibus dedicavit ut fœcundita- tem obtineret , apud Clar. VAILLANT part. II. Numism. Imper. pag. 200. Hæc Cornua s. ansæ ararum à sacrifican- tibus

tibus Divisque supplicantibus firmiter pre-
hensæ tenebantur , teste Virgilio Aeneid.
IV. v. 219.

*Talibus orantem dictis Arasque tenentem
Audit Omnipotens.*

Inde Veteri Lingua Romana Aræ ansæ sunt
dictæ notante Varrone Lib. V. Rerum Div.
Aræ primum ansæ dictæ sunt , quod erat ne-
cessarium à Sacrificantibus eas teneri. Eadem
notavit Servius , ad citatum Virgilii lo-
cum hæc commentans ; Veteres ansæ dice-
bant ; postea immutata litera s in r aras dixe-
runt , sicut Valesios Valerios ; Fusios Furios ,
quod Varro Libro 5. rerum Div. plenius nar-
rat , cuius verba mox allata recitat Macro-
bius Saturnal. Lib. III. cap. 2. Ita etiam
hanc vocem legimus scriptam in antiquis-
sima Numæ Pompilii Lege , quam nobis
servavit A. Gellius Lib. IV. cap. 3. PE-
LEX. ASAM. JVNONIS. NE TAGITO.
SI. TAGET. JVNONI. CRINIBOVIS. DE-
MISSIS. ARNVM. FOEMINAM. CAI-
DITO. Summè necessarium Sacrorum
Ansfitites atque Rectores existimabant ,
Aras à Sacrificantibus teneri , quod si non
factum sacrificatio Diis grata non esset ,
utri observat Servius l. c. quare statim ad-
jungit , quo plenius intelligi voluit , gratum
hoc esse numinibus , subjungendo , arasque
tenentem audit omnipotens . Jurantium im-
pri-

primis erat ritus aræ ansas tenere, ita Latinus foedera feriens apud Virgilium Æneid, XII. v. 200.

*Audiat hæc genitor qui foedera fulmine
fancit,
Tango aras, medios ignis, & Numina
testor.*

Sic Juvenalis Atheos acerbo fricat sale,
qui nulla juramenti religione moti, abs-
que hæsitatione perjurant, Sat. XIII. v. 86.

*Atque ideo intrepidi quæcunque altaria
tangunt.*

Nec non Comicus Rudent. Act. V. Scen. 2.
- - - tange aram hanc Veneris.

LA. tango:

*GR. Per Venerem hanc jurandum est
tibi. - - -*

GR. Tenearam hanc. LA. teneo.

M. Tullius Orat. pro L. Flacco cap. 36.
Ergo is, qui si Aram tenens juraret, crede-
ret nemo, per epistolam, quod volet, injura-
tus probabit &c. exempla hominis plane
decoctæ atque deperditæ fidei exhibet. Ju-
stinus lib. XXIV. cap. 2. hunc ritum quoque
commemorat, *Ptolemæus sumtis in manus
altaribus, contingens ipsa simulacula & pulvi-
naria Deorum, inauditis ultimisque execra-
tionibus adjurat.* Plura non addo, quæ au-
tem de mysterio Altaris Cornuum dicen-
da supersunt, posterior hujus Diss. pars
B. Lectorem edocebit.

§. IX.

Inquisitu igitur operæ pretium erit; quam rationem Aræ Mosaicæ extremitates. Cornua habuerint, qualisque eorum fuerit usus; Sine ulla enim ratione certa vel scopo singulari, Aram, ex præscripto Divino factam, ejusmodi Cornibus fuisse instructam, nemo forte, qui affirmare auserit. Longè aliud enim suadet expressum adeò & sollicitum Dei O. M. mandatum, quo cornuum fabricam inculcavit Exod. XXVII. 2. nec non expressa mentio cornuum in quatuor aræ angulis elatorum, ubi recensio facta Tabernaculi Vasorum S. ab Artifice divinitus edocto iam perfectorum, juxta Typum à Jehova Mosis exhibitum, Exod. XXXVIII. 1. quod idem observandum de Ara Suffitus Cap. XXX. 2. collato cum Cap. XXXVII. 25. quod ita expresse summaque cum cura præceptum arduam omnino habuisse rationem, nemo cui sanum sinciput, dubitabit. Synagogæ Doctores adeò omnem Aram Cornibus destitutam ad Veri Numinis cultum planè illegitimam, sacraque in tali oblata neutriquam grati odoris fuisse perhibent in Gemara Sebachim fol. 62. quam conjecturam uti non temere adprobationis calculo firmare, ita nec planè ceu omni fundamento destitutam repudiare sustineo, fal-

saltem quantum sacrificia pro peccato of-
ferenda attinet, quorum sanguis Deo gra-
tus acceptusque non fuit, nisi Cornibus
Aræ illinitus. Circa Aras à piis quibusdam
Dei servis extrà ordinem vel tumultuarie
exstructas longè alia est quæstio, earum-
que aliter sese habet ratio; Ante Legem
Mosaicam enim latam, cum modus con-
struendi Aras divinitus nondum fuerit
præscriptus, quantum quidem è S. Literis
constat, nil impedit, quo minus creda-
mus, eum modum arbitrio piorum Patri-
archarum fuisse relictum, adeoque Cor-
nua de essentia Aræ, ad Veri Numinis cul-
tum destinatæ, haud fuisse, præsertim cum
nullibi legatur, primæ Oeconomiaæ fide-
les piacularis hostias obtulisse, sed paci-
ficas, eucharisticas atque imprimis Holo-
causta, vide inter alia exemplum Jobi, Job.
I. 5. Post legem autem Sinaiticam non
negarim, nonnullas Aras extrà locum Deo
electum exstructas etiam sua habuisse Cor-
nua, cum quædam illarum in usum quidem
abominandum erectæ, sed nihilominus ad
maximam similitudinem sacræ Aræ fuere
fabrefactæ, eò ut Populus pelliceretur ad
cultum Jehovæ deferendum, uti in Aris
Jeroboami factum I. Reg. XII. quod clarè
evincit locus Amos. III. 14. *Quo die ani-
madvertiam defectiones Israelis in ipsum, me
animadversurum quoque in altaria Bethelis,*
B b b 4 adea

adeo ut exscindantur Cornua altaris & cadant in terram; & forsitan in Ara Rubenitarum Jof. XXII. quanquam illa minime inter idolatriæ dicatas referenda; Ita Aræ Baalis cultui dedicatae, Aræ excelsorum &c. ad imitationem veri Cultus Divini fabricatae, figuram faciat Aræ quam maxime poterant expressisse videntur; Aras vero à Dei Servis sub Oeconomia Legali extrectas, uti Gedeonis, Manohæ, Samuelis, Eliæ &c. Cornua non habuisse, magis verosimile est, quam non legimus in iis expiatorias Victimæ cæsas, sed Holocausta &c. pios viros obtulisse, illaque Aræ non stabiles fuerint, sed tumultariæ, ad unam alteram occasionem raptim erectæ e cespite, lapidibus passim obviis &c. si quædam tamen extra ordinem Aræ Dei expresso factæ mandato, eas Sacram repræsentasse mallem credere.

§. X.

In varias docti S. Literarum Interpretes quo ad usum Cornuum Altaris abeunt conjecturas, licet plerosque, quod sane mirandum, extremis tautum digitis illum attigisse videamus; pauca tamen quæ nobis suppeditant modesto examini subjicerem, quam paucis fieri poterit verbis, haud abs re erit. VILLALPANDVS in luculentis ad Ezechielem Commentariis Tom. II. pag.

pag. 393. sententiam ejusmodi fovet. Altare S. Cornua gestasse eeu tropæa factæ prædæ ac monumenta tot Victoriarum de innumeris animalibus in foco suo consumtorum & quasi subactorum, in Festis enim solennioribus, inquit, Tauri & juvenci Deo matari consueverant, & Altari quasi Arieli s. Leoni sacro projici devorandi &c. quæ commentatio judicio Spenceri magis Authoris ingenium quam judicium sapit, cui calculum meum addere minimè dubito, multa enim incommoda in modo manifeste falsa secum fert Villalpandi expositio; num enim solo in Altari holocaustorum Cornua fuere conspicua? num vero etiam in Ara suffitus? solum tamen illud inumeras consumississe dici potest hostias; solum Ariel s. Hareel nominari potuit, ideoque solum conspicui debuit indatum victorum ac debellatorum Spolis, unicunque tot cædium tot Victoriarum cruenta gestare debuit Tropæa, quæ interiori Aræ nullo modo conveniunt, quæ nunquam cæde Victimarum eruentata, nunquam impositam conspexit hostiam, in rarissimis tantum casibus Cornua habuit sanguine tincta, uti suo loco videbiimus; nihilominus tamen eadem gesit insignia cum exteriore Ara, uti cuiilibet notissimum, quæ si cladis & cædis fuissent tropæa, nusquam, nisi in loco ubi peractæ, conspicui

Bbb 5

de-

debuissent; Neque concipio quale monstrum Leonis cornuti ac cuiusdam quasi Hammonis nullis in terris conspecti neque conspiciendi nobis depingat Villapandus; Loco Jes. XXIX. 1. ad quem sine dubio respicit, per אַרְיָאֵל Leonem Dei *s. fortē*, non intelligitur Altare, uti Chaldaeus Interpres somniat, sed ipsum Tempulum, & quod sequitur קָרְתָּה per appositionem explicandum, *væ templo* & *væ Civitati*, *væ monti Zion* אל, qui maxime celebris in civitate ac sanctissimus ejusdem fuit locus; conser comma 8. quod nullam dubitationem post se relinquit. Etiam Ezech. XLIII. 15. basis Arae holocaustorum vocatur הַאֲرָאֵל quod non sonat Leonem Dei sed montem Dei, qui locus altus fuit quatuor cubitos, itaque dictus, quoniam ipsa Ara Deo sacra illi superstructa, cum alias Arae idololatrarum in montibus erigerentur. Sit tamen, Aram immanis Leonis ad instar Victimas sibi objectas devorasse, ossa commoluisse, cuncta in cineres redigisse, ideoque à Spiritu S. nomine Ariel insignitam ob insatiabilem rapacitatem: ubi unquam exauditum, Leones spolia devorata prædæ quasi in Triumpho portasse, sive Tropæis boum, hircorum &c. ornatos superbiisse? Num Altare solum sine ulla ope aliena, absque igne, ligno, ministris, instrumentis sacrificiorum

rum &c hostias cecidit? num verò locum
spatiumque tantum concescit, ad hostes
jam devictos cæsosque planè consumen-
dos? nilque nisi tristes eorum exuvias
exanimaque cadavera recepit, adeoque
ad palmam reportatam exiguum quid con-
tulit? Sed opera pretium vix erit ejus-
modi commentum longius ac seriò refel-
lere, sua sponte enim concidit, si Cor-
nua Aræ non veram Arietinorum vel Tau-
rinorum habuere figuram, sed corpora
fuere quadrata &c. uti §. VII. sat prolixè
ostensum, hæc nec ipse Villalpandus, si
ipsi in mentem venissent, pro Tropæis
sumisset.

§. XI.

Nec majori Veritatis specie sese com-
mendat illa sententia, qua rationem Cor-
num in Ara eam fuisse existimat, ut illa
usum præberent ansarum, quas manu pre-
hendere possent rei ad Aram tanquam A-
sylum confugientes, ut sese subtraherent
imminenti exitio. Licet enim ex exemplis
quibusdam infra elucidandis constet, Cor-
nua ejusmodi Refugium revera præbuisse
ac apprehensa à reis fuisse, dici tamen vix
poterit, hunc fuisse scopum in iis erigen-
dis præcipuum, sed tantummodo unam
ex sapientissimis, quas Deus O. M. sibi
proposuerat, rationibus, qua sola in se
con-

considerari ac à cæteris ceu unica & sufficiens sejungi nec potest nec debet, cum ad Asylum præbendum ejusmodi Ansæ non absolute fuerint necessariæ, non magis ac aurum quo erant obductæ, fugiens quippe ad Aram ejus Angulos, et si Antis carentes, amplecti manuque quodammodo arripere, vel integrum corpus ad basin provolvere potuisset. Præter hæc Altaris aurei aditus nec omnibus promiscue uti aræ exterioris in hoc casu patuit, neque locum Asyli præbuit, sed solis sacerdotibus cultus quotidiani tempore adeundum fuit, adeoque nullum ad id erat refugium nisi summo discrimine certissimæ clavis, & tamen hoc Altare cornibus æque exornatum fuisse, ac si omnibus ad aditum expositum, certissimum est, cornua ideo incassum gesisset, si nullum alium scopum quam hunc habuissent.

Nec felicius divinant existimantes, Ansas s. Cornua Arae fuisse addita, ut velamina, quæ illi superimposita cum castra moveant Israelitæ, elevarentur à foco aræ, dum portaretur; Nemo dubitabit quin vela, quibus Ara obtecta ansis parumper sustenta fuerint, ansæque sub iis protuberant; In hoc verò rationem præcipuam confitente nemo facile concedet, cum è jam allegatis Josephi & Talmudicorum testimoniis liqueat non tantum Aras Tabernaculi,

culi, quæ mobiles variisque migrationibus obnoxiae, sed quam maxime Aræ in utroque Templo, quæ immotæ fixæque adeoque nunquam velis obvolutæ fuerunt, ansas s. Cornua habuisse.

Nec probabilius eorum opinio, qui statuant, Cornua hæc eo inservisse, ut Sacerdos hostiam forsan reluctantem iustumque devitare nitentem iis alligaret; Nusquam enim in Divinis sacrificiorum constitutonibus, quæ vel ad minimas usque circumstantias enarrantur, vola vel vestigium extat de adligandis ad Cornua victimis, quæ insuper nimis debilia fuissent, impri-
mis illa in Altari æneo Tabernaculi, ad impetum reluctantis Tauri inhibendum vel frangendum; neque unquam victimæ in altari aureo oblatæ, multoque minus ansis ejus adligatae fuerunt.

§. XII.

Fruditissimus JOH. SPENCERVS Lib.
III. cap. 4. Diss. I. longè ab iis, quæ ha-
ctenus recensitæ, diversam rationem com-
mentus est, cur Deus O. M. aræ sibi di-
catae Cornua imponi voluerit, eo quod, in-
quit, *Cornua diu ante Mosis etatem, tan-
quam religionis, roboris, majestatisque indi-
ces altaribus addita fuerint, itaque Deum in
hocce instituto etiam tempore antiquo-
rum opinioni ac consuetudini aliquid de-
disse*

disse videri. Fateor Spencerum in refutandis aliorum sententiis de hac quæstione mihi multo accuratiorem ac solidiorem videri, quam in adstruenda propria hac sua opinione; eam uti omnia, quæ in eruditissimo opere magnis congesta acervis reperiuntur, ad præconceptam suam opinionem, quæ satis nota, reducere, summo nisu conatur, sed frustra nisi turpiter fallor. Prima eruditiss. Viri ratio, quod *Cornu*, potentia, dignitatis, roboris, symbolum seculis antiquis habitum fuerit, optumè sese habet, eamque ipsemet ego supra ex Veteris monumentis breviter elucidatam dedi; Largior etiam, seculis vel Mosen antecedentibus, quod licet evidenter probatum nondum sit, ex Job. XVI. 15. & Deut. XXXIII. 17. non admodum obscure colligitur, nullo autem modo cum Spencero ex monumentis profanæ Antiquitatis quæ omnia Mose longè juniora; largior inquam iis seculis, *Cornu* ea omnia, ceu emblemata haud longè quæstitum ac unicuique sponte ac natura-liter sese offerens, notasse, num inde sequitur vel Clar. Vir ostendere potuisset, statim Cornua ceu roboris ac majestatis symbola à Numinis s. veri s. falsi cultori-bus Aris imposita, ac sub iis Numinum potentiam ceu in typo fuisse adoratam? Quod autem Cl. Vir addit, Cornua Religio-

gionis notam fuisse ac sanctitatis, haud sibi constat; quod enim Numinibus dicata & de sacris Arboribus fuerint suspensa, probè scio, sed hoc non idèò factum, quod aliquid iis inesse crediderint sanctitatis, sed sacra illa fecerunt Gentiles ceu Spolia, tropæa ac totidem monumenta cæsarum ab se victimarum vel etiam beluarum, ad gratum erga Deos testandum animum, quos hoc more iis honorabant partibus, in quibus præcipuum bestiæ dum viveret robur constituerat. Hammonem, Bacchum, Isidem &c. Cornua gestasse, non ob Sanctitatem iis afflictam, sed ob potentiam &c. vel alias ob causas magis occultas, mythologici nos docent Scriptores, vide inter veteres Phurnutum de Nat. Deorum cap. 9. & 30. & Hyginum cap. 133. ac 145. inter recentiores Summum Virum Ez. SPANHEMIVM de Præst. Num. Dissert. VII. pag. 390. seq. edit. Londin. qui instar omnium esse poterit. Monarchas uti Alexandrum, Neironem, &c. Cornutos in Numinis representari adfectasse certissimum est, non verò Sanctitatem vel Religionem hacce Corona sectasse aut posteritati innuere voluisse, sed magis ementitam stirpem cœlestem Originemque Divinam ab Hammonie &c. mortalibus persuadere totis viribus fuisse conatos, nec minus certum est. Melius ergo Spencerus meo quidem arbitrio
di-

dixisset, Cornua Divinitatis, summique honoris in Theologia Gentili fuisse notas, quam Religionis aut sanctitatis.

§. XIII.

Secundum quod adducit Vir. Clar. argumentum, ex eo quod Deus O. M. Mosi simpliciter dixerit, *Ego facio Cornua ejus super angulos ejus*, sine ulla descriptione nec figuræ nec dimensionis Cornuum, ideoque præsupponere rationem ac modum erigendi in Aris Cornua ex more Gentilium fuisse notissimum, ut ampliori descriptione non indiquerit, &c; non magis procedit ac primi; Non enim nego figuram ac magnitudinem horum Cornuum Mosi fuisse benè notam, sed nullo modo ex aris Aegyptiorum, sed ex Typo, quem in monte viderat ab ipsa Dei manu haud dubiè sibi ob oculos repræsentatum, unde prolixiori delineatione verbis expressa opus non fuit, ut sine exceptione nos docet locus Exod. XXVII. 8. Quid enim? num summa sapientia in extruendo atque adornando sibi terrestri sanctuario operam lufisse adeò infra humanam sat vulgarem sapientiam Spencero videtur, ut primò omnes partes imò totam figuram Vasorum Sacrorum à Gentium cærimoniis tum temporis notissimis mutuo sumserit, secundò tamen nihilominus artifices peritisimos peculiari

ari scientia divinitus ad hæc opera ritè perficienda illuminaverit, ac ipsum Mosen summa cura per sat longum temporis spatium viva instruxerit voce, imò ut eò melius omnia perciperet, ectypum clarissimum ipsi vividissima sub imagine ob oculos pinxerit usque ad minimas partes ac minutias omnis adparatus sacri; Num credibile est, Mosen omnia cætera S. Ministerii vasæ prolixè atque admodum sollicitè descripsisse, de solis Cornibus ita succinctè ac obiter mentionem facere, quia fuerint res notissima è ritibus Gentium? Non planè sic sese habet. Cornua enim non per se vas aliquod Sacrum ab aliis erant distinctum, quod proinde eorum fabrica adeò sollicitè enarrari meruerit, sed fuere pars Altaris ex reliquo corpore ejus protuberans, eodemque opere continuato producta, ideoque unum idemque corpus cum illo constitueré. Deinde quam succincta quæsto est totius Aræ exterioris descriptio Exod. XXVII. 1-9. quæ multa subintellecta atque ex typo in monte exhibito supplenda post se reliquerat; Quam brevis Lychnuchi ac mensæ aureæ delineatio Exod. XXV. cum tanto adparatu Vasorum variæ figuræ atque usus ad ea pertinente, quæ tot ac tanta industria Interpretum ac Antiquariorum S. indaganda adhuc relinquunt, ut eorum vera quoad T. III. P. IV. Ccc omnes

omnes partes figura nunquam indubitate demonstrari poscit, nec unquam demonstrata fuerit. Nunc arrige aures B. Lector ad ea, quæ Vir D. addit in sequentibus, scil. Cornua ante Mosis ætatem summo in honore imo religiosi cultus notas fuisse exinde patere, quod Moses cornuta facie de monte descendisset, ut dignatione majori à populo acciperetur. Quæ adeò monstrosa sunt, ut nesciam an cachinnorum indignatione digniora, nunquam saltum credidissem, Spencerum hisce somniis, B. Hieronymo primum visis, deinde à plebecula ministerio pictorum receptis, quæ Mosen Hammonem quandam cornigerum nobis sистunt, fidem tribuere potuisse, nisi ex diligentí lectione erudití sui operis simul perspectum mihi foret, Clar. Virum sapientissime sine discrimine quæcumque stupenda eruditio sibi suggerebat, invitè ac obtorto collo ad hypothesin suam fulciendam rapere, ut non raro parum constet, num serio rem ageret, num joco; Quæ autem allegat exempla Capitum Cornibus ornatorum in nummis Vet. supra jam à nobis fuere explosa.

Tandem, tres Gentilium errores circa Cornua admissos, Deum O. M. notasse, iisque Cornua in Altari sibi sacro opposuisse, contendit Vir D. Primo, Mosen justisse quatuor tantum Cornua in Altari erigere pro

pro ingenti numero Cornuum , quibus Gentium Aræ fuere decoratae ; sed Aram ejusmodi tantum unica vel ut plurimum binas , Deliacam scil. & Ephesiam fuisse , nos suprà §. VII. ex Veterum scriptis adnotavimus , quæ idcirco ceu insolitum ac monstri quid à Poetis decantatae ac Plutarcho miraculis mundi annumeratae , Deum Israelis minimè sollicitum habuere , ut atro carbone notarentur , quum etiam , quantum judicare possumus , instauratione cultus Levitici multum fuerint recentiores . Secundò , Ara Mosaicae Cornua ex eadem materia confata Deum voluisse , ad distinguendam illam ab aris Deastrorum , quæ Cornua Victimarum habuere ad pensa , vel ex iisdem integræ fuere exstructæ ; quod quidem non negamus ; attamen nos in præcedentibus ex Vet. monumentis Aras Gentilium vidimus , quæ ex eadem materia productas habuere ansas . Tertiò , Deum in solis Ara suæ angulis collocari voluisse Cornua , ut distincta sit ab Aris idolatriæ dicatis , quæ Cornua habuerint in lateribus ac recessibus interioribus posita , ad quod firmandum iterum ad Aram Deliacam tanquam ad sacram confugit anchoram , quæ scil. Deum commoverit , ut Altare suum tanto terrarum , marium , forsan & seculorum intervallo ab Deliaca aram semotum , huic tamen summa cura indu-

friaque opposuerit, ac Israelitas, qui nunquam illam viderant nec visuri erant, hac lege abominandam Religionem Deliaci Apollinis in cornea ara culti edocebat. Quis quæfō sanæ mentis hæc aliaque similia Spenceri concoquere potest? Totam denique Viri D. hypothesin funditus eversam sine ulla restitutionis vel levissima spe, nemo dubitabit, si verum, quod supra nobis observatum, cornua scil. Altaris figuram non summisse à bestiarum cornibus, sed alijs figuræ fuisse ansas, totum quippe Spenceri ratiocinium unico hoc stat pede, Cornua Aræ veram habuisse Cornuum bestiarum figuram, quod non semel repetit.

§. XIV.

Parum ergo his omnibus conjecturis & Spenceri & aliorum Doctorum mihi se ferme adprobantibus, quum longius à veritatis tramite aberrent, quid mihi tandem videatur hac in re, paucis restat demonstrandum. Usum Altaris Cornuum inventio triplicem, scil. Ornamenti, Expiationis, & Asylū, è quibus postremus in aram interiore s. thymiamatis non cadit, priores verò illi cum exteriore ara fuere communes.

Primum itaque scopum, cur Deus O. M. in Ara ad cultum suum parata ejusmodi extre-

extremitates elevatas Coravum ad inslar exhiberi jussierit, fuisse censeo, ut illæ Aram ornatam spectabilemque redderent. Observante enim SANCTIO apud Clar. CRAMERVM, Cornua è quatuor Altaris angulis sursum extabant ceu totidem columellæ, quæ ad speciem ornatumque aliquid addebant haud vulgare, aptissima sanè erant ad nescio quid dignitatis, celitudinis ac reverentiaz propius ad aram accedentibus incutiendum eorumque pectora pio sanctoque tremore perfundenda. Quod vero Clariss. CRAMERVS adit, Cornua non tantum speciem sed etiam munimentum Aræ angulis præbuisse, ne forte lacerentur, æquo judici non arridebit, omnibus ritè expensis, quod tamen pace Doct. Viri dictum volo; præterquam enim, quod sat manifestum videatur, Angulos nudos non æque fragiles injuriæque fuisse obnoxios, ob soliditatem operis laminis æneis ac aureis obducti, ac cornua ipsamet fuissent fragilia ceu corpora supra reliquam Aram sat prominentia, ideoque magis debilia variisque casibus exposita, præsertim in Aris tabernaculi, quæ ambulatoriaz quam maximiæ erant. Præterea hoc munimentum Aræ angulis per Cornua præbitum cadere nequit, nisi in Altare æneum Bezaleelis, quod portatile viatorum Israelitarum per

immensa Arabiæ deserta assiduus comes, spatio 40. Annorum nulla certa gaudens sede, atque etiam post subactam terram Promissionis non rariss migrationibus expositum, atque ob id ipsum commoda nec nimia mole fabrefactum fuerat, quod tamen ob frequentes sedis mutationes pro angulis suis ejusmodi munitamentis indiguisse quodammodo ex mente Viri Clar. videri posset. Hoc verò nullo modo convenit Aræ exteriori nec primi nec secundi Templi, de qua tamen Vir. Cel. doctissimum suum opus inscripserat, quæ uti cuilibet notum, neutiquam portatalis, sed fixæ immotæque sedis, ac immanis ponderis moles lapidibus solidissimis extructa, adeoque ejusdem anguli contusioni non expositi erant, ut inde ratio nulla esse potuerit, illis de munitamentis tam sollicitè prospiciendi, iisque quasi vallum, turre & propugnacula imponendi, quorum hoc sensu nullus erat usus nullaque necessitas.

§. XV.

Secundum Cornuum in utroque Altari usum hunc fuisse existimo, ut illis Victimæ Piacularis crux illineretur. Ipse Deus O. M. in recitandis prolixè Legibus Sacrificiorum hunc iis assignat usum, expressè Sacrorum ministris hanc adspersionem

nem mandando. Exterioris Aræ Cornua
adspergi debuere sanguine piacularis hos-
tiæ pro peccato Principis oblatæ Levit.
IV. 22 - 26. nec non sanguine ejusmodi
Victimæ pro peccato hominis privati ad-
ductæ , ibid. v. 27 - 35. Iisdem quoquæ in-
spersus sanguis juveni piacularis jugulati
eo die , quo ipsum Altare cum omnibus
Vasis integroque apparatu sacro initiatum,
vasa & utensilia inungebantur oleo S. Al-
tare autem oleo & sanguine Lev. VIII.
11-15. Sanguis vituli piacularis , quo Aron
ministerio suo inauguratus itidem Cor-
nibus debuit adspergi , Lev. IX. 9. nec non
sanguis mixtus juveni & hirci , qui sol-
leanni die magnæ expiationis in piaculum
familia Aronitica totiusque populi cæsi ,
Lev. XVI. 18. confer Joma Cap. 5. Seba-
chim Cap. 5. in ejusdem Aræ Cornua spar-
sus crux juveni expiatorii pro peccato
Summi Pontificis Lev. IV. 7. ac Juveni piacu-
laris pro culpa integri Populi jugulati
ibid. v. 18. Ita apud Ezechielem cap. XLIII.
20. Altare mysticum in mystico Templo
extructum initiandum à Deo mandatur ,
sanguine juveni imposito quatuor Aræ
cornibus & quatuor angulis ambitus &
crepidini. Omnia igitur Hostiarum piacu-
larium pro peccato cæsarum sanguis Al-
taris Cornibus debuit adspergi , hac distin-
ctione observata , ut earum , quæ esui im-

molantis concessæ, sanguis sparsus sit in Cornua Aræ exterioris, residuum verò ad fundamenti latus meridionale effusum à Sacerdote è cingulo Aræ redeunte; Sanguis verò piacularium Victimarum, quæ extra Castra s. urbem comburendæ à Sacerdote spargendus erat versus Velum ac super Cornua Aræ Aureæ, juxta dictum Pauli Heb. XIII. 11. residuum verò Altaris holocaustorum fundamentum occidentale hausit. Judæi obseruant Gem. Sebachim fol. 53. piaculum ex quadrupedibus Aræ Cornibus deberi, ejusque sanguinem non posse spargi nisi in ipsum corpus Cornuum, quæ propterea concava varieque fure perforata, ut sanguinem haurire penitusque absorbere valerent, uti Clar. CRAMERVS loc. cit. cap. V. §. 5. observat ex Sebachim fol. 54. ubi R. Cahana ait; *Lapides Cornuum excavati erant, eo quod dictum est Zach. IX. 15.* & implebuntur uti pelvis & uti anguli altaris; neque obstat, quod & hic Deus lapidibus integris uti jusserrit; nam baculos tenues cornibus dum struuntur, interponunt, illosque postea auferunt; Antiqua sine dubio hæc traditio, nescio tamen, num sat accurata, cornua quidem fuisse cava certum duco, hujusmodi tamen baculis in struendis Aræ Cornibus opus fuisse haud video, cum Cornua non aliunde assuta, seu calce ac cimento angulis

gulis fuere agglutinata, sed ex ipso lapi-
de, qui quemque constituebat angulum,
exsurgere parsque ipsius esse debuere,
ideoque malim credere, eanon nisi unam
cavitatem in medio perpendicularem us-
que ad certam profunditatem habuisse,
uti §.VII. ostensum; neque hi baculi in
constructione Cornuum aureæ Aræ adhi-
beri poterant, cuius Cornua facilius adhuc
continuato opere ex angulis lateribusque
ligneis exsurgere atque excavari vel à sum-
mo ad imum potuere, neque perforari ea ne-
cessum erat, ut sanguis piacularis transma-
naret, cùm ille sat parcè minimaque quanti-
tate extremo tantum sacerdotis digito ca-
vitiati inditus lateribus ac summitati Cor-
num fuerit illinitus, adeò ut nimia sua
copia Cornua obruere haud potuerit.
Quicquid sit, certum tamen, Cornua in u-
traque Ara fuisse adaptata ad recipiendum
huncce sanguinem, eaque ideo Altari
summe fuisse necessaria ob egregium hunc
usum, quem sacrificiis expiatoriis præ-
buere, hinc inter necessarias Altaris par-
tes, quibus carere minimè queat, recen-
sentur à Judæorum Magistris Succa fol. 49.
Sebach. fol. 62. *Cornua, clivus, fundamen-*
tum & forma quadrata adeò Aræ sunt neces-
saria, ut sine illis nequeat esse legitima &c.
Quisnam fuerit modus spargendi sanguini-
ni super hæcce Cornua nos docent Ju-
Ccc 5 dæi

dæi in Joma cap. V. §. 5. ejusque loci
Commentatores. Scil. Sacerdos digitos
sanguine intinctos supernè elevabat ad ver-
ticem usque cornu Euroborealis, ibi enim
incipiebat, sanguinem ei imposuit incipi-
endo à summo ejus vertice ac descen-
dendo ad infimam ejusdem partem, id-
que ne sanguis deorsum per brachia ma-
nans tunicæ manicas fædaret, quod alias
factum, si ab imo incepisset ascendendo ad
verticem usque; inde eodem modo irro-
rabat cornu Boreale ad Zephyrum ver-
gens, inde asperso cornu Notozephyrino
ad Euro-Australe aspersioni finem impo-
nebat. Hicce ordo observatus ad Aram
auream in sollenni adspersione die expia-
tionis, in piacularibus vero ordinis com-
munis nec non hirci in novilatio oblati
de quo Num. XXVIII. 15. ac sollennum
festorum victimarum sanguine, cornibus
Aræ exterioris non minus adspergendo,
uti hi volunt, ordo erat inverlus, ascen-
dens enim Sacerdos per clivum Altaris ad
dextram fese vertebat, quod inprimis in
Ministerio S. observandum erat, judice
Obad. de Bartenora ad h.l. ideoque venie-
bat ad Cornu Euro australe, eoque ad-
sperso accedebat ad Euroboreale, inde ad
Boreale Zephyrinum ac tandem ad Noto-
zephyrinum, uti perhibent Thalinudici
in Sebachim Cap. V. §. 3.

§. XVI.

§. XVI.

Tandem Altaris Cornua refugium ac
ἀσύλον præbuere ad ea refugientibus ea-
que tenentibus; quod de Ara exteriore
tantum accipendum esse, nemo non videt,
quum aditus ad Altare aureum cuilibet,
etiam sacerdotibus extra tempus eorum
ministerii s. sacri s. alio modo necessarii,
fuerit interdictus, sub præsentis exitii pœ-
na. Aram ipsam tale refugium præstissee,
licet expressis verbis Lex Divina illud de
Ara haud constituat eo modo quo de יְהוָה
תְּמִימָה, recte tamen colligitur, hoc refu-
gium ceu vetustissimam confuetudinem
apud Israelitas fuisse receptam ac tacita
concessione à summo Legislatore tolera-
tam, ex verbis Exod. XXI. 14. *cum quis
arrogaverit contra proximum suum occidendo
eum astu, etiam ab Altari meo rapito illum ad
mortem.* Homicidæ ergo aliique culpæ ali-
cujus sibi concii ad aram configere poter-
rant, & ab ea qui innoxii vel inviti tales
extitere liberi ac immunes constituti erant,
noxii autem frustrâ ibi salutem quære-
bant, cum vel inde ad supplicium rapiendi;
unde pater, eum, qui ex errore vel ca-
su fortuito alium interemerit, ad aram oc-
cidi non potuisse, sed si à vindice sanguini-
nis ibidem cæsus, vindicem ipsum capite
id luisse, plane ac si in urbe refugii id ac-
cidis-

cidisset, uti observat Majemonides Hilcot Rozeach Cap. V. Qui autem legitimè ad Aram receptus, ad eam non diu confistere poterat, sed coactus confessum in aliquam urbem refugii discedere, custodibus publicis cò conductus, ut à vindice sanguinis intactus evaderet, observante eodem Majemonide. Quibusnam reis Altare præbuerit refugium, Magistri Heb. definiunt, quod sint מחריב נרוּת rei exilii i. e. in quorum gratiam refugii oppida erant instituta, quorum genera describunt in Massec. Maccoth cap. II. toto, nescio tamen num sat accurate, cum hancce prærogativam ad solos restringunt sacerdotes, quod sane minus recte colligunt ex Targum Uzielidis ac Hierosolymitano, qui plane contrarium adstruunt, prior enim ad locum Exod. XXI. 14, ita בְּהֵן הָא אֱלֹהִים כִּי מַשְׁמֵשׁ עַל גְּבַר מְרֻכָּה licet sit sacerdos vel ministrans super Altari meo; Alter hunc in modum commentatur, בְּהֵן הָא בְּהֵן רְכָא licet sit sacerdos maximus, imò nec aliter liberasse ipsos sacerdotes perhibent, nisi eo ipso tempore, quo sacriss operam dabant. Id quidem verum, sacerdotibus præcipue Altare præbuuisse Asylum, cum ipsi proximi omnium Israelitarum circà illud versati, ipsisque quotidie illud aedundi potestas fuerit in ordine ac vice Ministerii sui, ideo tamen nemini alii id patuisse

tuisse refugium contra Legem Divinam pugnat, cum citata verba generalia sint, quæ ad solos sacerdotes strictè referri nequeunt, nec non Joabi atque Adonia exempla, de quibus mox, longè aliud clarè monstrant; nec minus falsum, quod Majemonides loc. cit. hocce privilegium foli Aræ Templi vindicat, uti & Gemarici in Maccoth fol. 12. et si enim Joabum meritò periisse affirment, cum neque fuerit Sacerdos & tantum ad Aram Tabernaculi Templo nondum existente confugerit, quid de Adonia fiet? qui eandem ad Aram salutem quærens, servatus; neque Legis Exod. XXI. verba de Ara Templi, sed de quacunque Deo sacra ac in primis de Tabernaculi ara fuisse pronunciata, nemo non videt.

§. XVII.

Sed dices B. Lector, probè hæc dicta de Altari, quid verò ad ejus Cornua? Ingens quid! Altare quidem ob sanctitatem, qua, eeu mensa Dei O. M. ac focus omnem peccati labem typicè expurgans, pollebat, reos servare poterat, ejus autem Cornua sanctitate omnes reliquas Aræ partes longe antecedebant, utpote Sacrificiorum pro peccato atque sacrosanctorum sanguinem expiatorum singulari prorsus ratione absorbentes ac intra se recipientes,

tes, in reliquis autem adspersionibus sanguis in aræ tantum superficiem sparsus. Multis ostendit Majemonides in Hilc. Ma. Hakorb. Cap. VIII. Sacrificia pro peccato omnes alias hostias sanctitate superasse, quod etiam colligendum ex mandato Divino Lev. VI. 27. quo lavari jubetur omnis vestis vel gutta sanguinis piacularis commaculata, inde ea Altaris pars, cui hicce sanguis adspersus, necessariò pro sanctissima censenda; Magistri Judæi hinc in Gem. Joma fol. 85. perhibent, Altare non aliter servasse reos, nisi supremum ejus verticem ascenso, i. e. versus Cornua, quæ cum superficie sanctissimas ejusdem constituerent partes; quem ascensum autem perperam à prehensione unius vel alterius Cornu distinguunt, quem enim alium in finem aram conscendisse supplices crederemus, nisi salutem in sanctissima ejus parte quærentes; at quænam sanctior ipsis Cornibus? quidnam manubus supra verticem vel supra aræ circuitum protensis propinquius ipsis Cornubus? hæc ergo temere haud sunt distinguenda. Porro non adeò certum, num sola super Altare ascensio salvos fecerit supplices, num verò proxima demum ad illud adjunctio & quidam ejus amplexus, quum verba Exod. XXI. 14. sonant מִבְחֵר תְּקַנֵּן ab alari meo auferto illum non מִלְ' a super vel a sum.

summitate, quod haud obscurè, ni fallor innuit, conjunctiōnē cum ara quam arctissimam tantum salutē p̄abuīsse quibusdam supplicib⁹, quam aliis negaverit, in quo etiam nobiscum consentientem habemus Majemonidem Hilc. Rozeach. Cap. V. H̄æc cūm Ara arctissima conjunctiō ejusdemque amplexus quam maxumē consistebat in prehensione Cornuum, ad quod alludit locus Jes. XXVII. 5. infra considerandus, ad Aram ideo refugium sibi quārentes, si nulla alia obstitit ratio, statim cornua prehendebant ad majorem securitatem, quod clare edocent insignia exempla duorum capitalis noxæ reorum; Prius est Adoniae I. Reg. I. 50. qui regnum affectans sub extremis Davidis Parentis diebus, Joabi consiliis haud dubie adjutus, deinde nuncio Salomonem jam follenniter Regem proclamatum perterritus & ab eo sibi capitique suo justum metuens exitium, abiens prehendit Altaris Cornua, non inde abiturus nisi Regis juramento certior factus, Consilium suum sibi damno haud fore, quo etiam facto descendere eum fecerunt **לְעַד** à *summitate Altaris*, deductusque ad Salomonem Imperii consilia abiciens in pace fuit dimissus; Huic ergo adjunctio amplexusque Altaris ac prehensiō Cornuum saluti fuere, licet postea à Fratre, ob petitionem indecentem

tem Regni novam affectionem ac male-
fanam spirantem libidinem, oppressus sit.
Posterius exemplum i Reg. II. 28. nobis
narratum, disparem exitum irritumque
ad Aræ Cornua refugium exhibit; Joa-
bus rei bellicæ Præfectus, at non unius
sceleris reus, ideoque à Davide moriente
ad vindictam Salomoni commendatus, au-
dira Adoniæ, quem semper clam foverat,
cæde, idem ad Asylum, quod non longe
antea precarium Regem vindictæ eripue-
rat, confugit, parem ibi quærens salu-
tem; quo auditio Salomon capitis reum re-
nunciavit Joabum, ob duplœ cædem
summa indignitate ac Punica perfidia per-
petratam, Abneris scil. 2 Sam. III. 27. ac
Hamasæ ibid. cap. XX. 10. ob læsæ Majes-
tatis crimen, consiliaque pernicioſa Ado-
niæ suggesta, aliaque scelera forsitan nobis
ignota, ideoque juxta mandatum Divi-
num Exod. XXI. 14. judicans, Cornua Alt-
aris ab ejusmodi scelerato contaminata,
eique Asylum minimè præbere posse,
Benajam Vindictæ suæ ministrum in Joa-
bum immisit, qui loci sanctitatem cruento
tam scelerati hominis polluere metuens
illum egredi jussit, quo renuente ad Re-
gis jussum iteratum Benaja ascendens in
Altare gladio jugulum supplicis haufit; a-
deoque ipsum Altare, in quo reus sine du-
bio constitutus, nec cornua quæ firmiter
tene-

tenebat, debito suppicio miserum minime eripuere. Num ritè, num verò secus Altare Joabi sanguine fuerit conspurcatum, hujus loci non est inquirere; malim hunc casum valdè extraordinariis adnumerare, quæ consequentiam post se non trahunt, certum enim est Legem toties citatam id non suassisse, cum raptum rei ab ara ad supplicium non autem Supplicium ipsum ibi inferendum fanciat, quod etiam semper Judæis ita fuisse observatum ac in eorum Jure Civ. ita traditum, illorum Magistri uno ore affirmant, è quibus in primis consuli poterit Majemonides in tractatu jam sèpius allegato, ac Jalkut in Exod. XXI.

§. XVIII.

Aras Diis Gentilium erectas refugium præbuisse supplicibus inviolatum, primò innoxiis, servis dure tractatis, aliisque sceleratam violentorum hominum vim effugere nisis &c. ac non rarò etiam verè fontibus, quos inde retrahere nefas ducum, notissimum est, quare pro illa re probanda multa adducere exempla superfluum arbitror. Horum ignarus adire poterit ALEX. AB ALEXAND. Lib. III. cap. 20. Clar. CRAMERVVM loc. cit. cap. X. ac Illustrem JOH. POTTERVM Archæologiæ Græcæ pag. 210. edit. Latinæ, nec non T. III. P. IV. Ddd Illust.

Illust. SPANHEMIVM Dissert. IX. de Praest.
 Num. §. V. VI. pag. 661. qui largam præ-
 bent messem. Hoc tantum paucis discu-
 tiendum mihi sumo, quod & in eo Gen-
 tiles æquitati tantum, quantum Lex Di-
 vina Exod. XXI. jussicerat, tribuerint, ut
 agnoverint, ea sacrosancta refugia inno-
 centiæ tantum oppressæ esse dicata, Aras-
 que hanc solam à violentia injusta vindic-
 are, nequitiæ vero frustra ad illas sibi
 salutem querere; & si quando factum, id
 abusui tribuendum: quod breviter & di-
 citis & exemplis nos docet profana Veteri-
 tas. Versus Græci apud Stobæum maxi-
 mè hoc faciunt, quos citat ceu fragmentum
 Veteris Tragœdiæ: non certum autem
 num sint Euripidis, uti confidenter affir-
 mat Illust. GROTIUS ad 1 Reg. II. cum
 nec in integris Tragœdiis, nec in Euripi-
 dis fragmentis, superfint. Extant apud Sto-
 bæum florileg. Tit. 46. de magist. in ex-
 cerptis Grotianis Paris. 1623. vulgatis, in
 editione vero Wecheliana 1581. Lib. IV.
 tit. 152. sicque sonant,

Ἐγώ γαρ ὅσιος μηδίναιος ἦν ἀνὴρ
 Βαριον πεσούσει, τὸν νόμον χαλκεύ εἶω.
 Πέρος τὴν δίκην ἀγούσι αὐτῷ, εἰ τέρπεται θεός:
 Κανὸν γαρ ἀνδρα καὶ ναυῆς πάχεων αἴσι.

Hunc qui facinorum conscius, nec legibus
 Fidens ad Aras volvitur supplex Deorum,
 Tra-

*Trahere ad tribunal nulla religio mihi;
Mala semper æquum ferre qui fecit mala.*

Hinc dictata Rationis audientes semper
invenimus fecisse discrimen quoad Refu-
gii causam, ac probe distinxisse inter ma-
litiam & fortunam adversam, uti Menan-
der apud Stobæum Tit. VII.

*Ἄρχημα καὶ αἰδίνημα διαφορὰν ἔχει.
Τὸ γαρ διὰ τύχην γίγνεται, τὸ δὲ αἱρέσει.*

*Discrimen enim inter injuriam ac infortu-
nium,*

*Hoc nempe ex casu provenit, illa vero ex
studio.*

Quod confirmant Oratorum Principes,
Demosthenes in Aphob. Orat. 2. *Δίκαιον
δὲ ἐσ' ἐλεῖν, ὃ τες ἀδίκεις τῶν ἀνθρώπων, αἷλα
τες παραλόγων δυναυχνύνται.* *Justum est miser-
eri, non injustorum hominum, sed inscienter
inviteque infortunio vexatorum;* & M. Tullius de Invent. Lib. II. cap. 36. *Eorum mi-
sereri oportere, qui propter fortunam non
propter malitiam in miseriis sint;* ac Antiphon Orat. XV. pag. 134. ed. Wechel.
*τὸ δικαίου αἰμάτημα τῆς τύχης ἐστι, τὸ δὲ ἐνγά-
τριον τῆς γνώμης; involuntarium facinus pecca-
tum est fortunæ, voluntarium verò propositi.*
Hinc Pythius Apollo juvenem, cuius fer-
rum à latrone aberrans socium jugulave-
rat, bono jussit esse animo, apud Aelia-
num Var. Hist. Lib. III. cap. 44.

Ddd 2

"Exter-

"Εκτενας τὸν ἑταῖρον ἀμύνον, ὃ σ' ἐμίανεν
Αἴμα, πέλεις δὲ χέρας καθαρώτερος, ἢ πά-
ρος ἥδα.

*Adjutans socium peremisti, nil verò pol-
luit te*

*Ista cedes, manibus magis es purus ac
antea.*

Egregia Arx Misericordiae apud Statium
descriptio nobis clare indicat, quibusnam
præbuerit refugium, Thebaid. Lib. XII.
v. 481.

*Urbe fuit media nulli concessa potentum
Ara Deum, mitis posuit Clementia sedem.
Et miseri fecere sacram. Sine supplice
nunquam*

*Illa novo: nulla damnavit vota repulsa. --
Huc vieti bellis, patriaque è sede fugati,
Regnorumque inopes, scelerumque errore
nocentes*

Conveniunt, pacemque rogant. - - -

Hanc ob causam quandoque factum, ut in-
signes nebulones ad Aras Deorum Refu-
gium quarentes, non quidem vi inde ra-
pti, ne sacrorum temeraretur Religio,
sed, quia tales supplices tutela sacrorum
indigni judicati, igne vel fame obfessi
fuerant, ut sua sponte inde recederent, vel
id nolentes illic enecati poenas luerent;
sic in Euripidis Andromacha v. 256. Her-
mio-

miōne ignem minatur Andromachæ juxta
Thetidis signum sedenti:

Πῦρ σοι προσοίσω, καὶ τὸ σὸν προσκέψο-
μαι.

Ἐγκαυτεῖς δὴ Θάνατον; αὐτὸν ἔγω σ' ἔδεισ
Ἐκ τῆς δ' εὐθυτας ἐξανασήσω τάχα,
Τοιού δ' ἔχω σε δέλεσε. - - -
Κάθησ' ἑδεῖται. καὶ γὰρ εἰ πέριξ σ' ἔχει
Τηττος μόλιθδος, ἐξανασήσω σ' ἔγω.

Ignem tibi admovebo, nec te suspiciam - -
Perferes igitur mortem? sed ego te sede
Ex hac citō volentem excitabo;
Talem habeo escam ad te eliciendum - - -
Sedeas firma; nam et si undique te teneret
Liquefactum plumbum, hinc tamen pel-
lam te.

Ad quæ vetus Scholia festes observat, ὅτι
ἢ τοῖς εἰς βωμὸν καταφεύγεσι πῦρ προσφέρειν.
Idem Tragicus in Hercule fur. v. 240. Ly-
cum introducit, qui Herculis consanguineos
ejusmodi minis ab ara depellere co-
natur,

Ἄγ', οἱ μὲν ἐλιπῶν, οἱ δὲ παρνεοῦται πτυχαῖς
Τεινειν ἀνωχθέντας ὑλαργοὺς δύσος
Κοζμίας, ἐπειδὰν δὲ εἰσκομιδῶσιν πόλει,
Βωμὸν πέριξ νήσαντες ἀμφίρητοι ξύλα
Ἐμπίπεσται ἀυτῶν, καὶ πυρεῦτε σώματα
Παντῶν - -

Agite, alii quidem in Heliconem, alii in
Parnassi valles.

*Lignatores profectos jubete secare quercuum
Truncos; postquam verò in urbem portati
fuerint,*

*Circum aram cumulantes utrinque constru-
cta ligna,
Incendite, & cremate corpora ipsorum
omnium.*

Hunc locum imitatus Tragicus Latinus,
ut Lyci rabiem in immensum augeat, eum
introducit jubentem totum Templum in-
cendio absumi, Seneca Herc. fur. v. 503.

*Complectere aras, nullus eripiet Deus
Te mihi; nec orbe si remolito queat
Ad supra victor numina Alcides vehi.
Congerite silvas, templa supplicibus suis
Injecta flagrent; conjugem & totum gre-
gem*

Consumat unus igne subiecto rogus.

Apud Plautum Theuropides ignem mina-
tur Tranioni Servo aras amplectenti,
Mostellaria Act. V. scen. I. v. 64.

*Nunquam edepol bodie inultus destinave-
rim tibi,
Nam jubebo ignem & sarmen, carnifex,
circumdari.*

Apud eundem Labrax impurissimus homo
introducitur, qui ancillas ad Veneris A-
ram refugientes flammis inde absterrere
minatur, Rud. Act. III. Scen. 4. v. 55.
Atquin,

de cornubus aræ in tabernac. &c. 784

Atquin, quia vetas, utramque jam me-
cum abducam simul.

Dæ. Quid facies? Ea. Volcanum adducam;
is Veneris est aduersarius. - -

La. Ibo hercle, aliquo queritatum ignem.
Dæ. quid cum inveneris?

La. Ignem magnum hic faciam. Dæ. Quin
ut humanum exuras tibi?

La. Imo hasce ambas hic in aræ ut vivas
comburam.

g. XIX.

Idem aliquando reipsa factum re-
fugiumque ad Templæ vel Aras sceleratis
non profuisse, nos docet Historia; Ita La-
cedæmonii hoc privilegium eludentes,
Pausaniam, qui patefactis consiliis, quæ
cum Persis adversus Patriam iniverat, ad
Minervæ Chalci fanum confugit, ibidem
fame necantes, narrante Thucydide Hist.
Lib. I. sect. 134. pag. 86. edit. Dukeri.

Πρὸς τὸ ιερὸν τῆς χαλκίοις χωρῆσαι δέομω, καὶ
προκαταφυγεῖν. ἦν δὲ ἐγγὺς τὸ τέμενος, καὶ εἰς
οἰκουμένην μεγα, ὅ. ἦν τὸ ιερό, ἐσελθων, ἵνα μὴ
ὑπαιθρίος ταλαιπωρεύηται, ησύχαζεν. οἱ δὲ, τὸ παρ-
ατίκα μὲν ὑσέρησαν τῇ διώξει. μετὰ δὲ τότο,
τῷ τε οἰκηματος τὸν ἔροφον αφέλον, καὶ τας θύ-
εας, ἔνδον ὅντα τηροῦσας αὐτὸν, καὶ απολα-
βόντες εἶσω, αποκοδρύσαν, προσκαθεύσμενοι
τε, εξεπολιοργησαν λιμῶ. Ad Templum Palla-
dis Chalcidice cursu se proripiuit & fuga infe-
Ddd 4 quen-

quentes se antevertit. fanum autem erat vicinum & in exiguum templi ediculam ingressus, ne sub dio agens incommodum pateretur, in ea se continebat. Illi verò qui eum inseguiri, tunc quidem assequi non potuere; sed postea & ipsius ediculae tectum sustulerunt, & valvas, cum eum intus esse observassent, & ingressum circumdedissent, muro obstruxerunt, eumque obsidentes fame expugnarunt. Ut tamen omni crimine in hac asyli violatione forte commisso, vacui essent Lacedæmonii, duo corpora postea Palladi pro Pausaniz cadavere persolvere, duas scil. statuas æneas ipsum Pausaniam supplicem representantes, observante eodem Thucydide in mox sequentibus, & Pausania in Laconicis Cap. XVII. pag. 252. edit. Lips. qui observat, Pausaniam Imperatorem solum ex omnibus, qui supplices ad Chalciceæ confugissent, impunem non evasisse, nullam aliam ob causam, quam quod eluere, nullis Jovi Φυξιω Absolutori, depreciationibus suscepitis, nullis Psychagogorum Phigalææ in Arcadia lustrationibus, potuissest piaculum cædis in Cleonica Virgine Byzantina quam deperibat, patratæ, et si involuntaria fuissest; vix tamen crediderim Lacedæmonios, qui patriæ proditorem quocunque modo perdere voluerant, hoc ita persuasum habuisse; Idem enim Minervæ fanum Asylum alias erat in-

inviolatum pro talibus etiam, qui jam ad supplicium damnati, uti observat Polyænus Stratag. Lib. VIII. cap. 51. ac Polybius Lib. IV. cap. 35. qui cœl immane quodam scelus refert, Ephoros in eodem fano à quibusdam adolescentibus Lacedæmoniis fuisse trucidatos. Aliam historiam violatæ Asyli immunitatis nobis tradit rursus Thucydides Lib. I. sect. 126. pag. 81. cives perduelles, qui Duce Cylone Tyrannidem affectante Arcem Athenarum vi occupaverant, sed, ea ab Atheniensibus recuperata, ad Aras Minervæ ac Eumenidum confugerant, unde nefas vi quendam abduci, jam jam fame pereuntes, custodibus sese tradidisse, sed contra datam fidem statim trucidatos, immò non nullos Aræ Eumenidum insidentes parem subisse fortem Idem Lib. III. sect. 81. pag. 215. auctor est, seditiosos apud Corcyraeos in Junonis Fanum supplices sese recipientes, partim verbis ad judicium subeundum persuasos, adductos vero capitibus fuisse damnatos, reliquorum plerosque ex arboribus laqueis sese suspendisse, ceteros in Bacchi fano muro septos fame periisse. Sic Arsionë Cleopatræ soror iussu ac ope M. Antonii in ipso Diana Ephesina fano sanctissimo miseranda periit necce, nullum ob crimen vel facinus commissum, sed quod esset soror fœminæ in-

Ddd 5 fati.

satiabili accensæ cupiditate omnia possi-
dendi solaque dominandi, uti narrat hæc
Josephus Antiq. Jud. Lib. XV. cap. 4.
Hoc semper apud Gentiles pro summo
erimine habitum, supplices licet omni in-
dignos misericordia in ipsis Templis tru-
cidare, uti notat sextus Empiricus Pyra-
rhon. Hypoth. Lib. I. cap. 14. pag. 38. ed.
Fab. παρὰ δὲ ἡμῖν ἀνθεποντὸν αἰπεισεται προς ιερῶν
Φορεύεσθαι. Apud nos vero hominem in templo
interfici vetitum est; ac piaculum reputatum
erat, Aras humano fedare cruento, nisi
quum victimæ humanæ cæderentur; hinc
Thucydides loco allegato notat, illos;
qui eives perduelles in Eumenidum Ara
interfecerant, exilio mulctatos ac εὐαγγεῖ
καὶ ἀλητήριον sceleratos ac impios una cum o-
mni posteritate fuisse vocatos. Distinctio
hæc tamen probe observanda, è quibus-
dam fanis s. Aris abripiere supplices qua-
lescumque nefas fuisse, id vero in aliis li-
cuisse, hoc nos edocet Servius ad Æneid.
H. v. 761. Junonis Asylo. Templo, unde
nullus poscit ad supplicium extrahiri: Dicitum
Asylum quasi Asyrum, hoc autem non est in
omnibus Templis, nisi quibus consecrationis
Lege concessum est. Alii Asylum ideo dicunt,
quod nullus inde tolleretur, i. e. quod συνδεδο-
abripi nullus inde poterat, vel quod fugient
illuc spolia non detraharentur, σῦλα enim gra-
ce aut furta aut spolia dicuntur: Ab his
quia

quia vi avellere nefas, igne vel fame supplices pellere nunc sævitia, nunc vindictæ libido, nunc etiam ipsa justitia non raro excogitavit. Sed ab aliis Fanis, quibus speciale hoc consecrationis in Asyla privilegium non erat impertitum, abducere licebat supplices, non quosvis tamen, sed graviorum reos criminum aut servos fugitivos. Ipsa fanior ratio ac id genus Asylorum primitiva hoc docuit institutio; Hinc Minerva ad Orestem supplicem, qui ad simulacrum Divæ jussu Apollinis confrgerat, ita fatur, apud Aeschylum Eumen.

V. 442.

Εἰπὲ πεποιθὼς τῇ δίκῃ, βρέτας τόδε
ῆσαι Φυλάσσων εἵσις αἵμης πέλας.

Si quidem justitiae causæ tuæ confessus, hoc
simulacrum

Sedens amplexus, prope aram meam.

Idem innuit memorabile dictum apud Thucydidem Lib. IV. sect. 98 pag. 296.
Καὶ γὰρ τῶν ἀκεσίων ἀμαρτημάτων κατὰ Φυγὴν
ἔνει τὸς βαρύς, παρενομίαν τε ἐπὶ τοῖς μὴ ἀ-
νάγκην παιοῖς ὄνομαθῆναι, καὶ ἐκ ἐπὶ τοῖς αὐτοῖς
τῶν ξυμφορῶν τὸ τολμηστι. i. e. Etenim deli-
ctis non voluntariis Aras esse refugium; Sce-
lerisque nomen impositum illis flagitiis, que
quis nulla necessitate compulsus committit, non
autem illis, que homines rebus adversis coacti
committere audent. Apud Diodorum Sicu-
lum

lum Lib. XIII. pag. 157. edit Rhodoman. Gylippus Laco in Syracusanorum concione contra Athenienses captivos de Jure Supplicum differens inquit; οἱ γὰρ ἀπ' ἀρχῆς τὰ περὶ τούτων νόμιμα διατάξαντες, τοῖς μὲν δισυγχώσταις τὸν ἔλεον, τοῖς δὲ δια πονηρίαν αδικήστι εταξαν τιμωρίαν. i. e. Nam qui principio Leges de his constitutas tulerunt, calamitatis misericordiam, & sceleratè delinquentibus supplicium decreverunt. Inde Tiberius Cæsar, crescente inter homines indies nequitia, quæ non raro impunita manebat ob Asylorum opportunitatem ac frequentiam, abolevit vim moremque Asylorum, narrante Suetonio in Tib. cap. 37. vel certè, si non plane vel omnia abolevit, modum iis adhibuit, uti narrat Tacitus Annal. Lib. III. cap. 60. ex quo illustrandus, uti sape alias, Suetonius; ita ille, Crebrescebat enim Græcas per urbes licentia atque impunitas Asyla statuendi; complebantur Templa pessimis servitorum, eodem subsidio obœrati adversum credutores, suspectique capitalium Criminum receptabantur, nec ullum satis validum imperium erat coercendis seditionibus populi, flagitia hominum ut cærimoniæ Deum prætegentis. Igitur placitum, ut mitterent Civitates Jura atque Legatos; & quedam quod falso usurpaverant sponte omisere; multæ vetustis superstitionibus, aut meritis in Populum Romanum fidebant. & Cap. 63. idem ita:

ita; Factaque senatus consulta, quis multo
cum honore, modus tamen præscribatur.

§. XX.

Tandem pervenimus ad spiritualem Altaris Cornuum significationem, quam minimè in variis Allegoriarum figuris, neque in convenientiis magna ex parte ad lubitum effictis ac sàpius obtorto collo raptis ponendam puto, uti quidam non incelebres ex modernis Theologis facere amant, sed ut errorem in tam gravi subiecto quantum erit possibile devitem, Dux mihi potius erit ipsemet Spiritus Veritatis, qui in Verbo suo hocce Mysterium non admodum obscurè nobis commononstrat. Triplicem Rationem, quare Deus voluerit Aram cornibus in angulis esse instruētam, jam lustravimus, ita tamen integræ res nondum est confecta: cum enim certum si, utramque Aram magnum quid significasse ac præ se tulisse mysterium, ac clarissimè adumbrasse J. CHRISTVM, qui ideò à D. Paulo vocatus *Altare nostrum* Heb. XIII. 10. de quo instar omnium conferri poterit Clar. CRAMERV Tract. ian⁹ sàpius allegato Cap. ultimo, meritò quærendum, quannam rationem atque respectum hæc habuerint Cornua ad integrum Altare quod S. Servatorem repræsentavit, & quid illa peculiariter adumbrave-

braverint; seorsim enim aliquod præ se
tulisse mysterium nullus dubito, quoniam
usus quosdam habuere particulares sibi
proprios, ac à reliquæ Aræ ejusque varia-
rum partium usibus quam maxumè distin-
ctos, uti suprà monstratum fuit. Porro
sub hisce Cornibus aliquid latere piam
mentem persuadebunt frequentes in S.
Scriptura loquutiones, quæ Messiam sub
emblemate *Cornu* nobis sistunt, haud du-
biè proximo sensu ob roboris, celsitudi-
nis summæque excellentiæ notionem,
quam repræsentant Cornua, uti docent
exempla §. I. allata, quæ tamen omnem
ἐργεταν ejusmodi Phraseos non semper
exhauriunt. Ita D. Mesias vocatur *Cornu*
Davidis quod germinare faciet *Jehova*, Ps.
CXXXII. 17. *Cornu Populi* sui quod effert
Jehova, CXLVIII. 14. ac LXXXIX. 18. 25.
Ita 1. Paral. XXV. 5. recensentur filii He-
manis qui vocatur *Videns Regis* כָּבֵד
הַלְּדוֹת רְהִירָה קָרְבָּן in Verbis Dei de ex-
tollendo *Cornu*, i. e. in vaticinando de glo-
ria Regni Davidis & Salomonis ac de fu-
tura glorioſa benedictione stirpis Davidi-
cæ in nativitate Mesiaæ ex gente Jesse ori-
undo. Sic Hanna in Cantico, quod ceci-
nerat ad celebrandam Dei benignitatem
in largiendo sibi filium exhibitam, cuius
nativitas cum suis circumstantiis uti &
ipsum Canticum miram quandam præ se-
ferunt

ferunt convenientiam cum nativitate D. Johannis Baptista ac Cantico Zacharia, inquit, dabit Jehova fortitudinem Regi suo, & extolleret Cornu uncti sui, 1 Sam. II. 10. sic Psal. XVIII. 3. Hieropsaltes potentissimum Dei auxilium quam magnificis verbis effrens canit, Deus est rupes mea, clypeus meus, & Cornu salutis meæ, quam ultimam Phrasin ad literam sequutus est Zacharias in Divino Canticò, quod personuit ob natum sibi adeò miraculose tantisque sub auspiciis filium, ac propè insequuturam Dei Filii incarnationem, quam probè perspectam teneus inquit, benedictus Dominus Deus Israelis, quod inviserit ac redemerit Populum suum, & erexerit nèpas σωτηρίας Cornu salutis nobis in domo Davidis filio sui, Luc. I. 69. Vide de his Celeb. EWALDVM Emblem. sacr. Tom. I. exerc. X. Non puto has adpellationes D. Messia tangentia cum emphasi tributas nihil aliud innuere quam vulgarem sensum rationemque trivialem sub emblemate Cornu involutam, eamque significationem integrè Scopo Spiritus S. satisfacere, quam licet sat magnificam, cum tot aliis rebus, creaturis, Regibus hujus Mundi, imò non rarò impiis etiam communem haberet Dei Filius; imprimis τὸ οὐρανός σωτηρίας ac Ιησοῦ. aliud longè augustius sonant, quam vel Regi Majestatis summum fastigium, quum

quum præcipua emphasis hujus tam infolitæ Phrasæos in voce σωτηρίας ejusque conjunctione cum Voce κέρας absque ullo dubio sit quærenda.

§. XXI.

Cel. Viri LAMPE ac LE MOYNE sententiam quandam de his producunt, quæ quidem sat ingeniosa est. Existimant enim in allegatis S. Scripturæ locis allusionem fieri ad Nubis & Ignis Columnam Ducem itineris Israelitarum per deserta, ejusque lucem ac splendorum voce ἡρ̄ significari; Quæ tamen opinio nobis non probatur, eamque funditus jam evertit Celeb. EWALDVS loc. cit. certè illa minimè satisfacit voci *Salutis* cum *Cornu* conjunctæ, nullaque ratione nubis Columnæ congruere potest; è contrà omnia clarè ac rectè procedunt, ac non leves difficultates tolluntur, si nobis persuasum sit, sub hisce Phrasibus allusionem ad Aræ Cornua latere; quod & à magni nominis S. Scripturæ Interpretib⁹ factum, & ipsa rei veritas suadet, uti demonstrant Cel. Viri BVCHERVS Antiq. Evang. p. 890. seq. & EWALD. l. c. sequentibus inducti argumentis, quibus calculum meum citrā hæsitationem addo. *N. Cornu Salutis* dici meretur Rex Messias respectu habito ad Aræ Cornua, eò quod hæc Refugii locum à furore ac persecutione

one Vindicis tutissimum præbuere, cumque profugis cædis reis sed involunta-riæ, adeoque ipsis vera ac proxima causa salutis & incolumitatis extitère. Ipse autem D. Messias longè excellentius præbet Refugium, in divino suo merito o- minibus fessis, laborantibus, à justa Nu-minis vindicta ad æternum petitis suppli- cium, non solum involuntariè reis, sed verè noxiis, eosque non temporali tan-tum vita ac impunitate, sed æterna ac in-dissolubili donat vita, itaque ille nobis unica causa status unicè beati.

¶ Altaris Cornua Sanguinem expiatori-um piacularis hostiæ absorbuere, super-que iis peracta expiatio pro peccatis, nul-lusque sanguis eam obtinuisse ratus, nisi Cornua tetigisset. Sanguinem verè expi-atorium JESU C. unicum esse qui tollit Mundi peccata, persuasum est cunctis, qui CHRISTO nomen dedere; illum ipsum tamen pretiosissimum Sanguinem aptum ratumque ad id opus non suisse nec esse potuisse, nisi à Θεῷ θρωπῷ fusus, in Ara Divinæ Naturæ sparsus, ac summa ejusdem dignitate ac quasi vertice celsissimo ab-sumitus consecratusque, nec minus cer-tum est, integrumque adorandum Redem-tionis Mysterium id abundè suadet.

¶ Cornu salutis erigi dicitur in Domo Da-T. III. P. IV. Eee vidis

vidis, quod manifestum habet respectum ad Altaris Cornua, quæ eræta in ejusdem angulis atque in Domio Dei erant conspicua, quæ Domus typus fuit Ecclesiæ. Domus Davidis spiritualis, ad quam salus hæc à Messia parta unicè pertinet.

¶. Luc. I. v. 71. Zacharias de hoc Cornu in gente Davidis eræcto canit, *qui servaret nos ab inimicis nostris & è manu omnium odio nos habentium*, ac v. 77. salus, quam hocce Cornu adfert explicata per *remissionem peccatorum*, quam Populo mox parandam nunciare debuit Messia Præcursor; Duplex hic erectionis Cornu salutis scopus mire convenit cum duplice usu Ara Cornuum *στυλία* scil. & expiatione delictorum.

¶. Loci paralleli 2 Sam. XXII. 3. & Psal. XVIII. 3. hanc allusionem non parum firmanter, cùm Hieropsaltes ibi phrasí *Cornu Salutis* aliam jungit, scil. מִזְבֵּחַ ac *propugnaculum*, *refugium meum*, quæ, licet etiam de rupibus, speculis, propugnaculis in montium jugis constitutis, qualia in Judæa non rara, exponi posse, refugium tamen ad Ara Cornua, ac quasi sub alas Divinæ Præsentia corporaliter in signo Sanctuarium Templi inhabitantis, egregie innuit, præsertim posterior.

¶. Zacharias verosimillime loquutionem hanc non tantum è locis V. T. parallelis, sed

sed etiam à re desunisit ipsa cum dictis Davidicis optume congruente, quæ ipsi ceu sacerdoti sèpè sacro ministerio in Templo functo longè erat notissima, cujusque usum ac mysterium probè perspiciebat, quod ejus pietas ab ipso Spiritu S. tam egregio ornata testimonio credere nos jubet. Quid ergò mirum, si pius serex in summo gaudio, quo pectus habebat perfusum ob nativitatem tam stupendam masculæ prolis ac mox inseguaturam Verbi incarnationem, afflatu divino permotus, hæcce cecinit, quæ perspectio tanti mysterii sub Ara ejusque Cornibus adumbrati ac tantæ salutis anxia expectatio, piæ menti suggestebant suadebantque.

J. XXII.

Quum igitur allusio ac mysteriosa expressio, quæ sub phrasí *Cornu salutis* involuta, ad Altaris Cornua optumè ac longe opportunius quam ad ullam aliam rem referri poterit, eam in animo habuisse pium sacerdotem nullus dubito; Quid ergò impedit, quo minus credamus, sub Cornibus utriusque Altaris adumbratum piorumque menti & quasi oculis in pictura exhibitum fuisse Dominum ac Servatorem nostrum JESVM C. qui, uti alio respectu, quoad scil. in natura humana immolandus, mortem obiturus, ac sacrificium

Eee 2

ciūm

cium loco nostro erat futurus, sub victimis præsertim holocaustis ac expiatoriis varie repræsentabatur, ita quoque sub ipso altari haud dubiè fuit figuratus, non quidem illa ratione, quâ Victima illi imposta, sed quâ Victimam consecrabat, quæ alias non legitima nec rite oblata fuisset. Ipse enim solus, cum Verbum Deum naturæ humanæ in eadem persona haberet junctum, varias vices in oblatione hostiæ, quæ unica in æternum consummavit quos cunque sanctificatos & sanctificandos, administravit. Fuit enim Sacerdos, Altare, & ipsamet Victima, quod clarè admodum innuit D. Apostolus paucissimis hæc omnia verbis comprehendens Heb. IX. 14. Qui per Spiritum æternum fecerit ipsum obtrahit inculpatum Deo &c. confer cap. XIII. 10. III. 1. IV. 14. Ephes. V. 2. Joh. X. 17. 18. ac permulta alia tabularum Novi Fœderis loca hoc spectantia. Divinam ergo Mediatoris Deum inter & peccatorem naturam sub Altari Veteris T. fuisse adumbratam generaliter, persuasum habeo, ejusdem verò Altaris Cornua ad eandem respexisse specialiter, haud minus certum mihi videtur. Neque enim sollicitos nos habere debet duplex hæc quasi adumbratio, nec inutilis censenda est repetitio, quot enim quæso cultus Levitici partes speciales eandem unamque Novi Fœderis rem

rem repræsentavere? Sic omnes planè innumeræ diversæque Victimæ ad unicum perfectissimum CHRISTI sacrificium, omnes tam variæ libationes ad ejus sanguinem, Altare Aureum duplexque in eo peractum ministerium ad unicum munus sacerdotale binasque illius partes, Arca Fœderis variusque illius usus, in exhibendo externo Divinæ Gloriaræ symbolo, in recipiendo sanguine versus Propitiatorium sparso, in peragrando deserto, in procedendo in aciem contrâ hostes &c. ad unum Dei Filium ejusque incarnationem fructusque inde procedentes referenda erunt. Neque temere Cornua à coetero Altaris corpore sunt divellenda, follicitè enim à Deo O. M. cautum, uti ex eadem materia eodemque opere continuato existent; alias enim nec illa nec hoc ritè sese habuissent, ideoque minimè ceu aliquod per se vel ab Ara alienum, sed ceu illius gloria ac pars sanctissima celsissimaque omnino consideranda veniunt; Quod ideo Ara in genere ac non nisi certò tantum respectu, id cornua in specie ac longè excellentissimo modo adumbrarunt.

§. XXIII.

Quod Altaris Cornua figuram exhibuerint spectabilem ac venerandam, in præcedentibus jam visum fuit, variisque exemplis demonstratum, qualem etiam no-

Eee 3 tio-

tionem stylus Spiritus S. cornibus in genere tribuat. Hoc autem sensu Divinam Regis Messiae Naturam commodè sub hoc symbolo latuisse dici potest. Ipsemet enim est *eclipsus Divinae Majestatis & fulgor Glorie ejus*, Hebr. I. 3. *Gloria Iehovae Cherubinorum alis innecta Ezech. X. 4, 18.* antitypus venerandæ illius Schechinæ super Propitiatorio, in quo umbratice conspicienda erat Gloria Dei Israelis, donec fidelibus copia foret dicendi, & spectavimus, reapse, propriè, propriis oculis, Gloriam ejus, Gloriam ut Unigeniti à Patre, plenum gratiæ ac veritatis; Joh. I. 14. *Gloria ac Majestate coronatus dicitur Psal. VIII. 6.* inde quoque non raro in visione S. Vatibus se exhibuisse legitur sub augustissima quam mens vel unquam excogitare valeret forma; tali Majestatis Divinæ fulgore, quem vel purissimi Oculi sanctissimaque Corda pio horrore adorantia ferre tamen nunquam valuissent, nisi divinitus corroborata, vide Dan. X. 5-19. Math. XVII. 6. Apoc. I. 17. quare ipsemet Salvator prædixit, fore ut tremendo illo Judicii novissimi die venturus sit cum gloria sua stipatus Angelorum myriadibus, Math. XXV. 31. Dignus enim voce Angelorum Chori judicatus est Agnus ille maculatus, qui accipiat Potestatem, potentiam, sapientiam, honorem & Gloriam, Apoc. IV. 12. hanc inter alia per Arae cornua voluit adumbrari.

§. XXIV.

§. XXIV.

Maximè vero eadem repræsentasse J. CHRISTI Divinitatem constat in adspersione sanguinis super hæc Cornua peracta; Hoc nos docet, in J. CHRISTI Persona, qui sanguinem humanum fudit ad expianda Mundi peccata, junctum esse sumimum meritum, quippe *Vitam posuit pro Ovibus*, Joh. X. 15. simul cum summa Potentia servandi, vitam enim dat æternam illis, neque peribunt in æternum, neque rapiet eas quisquam è manibus suis, v. 18. Per ipsum verus ac perfectissimus sanguis expiatorius, qui propria virtute expiat peccata, est oblationis, i Joh. I. 7. Ipse ille est, qui nobis propositus ad Propriatarium per fidem in illius sanguinem, Rom. III. 25. qui nos Deo reconciliavit, cum adhuc essemus hostes, Cap. V. 10. *Qui terræ illius peccata sustulit uno die*. Zach. III. 9. Idque omne effecit pretiosissimo sanguine, quem ejus humana Natura præbuit atque ex intimis præcordiis copiosissime fudit, quæ tamen humanitas arctissimè in eadem Persona incomprehensibili nobis modo nexusque juncta erat Divinitati, eò ut hæc præcipuum dignitatem ac gravissimum valorem pondusque piaculari huic sanguini præberet, qui adeò quodammodo Divinitati quasi Aræ Cornibus inspersus, ab illa omnem suum valorem accipiens, tum denum rite fusus censebatur. Sanguinis expiatio ii

in Cornua reliquamque Aram adspersio olim innuebat, offerentem Numini sollemniter dare ac consecrare hostiæ vitam animamque, quæ in sanguine constituta, Deumque, qui ipsem hunc ritum præscriperat, hostiam in hominis expiationem ac quasi loco ipsius accipere, gratamque habere; Sic CHRISTVS J. vitam pónens ut victima, ceu fæcerdos semetipsum per Spiritum æternum Deo ad piaculum gratissimi odoris ad *αὐτίλατρον* pro nobis consecravit, summe tamen perfecta Divina Justitia placide atque integerrimo beneficio hocce immensi pretii piaculum admisit eoque acquievit, sed haud ante quam Redemptoris Divinitati ceu Ara Cornibus adspersum, cum illa arctissimo nexu coniunctum, atque per illam ad immensam, quam necessariò habere debuit, dignitatem fuisset elevatum.

Cruor olim Victimæ, licet mundæ, cæsæ, rite præparatae, omnibus numeris juxta Legis Divinæ præscriptum absolutæ, frustrâ tamen erat fusus, nulloque modo peccatorum expiationem obtinebat, nisi etiam cornibus Altaris esset illinitus iisque junctus. Ita Mundi Redemptor frustra causus sanguisque ejus esset irritus, nisi Divinitas eundem sanguinem Deo Judici obtulisset ac sua sanctitate ceu immenso prelio instruxisset, ut ad Opus Redemptionis aptus foret. Piaculorum sanguis quatuor
Ara

Aræ Cornibus ad totidem Mundi plagas spe-
ctantibus imponi per adspersionem debuit,
non tatum uni vel alteri, sed omnibus ex-
presso Dei mandato. Sic sanguis Agni Dei
per ejus Divinitatem, quæ ubicunque præ-
fens cœlum terramque implet, cuius glo-
riæ infervit plenitudo terra, integerque
mundus gloria ejus impletus, fuit conse-
cratus, ut sit efficax quam maximè pec-
catorum expiatio, purificatio conscientia-
rum, ac vera adspersio contrà immundi-
tiem omnium fidelium ad quamvis cœli
plagam degentium quovis mundo vivant,
eorum quippe D. Johanni in visione ex-
hibita *ingens turba, quæ numerari nequit, ex*
quacunque gente, tribu, populo linguaque,
stans ante Thronum Agni, Apoc. VII. 9. Deni-
que Cruor piacularis hostiæ Cornibus Aræ
inditus olim à sacerdote, ut in quoddam
extaret quasi monumentum peccatorum
hominum, iisque quotidie delictorum re-
probaret atrocitatem, mortisque asfiduam
comminationem, quæ transgressioni Legis
iuncta cum exitiali horrendoque carmine
iisdem jugiter ob oculos poneret, eos-
que commonefaceret de futura tandem
vera expiatione vero unicoque sacrificio
hujusque summa necessitate, adeoque
Cornua Aræ sanguine expiatorio tincta
exitere ceu quoddam chirographum jus-
titiz Dei vindicatrici exhibitum, quo se
quilibet piacularum offerens victimam,

Ecc 5 son-

sontem, reum, debitorem, qui solvendo non esset, declarabat, suique debiti publicum hocce testimonium tabulamque cui libet noscendam suspendebat. Hoc clarè innuunt Verba Jehovæ per Prophetam Populo Judæorum exprobrantis, *Peccatum Ju-dæ scriptum est stylo ferreo & scâl pro lapidis perpetui, exsculptum in tabula cordis ipsorum ad Cornua altarium vestrorum* Jer. XVII. 1. Ita divinus noster Redemptor lapsus, peccata, transgressiones omnium in se credentium sustulit, bajulavit, ac in crucem deportavit, non verò, ut nobis illa exprobraret, atque in testimonium perfidiaz ac defectionis nostræ erigeret, vel insufficienziæ atque debilitatis nostræ nos admoneret, sed potius, ut cruenta illa damnationis monumenta, sanguine piaculari conscriptos culpamque exprobrantes libellos morte sua laceraret, chirographum illud cruci affixum penitus deleret, ac omne quod non absolutissimam spiraret redemtionem funditus pessundaret, ut nobis integrum imò æternam reconciliacionem pararet.

§. XXV.


Ultimo loco idem Divinus Servator admodum clarè fuit repræsentatus per Aræ Cornua, quatenus illa cædis involuntariæ reis, ac ceu talibus sine hoc aliorumque asylorum refugio summè miserandis ac vindictæ Goelis expositis, refugium sacro-
san-

sanctum præbuere. CHRISTVS tamen ceu
Antitypus longe eminentiori gradu tutissi-
mum sanctissimumque nec vi nec arte
superandum præbet Asylum, non modo in-
firmitatis, lapsus involuntarii, omnibusque
mortalibus communis labis reis, sed cuicun-
que vel maximo peccatori, summe noxio,
laſſæ Divinæ Majestatis summo in gradu reo,
perduelli atque perjuro aditum ad hocce
Refugium in sanguine suo ineffabili pandit
amore, modo ad illud cum fide non fucata,
sensu propriæ miseriæ, notitia summe in-
digentia, ac confidentia salutis ibi offen-
dendæ configiat. Hoc ipſemē testatum
dedit Jes. XLV. 22. *Respicite me & servami-
ni omnes fines terræ, ego sum Deus fortis &
nullus præter me;* Servati adſipulantes re-
ſponſum dant, tantummodo in Jehova omnis eſt
iustitia ac robur; ipſe eſt Arx munita ac nomen
ejus, ad quam configuit Iustus ac præſidiū
adipicitur, Prov. XVIII. 10. *Ipſe eſt ſignum
Populorum ē radice Iſai, ad quem gentes con-
ſulturæ venient,* Jes. XI. 10. Omnes beati, qui
ad ipsum configiunt, Psal. II. 12. *Homo bea-
tus qui in ipſo ponit fiduciam ſuam,* LXXXIV.
13. Ab hoc quippe Asylo nemo unquam,
nec mors, nec Mundus nec omnis Portæ
inferorum rabies avellere per fidem illud
amplexos in æternum valebunt, quis enim
ſeparabit nos à Charitate Christi &c. Rom. VIII.
35. Aræ Cornuumque ejus Asylum olim
præcipue fæcerotibus cædis invitæ reis
tute-

tutelam præstitit, iisque magis fuit opportunum ac cæteræ Israelitarum turbæ. Nos verò, CHRISTO qui nomen dedimus, omnes sumus sacerdotes spirituales Apoc. I. 6. 1 Pet. II. 5,9. communione mystici Altaris gaudentes, ad illud quotidie accedendi facultate pollentes, atque cum illo per communionem Corporis Sanguinisque illius per veram fidem communicantes. Nobis ergò eminentissimo modo dici potest, erectum esse ad commodum nostrum hoc Asylum, hocce *Salutis Cornu*, ad servandum nos ab hostium furore, qui animæ nostræ exitium infesti anhelant, licet minime simus insontes, sed heu! omnis labis corruptæ ac rebellionis rei, tamen si onere peccatorum presi ac nostra de miseria convicti Math. XI. 28. ad Aram hanc nosmet conjicimus, Cornua hæc illorum meritum ac potentiam amplectentes fideque firmiter tenentes, in iisdem manentes, omnemque nostram salutem iis acceptam habentes, amplissimum certò inventuri sumus simul ac invictum nulloque tempore violandum Refugium, quod ab omni exitio vindicatos nos reddet in æternum, quod unicè salutiferum Asylum ipse Pater Cœlestis pro immensis misericordiarum suarum divitiis Peccatori de salute sua anxio indicavit Jes. XXVII. 5. *Sicut prehendet ROBVR MÆVM, faciet pacem mecum, pacem faciet mecum.*

ברוך שֵׁם בְּבָרוֹךְ מֶלֶכְוֹת לְעוֹלָמָה רַבָּה .

*** *** ***



INDEX I.

Locorum SS. pasim in hoc Tomo
expositorum aut illustratorum.

Numerus major Partes, posterior pa-
ginas denotat.

- | | | | | |
|----------------|---|-----------|----------------|---------------|
| Gen. I, 31. | - | III, 475. | Exod. XV, 10. | III, 587. |
| III, 4. | - | III, 558. | 16. | III, 589. |
| 16. | - | III, 559. | XX, 15. | III, 590. |
| IV, 9. | - | III, 561. | Lev. XIV, 8. | III, 591. |
| 8. | - | III, 565. | XXV, 25. | III, 597. |
| 13. | | ibid. | XL, 9. | III, 594. |
| VI, 2. | | III, 566. | 12. | III, 596. |
| VIII, 17. | | III, 567. | Num. XIV, 42. | II, 265. |
| XV, 2. | | II, 329. | Deut. VIII, 7. | II, 425. |
| II. | | III, 568. | Jos. V, 13 15. | II, 368. |
| XX, 4. | | III, 569. | XIII, 3. | II, 434. |
| XXI, 20. | | III, 571. | XXIII, 14. | II, 332. |
| XXIV, 63. | | ibid. | Jud. VIII, 28. | I, 172. |
| XXVII, 40. | | III, 573. | | & 185. |
| 42. | | III, 575. | VII, 16-20. | II, 251 sq. |
| 46. | | III, 577. | 5. 6. | II, 285. |
| XXXIV, 31. | | III, 579. | 18. | II, 288. |
| XLI, 43. | | ibid. | I Reg. II, 2. | II, 332. |
| XLIX, 6. | | III, 583. | Psalms. CXV, | III, 544 sqq. |
| Exod. VIII, 8. | | III, 585. | CXVI. | III, 546. |
| XIV, 19 20. | | II, 264. | CXXIII, 2. | II, 332. |

Fff

Eccl.

Eccl. I, 7.	II, 427.	Luc. XXII, 13.	I, 239.
Jes. XXIX, 21.	I, 195.	22.	II, 334.
LIII, 3.	I, 213.	Joh. II, 15.	II, 316.
Sirac. XXX, 21.	II, 332.	A&t. II, 42.	I, 199.
2 Maccab. XI, 5.	II, 319.	46.	I, 204.
Matth. V, 6.	II, 304.	Vl, 9.	III, 520.
Vl, 23.	I, 188.	VII, 53.	I, 205.
VII, 6.	I, 189.	XVII, 28.	III, 528.
XV, 5 6.	I, 190.	XXII, 3.	III, 534.
XVI, 18.	I, 191.	Rom. VII, 6.	I, 206.
XXIII, 27.	IV, 619.	23.	ibid.
XXVI, 19.	I, 227 sq.	VIII, 4.	I, 207.
30.	I, 282.	XII, 6.	I, 208.
XXVII, 54.	IV, 675.	XIV, 5.	I, 209.
Marc. VI, 5.	II, 370.	1 Cor. III, 15.	ibid.
XIV, 16.	I, 239.	XI, 10.	I, 211.
Luc. VIII, 14.	I, 192.	XV, 23.	II, 217.
XI, 3.	I, 193.		& III, 528.
24-26.	I, 194.	Tit. I, 12.	ibid.
44.	IV, 619.	1 Petr. III, 19.	I, 192.
XVI,	II, 334 sq.	2 Petr. II, 20.	I, 197.
8.	I, 197.	Jac. I, 11.	I, 193.
9.	I, 198.		

INDEX II.

Vocum & Phrasium Hebr. Chald.

Syr. Arab. &c.

אברך	III, 579.
אחרית הומינָם	II, 362.
אמר	III, 565.
ב & ב redundantia	III, 567.
בני עלמא	II, 355.
ורך קשָׁת & ורך	I, 233.
וְיַם הַוֹּם	III, 594.

הראשונה

הַשְׁעָנָא	II, 235.
הַלֵּךְ	II, 329.
וְin ר' mutatur	III, 597.
וְaniyi	II, 492. 495.
יָאוֹר	II, 418.
כִּיס & כְּבָס	III, 591.
סְדָר	II, 290.
כִּיס הַבְּרָכָה	II, 283.
כְּוָר mensura	II, 378.
כְּסָא דְּהַלְלָה	II, 283.
לְפִידָר, לְפִידָר	II, 291.
מְקָרָם מְקָרָם, מְרוֹר	III, 597.
מְטֻמְנִית & מְטֻמָּה	II, 382.
מְמָן	ibid.
מְרַצֶּה	IV, 616.
מְשִׁלֵּח & מְשִׁלֵּח	III, 564.
נְלִיל & נְלִיל	II, 420.
נְחַל מְצֻרוֹת, נְחַל	II, 405 sq.
נְחַם & נְחַם	III, 576.
נְשָׂא	III, 563. 566.
נְשָׂבָב	III, 569.
חַבָּן	III, 533.
סְנִיר	III, 595.
עֲוֹתָר סְוָפָרוֹת	II, 492.
עַרְישׁ & עַרְישׁ	II, 483. 492. 497. 502.
פָּרוֹת & פָּרוֹת	III, 595.
צִיה	IV, 616.
قُوْصَ & كُوْصَ	III, 577.
قُرْبَ & كُرْبَ	III, 569.

Fff 2

קְרָן

קָרְתָּה	IV, 716.
קְשֻׁקְשָׁתָה	III, 594.
רָאָה	III, 566. 590.
רָאָה & רָאָה	III, 566.
רְבָתָה	III, 571.
רְבַעַת & רְבַעַת	III, 563.
רְרוֹר	III, 573.
רְחִצָּה	III, 591.
רְמַת mutatur in רְמַת	III, 597.
רְשֵׁת & רְשֵׁת	III, 571.
שְׁחוֹת	II, 434.
שְׁכִיר & שְׁכִיר	ibid.
שְׁוֹקָה	III, 559.
תְּשֻׁוֹתָה	ibid.

INDEX III.

Vocum & Phrasium Græcarum.


Ἄδης quid significet.	IV, 687 sq.
Ἀνατρέπειν pro ἀνατρέψειν.	II, 316.
Ἀπλάστας.	II, 302.
Ἄσχη.	II, 302.
Ἄφαιρέομαι.	II, 373.
Βιάζεσθαι.	III, 450.
Βλέπειν εἰς ἄλλα χεῖρα φυσηται sit phrasis?	II, 329.
Γενεὰ quid significet?	II, 357.
Δεῖνα, nunquam usurpatur sine articulo.	I, 276.
Οδεῖνα	I, 278.
Διαβάλλεσθαι.	II, 368.

Διασκορπ.

Διασκορπίζειν.	II, 368.
Διαλαγή idem est quod διάταξις.	I, 205.
Διψᾶ cum accusativo.	II, 305.
Δύναθαι varium habet sensum.	II, 370.
Ἐγκαναχέομεν.	II, 269.
Ἐκλείπειν.	I, 198. II, 385.
Ἐν παντὶ γενέθαι defenditur.	II, 303.
Ἐπιέσιος ἀριστή.	I, 194.
Ἐποιητέειν τὸ πάχος.	I, 231 sq.
Κεραία.	III, 456.
Κείνω.	I, 209.
Δογας pro computatione arithmeticā.	II, 370.
Μεθίσημι & μετατησάμην.	II, 375.
Οὐνάσθαι emphasis.	IV, 699.
Οὐδε πύρφορος ἐλείφθη proverbium, unde?	II, 256.
Πεντῶ cum accusativo.	II, 305.
Πονηρός radicem habet πόνω, ægrotō.	I, 188.
Πορευεθαι eleganter sumitur de morte.	II, 329.
Πύρφορος quid denotet.	II, 252.
Πύρφορος εὖς ἐλείφθη.	II, 256.
Σαρβαθεῖον denotat synagogam & vocis hujus origo.	IV, 613.
Τιμεῖν quid significet.	I, 282.
Φρυγίωρος & Φρυγίωρία.	II, 260.

Eff 3:

IN-



INDEX IV.

Personarum & rerum memorabilium.


A.

- Ablatio Scribarum. III, 492.
Accentuum auctor an fuerit Esra. III, 480.
Ægyptus quasnam regiones comprehendenterit. II, 459.
Agobardus (S.) contra imaginum cultum II, 323.
Alciphronis ἀπλώσας ponderatur. II, 302.
Alexandri Monachi verba de Diocletiano & Maximiano Herculeo II, 306.
Alexandriæ laus. III, 513.
Almoni de ultima Servatoris cœna. I, 226.
Alytarchæ Antiochiæ quænam sit denominatio; II, 307.
Ambitionis excusatio. I, 64.
Anonymi Specimen Observatorium Sacrarium. II, 301 sq.
Antiochus Epiphanes dedit ansam versionis Græcæ Prophetarum II, 470.
Antiquitas codicis mspti non semper est annotanda & ad eam provocandum. III, 475.
Apices non appinxit Esra Codici S. III, 467.
Apollo Tarsensium Numen. III, 507.
Apophthegmata in maledicos. I, 63.

Arx

- * * *
- Aræ veteri lingua Romana *ansæ*
 dictæ sunt IV, 746.
 Ares aut Arisch non fuit Ostraci-
 ne, II, 473. sed vel eadem
 cum Rhinocorura, vel in e-
 jus confiniis sita II, 487.
 Arnon non fuit fluvius, sed torrens. II, 430.
 Asylum unde dictum? IV, 784.
 Athenagoræ *avξη* defenditur. II, 302.
 Athenæ unde dictæ? III, 512.
 Auctoris ignari & altercantis de-
 scriptio. I, 220.
 Augustus non dicendus puer, sed
 juvenis. I, 5. Non fuit cru-
 delis. I, 11 sq. Nec ca-
 lumniator. I, 1 sq. Augustus
 non perit fraudibus Liviae. I, 30.
 Aulander contra Almoni I, 20.
- B.
- Baraterii iudicium contra R. Benja-
 minem IV, 607.
 Batos est mensura quædam liqui-
 dorum II, 378.
 Baylius impurus scriptor. I, 120 sq.
 R. Benjaminis Tudelensis testimo-
 nia de synagogis Jud. prope se-
 pulchra. IV, 604. Contra
 quem Wolfius judicia collegit.
 & Baraterius IV, 607.
 Bethsuræ situs. II, 320.
 Bos (L.) defenditur ad Joh. XI, 15. II, 316.
 Fff 4 Bru-

- *) (*)
- Bruno Italus laudes Diaboli dixit
Wittebergæ. I, 71.
- Busta vocata sunt templa Gentili-
um à primis Christianis. IV, 636.
- C.**
- Canis è Nilo, proverbium unde? II, 285.
- Cantica priorum Christianorum. I, 204.
- Capellus ineptis Criticis annu-
meratur. III, 462.
- Chronologia Evang. Paschatis ultimi. I, 249.
- Cilices male audientes commenda-
runt se studio literarum elegan-
tiorum. III, 505.
- Cilicismi Paulini. III, 540.
- Cipporum Hebræorum Auctoris
testimonia de synagogis Jud.
prope sepulchra. IV, 604.
- Claudius Taurinensis contra simu-
laca. II, 323.
- Clavi crucis dominicæ utrum ahe-
nei an ferrei fuerint? II, 309.
- Codices antiqui interdum vitoſe
descripti fuere. III, 474.
- Conchis utebantur ante tubarum
inventionem. II, 267.
- Conſtructio Hebraica incerta. III, 477.
- Contradicere quando liceat scriptori? I, 219.
- Cornua aræ tabernaculi & templi. IV, 713 sq.
- Cornu salutis cur Mesias dicatur. IV, 790.
- Corus fuit quædam aridorum
mensura. II, 378
- Crina-



Crinagoræ epigramma explicatur. II, 320.
Criticum qualem esse oporteat? III, 461.

D.

Deina (Philol.) de ultima Christi
cœna. I, 227. Descriptio igno-
bilis hujus autoris. I, 220.

Dictum Titi memorabile de Hie-
rosolymis expugnatis II, 386.

Diocletianus Imperator fuit Aly-
tarcha Antiochiae. II, 308.

Dionis Caspii *ἐν παντὶ γενεθλῷ* defen-
ditur. II, 303.

Dionysides, poëta tragicus Tar-
senensis, secundum Strabonem. III, 518.

Dius Fidius & jusjurandum per
illum IV, 639 sq.

Driesenii explicatio parabolæ de
divite epulone. II, 349.

E.

Emendationes Scribarum culpan-
tur. III, 489 sq.

Epha fuit mensura quædam arido-
rum. II, 378.

Ephron semel sine *scriptum*, & cur? III, 471

Epigramma Crinagoræ explicatur. II, 320.

Epigrammatis in Hermaphrodi-
tum anchor quis? II, 311.

Epigramma in Philol. Deina. I, 292.

Esra non restituit Codicem S. ex col-
latione plurium codicum. III,
464. Nec substravit puncta vo-

Fff 5 calia.

*)

calia. III, 466. Nec apices ad-
pinxit. sq. An fuerit Autor ac-
centum Hebr. III, 481.


F.

- Februarius mensis unde nomen ac-
ceperit? IV, 637.
Fidei vocis origo. IV, 643. 659.
Fideles primæ cœconomiae non obtu-
lerunt hostias piaculares. IV, 749.
Filii Lucis quinam sint, & quid de-
nominatio illa significet? II, 353.
Fines terræ promissæ non fuerunt ad
Nilum, verum utique ad Eu-
phratem. II, 403.
Flumina cur cornuta pingantur? IV, 722.
Fragmenti commentariorum ad E-
vangelia auctor, an fuerit Theo-
philus, Antiochiae Episcopus? II, 347.
Funcii (Joh. Nic.) Dissert. de con-
suetudine veterum Romano-
rum per filium Dei jurandi. IV, 639 sqq.

G.

- Gladius Jehovæ & Gideonis fuit in-
star tesseræ militaris. II, 298.
Græci interpretes converterunt
quædam contra veritatem. III, 499 sq.
Gruneri (Joh. Rod.) Disquisitio de
cornubus aræ tabernaculi &
templi IV, 713 sqq.
Gudius (G. F.) de ultima Servatoris
cœna. I, 225.


H.




H.

- Harenbergii (Jo. Chr.) Expositio
Cap. XIV. Lucae. Sectio I. de
villico disoluto. II, 334 sq.
-- - Sectio II. de iis, quæ utriusque
parabolæ sunt interjecta. III, 437 sq.
-- - Sect. III. de divite epulone. IV, 675 sq.
Havemannii (Chr.) Hyle ex scriptis
Judæorum, ad Criticam Sacram
spectans. III, 461 sq.
Hebraica Lingua est primæva. III, 470.
Heisen (Henr.) Contin. Diff. Posteriorum
de imperat. majestate, à primis
hist. Aug. conditoribus indignis-
nissime habita. I, 1 sqq.
Herculis nomen derivatur à Germ.
vocibus *Herr* & *Keule* IV, 668.
Hermogenes, Tarsensis cives. III, 519.
Hieronymi error, urbem Ares fu-
isse Ostracinen. I, 473.
Honestiora verba an in SS. sint ad-
hibenda. III, 497.
- I.
- Jani Diaconi de Villa Nova Chro-
nol. judicum Hebr. I, 168 sq.
Ignis præferebatur olim in præliis.
II, 253. Ejus usus in castris. II,
258. Persarum Reges sibi præ-
ferri curabant. II, 261. Quod
dein Romani imitati sunt. ib.
Ignis usus bellicus ortus à co-
lumna Nubis & Ignis. II, 264.
Ikenii

- *)
- Ikenii (Conr.) Epistola de gemina li-
te sibi intentata. I, 218 sqq.
- - - Adstructio sententiaꝝ suꝝ de
finibus terræ promissæ, & ad Cl.
Millii objectiones responsio. II, 388 sqq.
- Interpretes Græci quædam contra
veritatem converterunt. III, 499 seq.
- Josephi descriptio effeminati agimi-
nis Gideonis. II, 287.
- Mai filii Jehudæ verba notatu digna
de constructione Hebraica in-
certa. III, 477.
- Judæ Gaulonitaꝝ sententia de tribu-
to Romanis negando. II, 379.
- Judices Hebr. respondent Dictato-
ribus Rom. I, 170.
- Juramentorum quorundam ethni-
corum explicatio. IV, 640 sq.
- K.
- Keri & Kethif vestigia antiqua. III,
475. Origo illorum est humana. III, 477.
- Kessleri (Joh. Jac.) Conject. de Oc-
cas. & Auctore Psalmi CXV. III, 544 sqq.
- L.
- Lamii sententia de Pauli eruditione. III, 542.
- Lazarus unde dictus? IV, 680.
- Lectiones duplices iam antiquis
temporibus exstiterunt, III, 475.
- Sed originem ducunt humanam. III, 476.
- Lette (Ger. Jo.) Observationes in V.
T. Loca. III, 558 sqq.
- Litteræ in Codice Hebræo præteror-
dina-



- dinariæ, suspensæ, inversæ &c.
Unde sint, & quid significant? III, 487 sq.
- Lucerna Minervæ Athenis perpetuo
ardebat. III, 512.
- Lucis filii appellati Judæi, & quare? II, 353.
- M.
- Masora judicatur inutilis. III, 483 sq.
- Maximianus Herculeus fuit Alytar-
cha Antiochiae. II, 308.
- Me Dius Fidius, jusjurandum Gen-
tilium. IV, 641 sq.
- Mensis Februarius unde nomen ac-
cepit? IV, 637.
- Michaëlis (Jo. Georg.) Exercitat.
de artibus Gideonis in debellan-
dis hostibus. II, 249. sq.
- - de Judæorum Synagogis pro-
pe sepulchra. IV, 599 sq.
- Minerva Tarsensis dea. III, 507.
- Mosis sepulchrum cur fuerit à Deo
occultatum? IV, 623.
- Musicæ vis in animos hominum. II, 281.
- N.
- Neronis Laudes. I, 73 sqq. Defen-
ditur contra loca quædam Sue-
tonii. 82 sq. De incestu ejus
dubitatur. 85 sq. Cur occiderit
Senecam? I, 96 sq.
- Nilus unde nomen accepit? II,
419 sqq. Non est rivus ille,
qui dicitur coram Ægypto. II, 405 sqq.
- O.



O.

- Oeconomus quis dicatur? II, 358.
Oratoris sacri in exponenda Scriptura Sacra
officia. II, 343.
Ostracine non est urbs Arisch. II, 473.


P.

- Panegyricus in Diabolum. I, 71.
Parabolæ cur Christus adhibuerit? II, 336.
Paſchatis ultimi Chronologia. I, 449 sq.
Paulus an fuerit Tarſensis? III, 524. Ejus vita
juvenilis & eruditio. III, 526.
Peloni coſtra Alionii. I, 227.
Persarum Reges ignem ſibi præferri curarunt. II, 261.
Philologus Deina de ultima cœna Servatoris. I, 227.
Platonicorum & Judeorum de animis separatis
ſimiles ſententia. IV, 691 sq.
Pocockii (Rich.) Sententia de torrente Ægypti. II, 391.
Pomponii Melæ derivatio nominis Nili pondera-
tur. II, 419.
Poſſe dicimur vario ſenſu. II, 370.
Prælectionis quorundam locorum V. T. à Judæis
petitio exemplum, & de eo judicium. III, 493 sq.
Prudens quis dicatur? II, 356.
Piedonymum agere quando liceat? I, 229.
Publicanos cur Judæi adeo aversati fuerint? II, 379.
Pudor præposterus in verbi quæſitus. III, 498.
Puncta quædam cur literis Hebraicis superscripta
inveniantur? III, 473. Vocalia non initium
ſumferunt temporibus Esræ. III, 467.
Purgatorium Pontificiorum deſtruitur. IV, 696 sq.

R.

- Rafchii ſententia de Esra Codicis S. reſtauratore. III, 463.
Ravii diatribe de synagoga laudatur. III, 470.
Rhinocorura eft vel eadem cum urbe Arisch, vel
in ejus confiniis sita II, 487.
Romanorum ritus ignem præferendi à Persis ac-
ceptus. II, 261.

S.



)



S.

- Schmidius (Joh. Andr.) histor. laud. I, 166.
Schminkii (J. H. Diff. de Wenceslao laud. ibid.
Schoenus quid significet? II, 319.
Scribæ qualis honor officiumque apud Judæos
fuerit? III, 468.
Seneca cur occisus fuerit a Nerone? I, 96 sqq.
Sepulchra Judæis impura habita. IV, 615.
Sichor non fuit nomen proprium, sed appellat. II, 434.
Simonius (Rich.) ineptis criticis annumeratur. III, 462.
Sol non est sedes damnatorum. IV, 700.
Spenceri sententia de usu Cornuum Altaris
examinatur. IV, 755 sqq.
Steck (Joh. Rod.) Observat. in N. T. I, 188 sqq.
Stephanophori sacerdotes. III, 538.
Strabonis laus Tarsoenum. III, 509.
Suetonius calumniator Augusti. I, 2. Turpis &
spurcus scriptor. I, 116 sq. Quare ejus hi-
storia ad nostra tempora perveniret? I, 129.
Synagogarum institutio. IV, 601. Utilitas, sq.
Locus prope sepulcra 604. Religiosi ætus
in illis. IV, 626 sqq.

T.

- Tarsenium Numina, Jupiter, Hercules, A-
pollo Minerva &c. III, 507.
Templa gentilium unde originem traxerint. IV, 635.
Theanthropophilus contra Almoni. I, 227.
Theophilus Antiochiae Episcopus. II, 347.
Tiberii laudes. I, 31. Num fuerit nugaram amans?
I, 37. Ejusd. apophategma in maledicos. I, 63.
Ambitio ejus excusatur. I, 64.
Tikkun Sopherim culpatur. III, 489 sqq.
Titi laus & defensio I, 110 sqq. Memorabile di-
ctum de Hierosolymis expugnatis. II, 386.
Torrens quid proprie sit? II, 409 sqq. Torrens
Ægypti non fuit Nilus II, 407. Nec brachi-
um Nili II, 437. Torrens apud Rhinocoru-
ram vindicatur. II, 478.

Tri-

Tributum cur Pharisæi Romanis negaverint. II, 379.

Tubarum inventor Tyrthenus. II, 273. Usus in
bello. II, 276 sqq. Tuba confectione ex cornu
arietino.

Tyrrhenorum gens a quo nomen acceperit. II, 292.
II, 273.

V.

Valerii Flacci locus explicatur. II, 412.

Versionis Græcæ Prophetarum occasio. II, 470.

Vespasianus num fuerit avarus? I, 107 sqq.

Villalpandi sententia de usu cornuum Altaris
refutatur. IV, 750 sqq.

Villicus, quid vox significet? II, 372.

Vita terminus temporibus Judicum fuit 100.
annorum.

Vossius (f.) annumeratur criticis ineptis. I, 173.
III, 463.

W.

Willerami paraphrasis Cantici Cant. II, 314.

Wolfii (J. Chr.) collectio judiciorum contra
R. Benjaminem. IV, 607.

Z.

Zeibichii (Car. Henr.) Dissert. de Tarso. III, 504 sqq.

EMENDANDA.

p. 85.	lin. 4.	didebantur I. dicebantur
88.	15	babere I. habere
91.	15	ubiumque I. ubicumque
103.	25	interuncius I. internuncius
107.	15	versimilitudinem I. verisimilitudinem
252.	24	solæ I. soli
267.	3	αὐτοχειρία I. αὐτοχειρία
	4	matrimonium I. matrimonio
398.	13	Lemmertano I. Lenemerano
405.	15, 16 & 26.	לְפָנֶי I. עַל פָּנֶי
413.	3	me I. ne
426.	24	ipſā cet. I. ipſi Nili inundationibus im- prægnatæ
460.	9	Thin I. Sin vel Thin
489.	11	in quibusd. exemplar. promisera I. mira.

* * * * *

Af 2546

ULB Halle
006 360 394

3



KB18

M.C.



B.I.G.

Black

3/Color

White

Magenta


Red

Yellow

Green

Cyan

Blue



SYMBOLÆ
LITERARIÆ
AD
INCREMENTUM
SCIENTIARUM OMNE GENUS
A
VARIIS AMICE COLLATÆ.
TOMI TERTII
PARS IV.



B R E M Æ
Sumptibus GERH. WILH. RUMPII.
Anno MDCCXLIX.